


भगवान ना खरला बोल



Bareli, Palya: भगवान ना खरला बोल (Bible)

भगवान ना खरला बोल
Bareli, Palya: भगवान ना खरला बोल (Bible)

copyright © 2020 The Word for the World International and Yisu Por Bherho Karanya Paliya Mandli,
Rajpur, Barwani, MP

Language: Pali (Bareli, Palya)

Contributor: The Word for the World International

भगवान ना खरला बोल
नवलो नेम

The New Testament in Paliya Language

The Word for the World International

This translation is made available to you under the terms of the Creative Commons Attribution
license 4.0.

You may share and redistribute this Bible translation or extracts from it in any format, provided
that:

You include the above copyright and source information.

If you make any changes to the text, you must indicate that you did so in a way that makes it clear
that the original licensor is not necessarily endorsing your changes.

Pictures included with Scriptures and other documents on this site are licensed just for use with
those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great
responsibility to be true to God's Word. See Revelation 22:18-19.

2023-04-06

PDF generated using Haiola and XeLaTeX on 25 Aug 2024 from source files dated 7 Apr 2023
b8b7f3a7-ae20-5479-b136-41b7197cbc61

Contents

| | |
|-------------|---|
| मत्ती | 1 |
|-------------|---|

मत्ती का लीखा ईसु मसी का सु-समाचार मत्ती नी लीखली ईसु मसी नी खुस-खबर जानकारी

मत्ती नी लीखली खुस-खबर तीहयी कीताप आहयी से जे च्यार कीतापु मे नी एक कीताप से । जे ईसु मसी ना जीवाय ना बारा मे देखाड़े, आहयी च्यार कीताप मे सी आखी कीतापु खुस-खबर केवाये । तीनु मतलब हये खुस-खबर । ईसु ना हरगे जवान बाद आहयी कीताप मत्ती, मरकुस, लुका, अने युहन्ना ने लीख्यो । मत्ती नी खुस-खबर कारु लीखली तीनी संय टेम नी जानकारी जानकारु ने नी हय पण आमु ईसम देखाड़ सक्या के ईसु नी पयदावारीन 60 साल ना आड़े-धेड़े लीखली से । आनी रीते आहयी कीताप कां लीखली से आहयु बी आमने मालम नी हय, ते बी ढेरत जणा नु माननु से के आहयी कीताप पलीसती मे नीता यरुसलेम हेर मे लीखी हहे ।

आहयी कीताप ने लीखवा बाळो मत्ती से जे एक ईसु नो चेलो हयवा नी पेले एक फाळो लेवा बाळो हतो । तीने लेवी नाम सी बी ओळखता हता । मत्ती आहया 12 चेला मे गेथो एक हतो अने तीहयो युहदी भणवा बाळा नी लेदे लीख्यो । आहया कारण सी आमु देखीया के आनी मे 60 सी जादा वातु पुराणा कायदा नी से । जीना बारा मे भगवान वगे गेथो वात हयी तीहयो सोडाववा बाळो मसी ईसुत से आहयु तीहयु देखाड़वा हींडतो हतो । मत्ती ने भगवान ना राज ना बारा मे बी ढेरत कंय लीख्यो, यहुदया नी हेर हती के मसी राजनेती राज नो राजा हयहे । मत्ती आहया वीच्यार ने नी मान्तो जायन भगवान ना आत्मा ना राज ना बारा मे देखाड़तो हतो ।

मत्ती नी लीखली खुस-खबर आहयी एक वारली कीताप से जीनी सी नवला कायदा नी सुरुवात ने आहयी कीताप पुराणा कायदा नी भणी बराबर अमारो ध्यान लगाड़े । आहयी कीताप पुराणा अने नवला कायदा नी बेम कीतापु ने जोड़ देय । जानकार ईसम खबर करे के आहयी कीताप मे मत्ती मुसा नु लीखलु पांच-भातीन जे पुराणा कायदा ना पेला पांच कीताप्या से तीमनीन तेम आहया बी करे । ईसु जे बड़ा पोर हीकापण आप्यो मत्ती 5-7 जे कायदा भगवान मुसा ने आपलो हतो तीनी बराबरी आमु नी कर सक्या । वेवस्थावीवरन 19:3-23:25

रुपरेखा

1. ईसु नी पयदावारी सी अने तीनी सेवा नी सुरुवात ना बारा मे मत्ती खुस-खबर नी सुरुवात करे । 1-4
2. मत्ती ईसु नी सेवा ना बारा मे अने जे ढेरत वातु नी तीहयो हीकापण आप्यो तीनी बारा मे देखाड़े । 5-25
3. मत्ती नी लीखली खुस-खबर नु जे आखरी भाग से तीहयो ईसु नी सेवा ना काम नी उचला बड़ा नी चोटली से मतलब तीनी मोत अने पासो जीवतो हयवा ना बारा मे बी से । 26-28

☞☞☞☞☞
☞☞☞☞ 3:23-38

1 ईसु मसी ना आडा-बुडा नी नाम नी लीखली सुची नी कीताप, जे अब्राहम* नी अवल्यात, अने दावुद नी अवल्यात हता ।

2 अब्राहम ईसाक† नो सोरो हतो, अने ईसाक याकुब नो बाह हतो, अने याकुब यहुदा नो बाह हतो अने तीना भाय ।

3 अने यहुदा फीरीस अने जोरह नो बाह हतो,‡ तीमनी आय्ह तामार हती, फीरीस हीस्रो नो बाह हतो, अने हीस्रो न एराम नो बाह हतो ।

* 1:3 उवजणाय कीताप 22:1-19; गलातीयो 3:16 † 1:2 उवजणाय कीताप 21:1-12 ‡ 1:3 उवजणाय कीताप 38:27-30

4 एराम अम्मीनादाब नो बाह हतो, अने अम्मीनादाब नहसोन नो बाह हतो, नहसोन सलमोन नो बाह हतो।

5 अने सलमोन बोवाज नो बाह हतो, अने बोवज नी आय्ह राह्व हती, बोवाज^S ओबेद नो बाह हतो, अने ओबेद नी आय्ह रुत हती, अने ओबेद यीसे नो बाह हतो।

6 यीसे राजा दावुद नो बाह हतो।* अने राजा दावुद सुलेमान नो बाह हतो, सुलेमान नी आय्ह उरीय्याह नी लाडी हती।

7 अने सुलेमान रहवाम नो बाह हतो। अने रहवाम अबीयाह नो बाह हतो, अने अबीयाह, आसा नो बाह हतो।

8 आसा यहोसाफात नो बाह हतो, यहोसाफात योराम नो बाह हतो, अने योराम उज्जीयाह नो बाह हतो,†

9 उज्जीयाह योताम नो बाह हतो, योताम आहज‡ नो बाह हतो, अने आहज हीजकीयाह नो बाह हतो,

10 हीजकीयाह^S मनसीह नो बाह हतो, मनसीह आमोन नो बाह हतो, अने आमोन योसीयाह नो बाह हतो;

11 अने ईस्रायल ना माणहु ने धरीन बेबीलोन मे लीजवा नी टेमे, * योसीयाह यकुन्याह अने तीना भायु नो बाह हतो।

12 अने ईस्रायल ना माणहु ने धरीन बेबीलोन मे लीजवान बाद, यकुन्याह[†] सलतीयेल नो बाह हतो, अने सलतीयेल जरुबाबील नो बाह हतो,

13 जरुबाबील अबीहुद नो बाह हतो, अबीहुद ईल्याकीम नो बाह हतो, अने ईल्याकीम अजोर नो बाह हतो,

14 अजोर सदोक नो बाह हतो, सदोक अखीम नो बाह हतो, अने अखीम ईलीहुद नो बाह हतो,

15 ईलीहुद एलीयाजार नो बाह हतो, एलीयाजार मत्तान नो बाह हतो, अने मत्तान याकुब नो बाह हतो।

16 याकुब युसुफ नो बाह हतो, जे मरीयम नो घोरवाळो हतो, अने आहयी मरीयम सी ईसु पयदा हयो, जे मसी‡ केवाये।

17 आनी रीते आखी मेळीन अब्राहम गेथी दावुद लग चोवदे पीडी हयी, दावुद गेथी बेबीलोन मे धराय जवा नी टेमे लग चोवदे पीडी हयी, अने बेबीलोन मे धरीन लीजवा नी अळतेण लग गेथी ईसु मसी लग चोवदे पीडी हयी।

🔗🔗🔗🔗🔗🔗🔗🔗🔗🔗🔗🔗🔗🔗🔗🔗

(🔗🔗🔗 2:1-7)

18 *ईसु मसी नी पयदावारी आसम हयी; जतयार तीनी आय्ह मरीयम नी जोडावणी युसुफ हाते ह्य जेली हती, अने अळतेण तीमना वेवा हयन भेळा हयवा^S नी पेलेत मरीयम चोखली आत्मा नी लारे भारेपोगे ह्य जी।

19 मरीयम नो घोरवाळो युसुफ धरमी माणेह हतो अने माणहु अगळ मरीयम नु नामबददी नी करवा हींडतो हतो, एतरे होगोत तीने सोड देवा नो वीच्यार करवा बाज रेलो।

20 युसुफ आसम वीच्यार करीन हुय ज्यो, तत्यास्त तीने हपना मे भगवान नो हरगदुत देखाव पडीन केदो, “ए युसुफ दावुद नी अवल्यात, मरीयम ने तारी लाडी बणावीन लाव्वा सी ना वीहे। काहाके तीहयी चोखली आत्मा नी लारे भारेपोगे हयली से।

§ 1:5 रुत 4:13, 21, 22 * 1:6 समुल 16:1; 17:12 † 1:8 इतीहास 3:10-14 ‡ 1:9 2 राजा 15:38 § 1:10 2 राजा 20:21 * 1:11 2 राजा 24:14, 15; 2 इतीहास 36:5-21; ईरम्या 27:20; 29:1-4; दानीयल 1:1, 2 † 1:12 इतीहास 3:17 ‡ 1:16 लुका 2:11; युहन्ना 4:25, 26 * 1:18 लुका 1:27 § 1:18 एमेत एक दाडो हयवान पले

21 *अने तीहयी सुरु ने पयदा करहे अने तु तीनु नाम ईसु राखजे, काहाके तीहयो आपणा माणहु ने तीमना पापु सी सोडावहे ।”

22 आहयु आखु आनीन करते हयु के जे बोल मालीक, भगवान वगे गेथी वात केण्या नी लारे केदलो, पुरो हये:

23 “हमळो एक कुवारी भारेपोगे हयहे अने तीहयी एक सुरु पयदा करहे, अने तीनु नाम ईममानुएल पाडहे तीहयु नाम नु मतलब से; भगवान आपणी हाते से ।”

24 जत्तयार युसुफ हुवीन उट्यो, तत्तयार हूपना मे भगवान नो हरगदुत केदो तेमेत कर्यो अने मरीयम हाते वेवा करीन आहूफा ना घोर ली आयो;

25 *वाखीन युसुफ तत्तयार लग मरीयम नी हाते नी ज्यो, जत्तयार लग तीनु सुरु पयदा नी हयु । युसुफ सुरु नु नाम ईसु पड्यो ।

2

1 ईसु यहुदा देस ना बेतलहम गाम मे पयदा हयो । तत्तयार हेरोद राजा राज करवा बाज र्यो हतो । तत्तयार उगवणा गेथा तारा ने जाणवा वाळा जानकारु यरुसलेम हेर मे आया ।

2 अने माणहु ने पुसवा बाज ज्या, “युहदी माणहु नो राजा जे पयदा हयलो से तीहयो कां से? काहाके उगवणां गेथो तीनी सेलाणी नो तारो उगतलो देखला से । अने आमु तीने वांदवा आवला से ।”

3 आहयी वात हमळीन हेरोद राजा अने यरुसलेम हेर मे रेण्या आखा माणहु घबराय ज्या ।

4 एतरे हेरोद राजा युहदी ना डायला पुंजारा अने चोखली सास्तर हीकाडन्या ने अने आखा ने भेळा करीन आहयु पुछ्यो, मसी कां पयदा हयवा जोवे?

5 तीहया केदा, “यहुदा परदेस ना बेतलहम गाम मे; काहाके भगवान भणी गेथो केवा वाळो आना वारा मे केदलो से ।”

6 “ए बेतलहम, तु यहुदा देस मे वाळा, काना बी मोटला हेर मे गेथु नानु नी हय; काहाके तारी मे एवो राज करनयो अदीकार्यो पयदा हयन उजन्तो हयहे । जे मारा ईस्रायल ना माणहु नी देख-भाळ करहे ।”

7 अळतेण तारा ने जाणवा वाळा जानकारु ने हेरोद राजा होगोत बोलायो अने तीमने पुसीन मालम कर लेदो के तारो कानी टेमे देखावा पडलो ।

8 अळतेण हेरोद राजा तीमने बेतलहम मोकल्यो अने हुकम आप्यो, “जावो, अने जायन सुरु ने ह्योदो अने तीहयु सुरु जड जाय, ता मने खबर करजो, एतरे मे बी जायन तीना पोगे पडीन वांदही ।”

9 तीहया राजा नी वात मानीन चाल पड्यो । अने जे तारा ने तीहया देखला हता, तीहयो तारो बी तीमनी अगळ-अगळ चाल पड्यो, अने जां सुरु हतु तीहयात जागे जायन उवो री ज्यो ।

10 तीहया तारा ने देखया ता घण-जबर खुस हय ज्या ।

11 घोर मे मोय ज्या अने तीहयु, सुरु ने तीनी आयुह मरीयम हाते देखया अने तीना पोगे पडीन वांदया, अने तीहया आहूफा-आहूफा नी पेटारी मे गेथा नीकाळीन ईसु ने होनु, लोबान अने गंदायण्यु ईत्तर भेट करया ।

12 काहाके भगवान तीहया जानकारु ने हूपना मे चेताय देदलो के तमु हेरोद राजान तां नी जजो । एतरे तीहया बीजी वाट्ये पडीन आहूफाम ना देस जत र्या ।

13 तीहया जानकारु ने जवादीन मालीक नो दुत युसुफ ने हूपना मे देखाव पड्यो अने हुकम आपीन केदो, “उठ! सुरु अने तीनी आयुह ने लीन मीसर देस नाह जा । जत्तयार लग मे पासो चाल नी केम तत्तयार लग तांत रेजे । काहाके हेरोद राजा मराय नाखवा करीन सुरु ने ह्योदाइवा वाळो से ।”

14 आहयु ह्मळीन तीहयीत राते उठीन सोरु अने तीनी आय्ह ने लीन मीसर देस भणी चाल पड्यो ।

15 तीहयो हेरोद राजा ने मरते लगण युसुफ मरीयम अने सोरु हाते मीसर देस मेत र्यो, अळतेण मालीक भगवान वगे गेथी वात केण्या माणहु नी लारे केदली वात पुरी ह्ये, “मे मारा सोरा ने मीसर देस मे गेथो बोलायो ।”*

16 अळतेण तारा ने जाणवा वाळा जानकारु मने धोको दीन जत र्या करीन हेरोद राजा ने घण-जबर रीह लागी । अने तीहयो सीपायडा ने आहयु कीन मोकलयो के तारा ने जाणवा वाळा जानकारु नी केदली टेम पोर बेतलहम अने आडे-धेडे वाळा आखा सोरा ने मार नाखो, जे बे साल ना अने बे साल गेथा नाना से ।

17 अने तत्तयार भगवान वगे गेथा केण्या माणेह यीरम्या नी केदली वात पुरी ह्य जी,

18 “रामा हेर मे गीण आवे एवी अवाज ह्मळाय पडी, रडवा अने नेहरा दीन रडवु ह्मळाय पड्यु । राहेल आह्फा सोरा नी करते रडवा बाज री हती । काहाके तीहया हाव नी र्या ।”

19 हेरोद ने मरवान बाद, मीसर देस मे युसुफ ने हूपना मे मालीक नो दुत देखाव पडीन केदो,

20 “उठ, सोरा ने अने तीनी आह्य ने लीन ईस्रायल ना देस मे जत रे, काहाके जे तारा सोरा ने मारवा हींडता हता, तीहया मर जेला से ।”

21 तत्तयार युसुफ नींदर मे गेथो जाग उट्यो, अने सोरा ने अने तीनी आह्य ने हाते लीन ईस्रायल ना देस मे पासो आयो ।

22 तत्तयार अरखीलाउस आह्फा ना बाह हेरोद ना जागे यहुदया पोर राज करवा बाज र्यो, ईसम ह्मळीन तां जवा सी बीहतो हतो । अळतेण हूपना मे भगवान सी खबर जडी अने गलील देस मे जत र्यो,

23 *अने नासरत नाम ना गाम मे जाय्न रेवा बाज ज्यो, काहाके तीहयो बोल पुरो ह्ये, जे भगवान वगे गेथी वात केण्या माणहु नी लारे केदलो हतो: “तीहयो नासरी केवायहे ।”

3

(***** 1:1-8; ***** 3:1-18; ***** 1:19-28)

1 तीहया दाडा मे बपतीस्मा आपण्यो युहन्नो, युहदी जीला ना बडा मे आवीन, आडीन आहयु परच्यार करवा बाज ज्यो,

2 *पापु ने सोडीन आह्फाम ना मन ने भगवान वगा वाळो, काहाके हरग नु राज हातेत आय जेलु से ।”

3 आहयो युहन्नो तीहयोत हतो, जीना बारा मे भगवान वगे गेथो वात केवा वाळो यसायो केदलो हतो: “उजाडी बडा मे आडवा वाळा नी अवाज से: मालीक जुगु रोहो तीयार करो अने तीनी जुगु वाट हुदी करो ।”*

4 आहयो युहन्नो ते उटडा ना नीम्बाळा ना लुगडा पेरतलो अने केड्या मे चामडा नो पट्टो बांदतलो । तीनु खाणु टीड्या अने बडा मे नु मोद हतु ।*

5 यरुसलेम हेर वाळा, आखा यहुदया वाळा, अने यरदन नंदी ना आडे-धेडे ना गाम वाळा आखा माणहु युहन्नान तां आवता हता ।

6 अने आपणा पापु ने मानीन यरदन नंदी मे तीना हाते आया अने तीहयो बपतीस्मा आप्यो ।

7 *युहन्ना ढेरत फरीसी माणहु ने अने सदुकी माणहु ने बपतीस्मा लेवा करीन आवत्ला देख्यो अने तीहयो तीमने केदो, “ए गड़हा ना बच्चा! तमु बपतीस्मा लेहु ता आव्वा वाळी गरा तमारी पोर गेथी टळ जहे ईसम तमने कोय की देदु?”

8 *आमु पाप भणी गेथा मन फीरवीन भगवान वगा वळ जेला से, ईसम जीवाय जीवीन आह्फा ने उजन्ता करो।

9 *अने ‘आमु ते अब्राहम बाह नी अवलयात से’ ईसम वीच्यारीन बेफीकर्या नी रेजो। मे तमने आह्यु केम, भगवान दगडा मे गेथो बी अब्राहम वाटु सोरो उबजाड सके।

10 *हाव झाड ना मुळया पोर कुराडी मेकाय जेली से। एतरे जे झाड वारु नी फाले, तीह्यु झाड ने वाड देहे अने तीने आकटा मे धपाडवा करीन नाख देहे।

11 मे ते तमने पाप भणी गेथु मन फीरवीन भगवान वगा वळवा करीन पाणी सी बपतीस्मा आपु; बाखीन जे मारी अळतेण आव्वा वाळो से, तीह्यो मारी गेथो घणो सकती वाळो से। मे तीना खाहडा उचलवा नी लायक बी नी ह्य। तीह्यो तमने चोखली आत्मा अने आकटु सी बपतीस्मा आपहे।

12 तीहयो आह्फा नु हुपडु तीना हात मे ली लेदलो से, अने तीहयो आह्फा ना खळा मे गम नीकाळीन चोखाळहे अने गम ने मोहटी मे भरहे, पण गम ना चारा ने आकटी मे नाख देहे जे कदी नी ओलाये।”

([मत्ती 1:9-11](#); [मत्ती 3:21-22](#); [मत्ती 1:31-34](#))

13 तीहयी टेमे, ईसु युहन्ना पांह बपतीस्मा लेवा करीन गलील जीला गेथो यरदन नदी धेडे ज्यो।

14 युहन्नो आह्यु केतो जाय्न ईसु ने रोकवा बाज ज्यो, मने तारा हात सी बपतीस्मा लेवा नी जरवत से, अने तु मारीन्तां काहा आय र्यो?

15 ईसु तीने जपाप आप्यो, “हमणे आह्यु ईसमेत ह्यवा दे, आपणु ने, भगवान ने जे गमे तीने पुरु करवा करीन आह्युत करवा वारु से।” ता युहन्नो तेमेत ह्यवा देदो।

16 ईसु तत्यारुत बपतीस्मा लीन पाणी मे गेथो उपर नीकळ्यो। ता तेतरी घडी हरग उगडी ज्यु, अने ईसु, भगवान नी आत्मा ने पारवान वेह मे आह्फा पोर उतरतली अने थांगतली देख्यो।

17 *अने तीना बारा मे हरग गेथो आहयो बोल ह्मळायो, आहयो मारो मोंगाळ्ळो सोरो से। जीनी सी घणो खुस से।

4

([मत्ती 1:12,13](#); [मत्ती 4:1-13](#))

1 *ते वखत भुतडा सी ईसु नी पारख कराव्वा करीन आत्मा ईसु ने उजाडी बडा मे ली जी।

2 ईसु चाळीह दाडा अने चाळीह रात उपाह करवा नी अळतेण तीने भुक वेला पाडवा लागी।

3 अने पारखवा वाळो भुतडो आवीन ईसु ने केदो, कदीम तु भगवान नो सोरो ह्य, ता आह्या दगडा ने हुकम आपीन कीदे, के तमु रोदला बण जावो।

4 पण ईसु भुतडा ने केदो, “सास्तर मे लीखलु से, भाणेह रोदला खायन नी जीवे पण तीह्या भगवान ना मोडा मे गेथा नीकळवा वाळा एक-एक बोल सी जीवतलो रेय।”

5 भुतडो ईसु ने यरुसलेम मे ली ज्यो, जे चोखलु हेर केवाये, अने मंदीर नी चोटली पोर उबो कर देदो।

6 अने भुतडो ईसु ने केदो, “कदीम तु भगवान नो सोरो हय, ता मंदीर नी चोटली पोर गेथो आहफोट हेटो कुद पड, काहाके चोखली सास्तर मे लीखलु से; भगवान तारी रखवाळी करवा करीन हरगदुत ने हुकम आपहे; तीहया तने उपरेत झेल लेहे, अने तारा पोगु मे दगडा नी टेह नी लागवा देय।”*

7 ईसु, तीहया भूतडा ने अळी केदो, नेम सास्तर मे आहयु बी लीखलु से, तु आहफा ना मालीक भगवान ने ना पारखे।*

8 अळतेण भुतडो ईसु ने एक घणा उचा वडा पोर ली ज्यो अने तीने कळी ना आखा राज अने तीनु राज-पाट देखाड्यो।

9 अने ईसु ने केदो, कदीम तु मने पोगे पडीन वांदे, अने मारी पुजा करे, ता मे तने आहयु आखु आप देही!

10 तत्तयार ईसु भुतडा ने केदो, “ए भुतडा, सेटो हय जा! काहाके चोखली सास्तर मे लीखलु से, तमु आहफा ना मालीक भगवान ने वांदया करो, अने नीस्ती तीनीत सेवा करो।”*

11 अळतेण भुतडो, ईसु ने सोडीन जत र्यो, अने देखो हरगदुत आवीन तीनी चाकरी करवा बाज जया।

???? ? ? ???? ? ? ???? ? ? ???? ? ? ?
(*???? 1:14-15; ???? 4:14-15*)

12 *जत्तयार ईसु आहयु हमळ्यो के वपतीस्मा आपण्यो युहन्ना धरय ज्यो, ता तीहयो गलील जीला मे जत र्यो।

13 *तीहयो नासरत हेर ने सोडीन, कफरनहुम हेर मे जे दर्या धेडे जबुलुन अने नप्ताली ना देस मे जीन रेवा बाज ज्यो।

14 काहाके भगवान वगे गेथा केण्या यसाया नी लारे केदलु हतु तीहयु पुरु हये:

15 “जबुलुन अने नप्ताली परगणा मे दर्या नी वाट्ये, यरदन नंदी नी बुडण्ला ईलाका वाळा, आडजातया ना देस गलील मे।

16 जे माणहु अंदारला मे जीववा बाज र्या हता। तीहया एक घणु मोट्टु वीजाळु देख्या, अने तीहया देस मे माणहु मोत ना साहळा मे जीवता हता, तीमनी पोर घणु मोट्टु वीजाळु हयु।”

17 *तीहयी टेमे गेथो ईसु आहयु परच्यार करवा बाज ज्यो, पाप भणी गेथु मन फीरवीन भगवान वगा वळो। हरग नु राज हाते आय लागलु से।

?????? ???? ???? ???? ? ? ? ? ? ?
(*???? 1:16-20; ???? 5:1-11*)

18 जत्तयार ईसु गलील दर्या धेडे मायन जवा बाज र्यो हतो, ता बे भाय ने देख्यो, सीमोन ने, जे पतरस बी केवाये, अने तीना भाय अंदर्यास ने। तीहया दर्या मे जाळ नाखावा बाज र्या हता काहाके तीहया काहरया हता।

19 ईसु तीमने केदो, “मारी हाते चालो, मे तमने माणहु ने भगवान भणी कीकम लाव्वा हीकाइही।”

20 अने तीहया तत्तयारुत जाळ तांत रेवा दीन ईसु हाते चाल पड्या।

21 अने ईसु तां गेथो अगो ज्यो ता तां अळी बीजा बे भाय ने देख्यो, जब्दी ना सोरो याकुब ने अने तीना भाय युहन्ना ने तीहया आहफाम ना बाह जब्दी हाते दुंड्या मे आहफाम नी जाळ हुदारता हता। ईसु तीमने बोलायो।

22 अने तीहया तत्तयारुत दुंड्या ने अने आहफाम ना बाह ने सोडीन ईसु हाते चाल पड्या।

??? ???? ? ? ???? ???? ???? ? ? ???? ? ?
(*???? 6:17-19*)

23 *ईसु गलील जीला मे फीरतो जायन भगवान ना भक्ती ना घोरु मे हीकापण आप्तो र्यो, अने भगवान ना राज नी खुस-खबर परच्यार करतो र्यो। अने माणहु नी आखी भाती नी मंदवाड अने लुलखाय सेटी करीन आरगो कर्यो।

24 अने आखा सीरीया देस मे ईसु नी खबर फेल जी। माणहु फेपराळा माणहु ने, लखवा हयला माणहु ने अने एवा कंय भाती ना मंदवाड वाळा ने दुख मे पडला माणहु ने अने भुत लागला माणहु ने ईसुनतां लावता हता अने तीहया आखा ने आरगा करतो हतो।

25 अने गलील जीला मे गेथा, दीकापुलीस मे गेथा, यरुसलेम गेथा, युहुदया मे गेथा, अने यरदन नंदी नी हेली धेडे गेथा, माणहु ना मोटा-मोटा टोळो ईसु पसळ आवता हता।

5

~~~~~

1 ईसु माणहु ना मेळा ने देखीन बडा पोर चड ज्यो, अने तां वह ज्यो। ता तीना चेला तीनीनतां आया।

2 अने तीहयो तीमने आहयु केतो जायन हीकापण आपवा बाज ज्यो;

~~~~~

(~~~~~ 6:20-23)

3 “जुगाळा से तीहया जे मन ना गरीब से! काहाके हरग नु राज तीमनुत से।”

4 “जुगाळा से तीहया, जे दुखी हयन रडे काहाके तीमने सांती जडहे।”

5 “जुगाळा से तीहया जे नीचळा से! काहाके आहयी धरती ना हकदार्या से।”

6 “जुगाळा से तीहया, जे धरमीपणा ना भुकला अने तरहेला से! काहाके भगवान तीमने नीरहा कर देहे।”

7 “जुगाळा से तीहया, जे गीणाळळा से! काहाके भगवान तीमनी पोर गीण करहे।”

8 “जुगाळा से तीहया, जीमना मन चोखला से! काहाके तीहया भगवान ने देखहे।”

9 “जुगाळा से तीहया, जे मेळ कराव्वा वाळा से! काहाके तीहया भगवान ना सोरा केवायहे।”

10 * “जुगाळा से तीहया, जे धरमीपणा ना कारण दुख झेले, काहाके हरग नु राज तीमनुत से।”

11 * “जुगाळा से तमु, जत्यार माणहु मारीन करते तमारी नामबद्दी करे अने वेला पाडे, अने तमारी पोर आखी भातीन कुहराय करीन झुटो गुनो लगाडे।

12 * तमु खुस रेजो अने खुसी मनावजो काहाके तमारी वाटु हरग मे घणु मोटु ईलाम से। काहाके आहयीत रीते भगवान वगे गेथा केण्या माणहु ने वेला पाडता हता।”

~~~~~

(~~~~~ 9:50; 4:21; ~~~~~ 14:34-35; 8:16)

13 \* तमु धरती नु खारलु मीटु से। कदीम खारलु मीटु नु खारापण जत रेय, ता तीने कानी बी चीज वेर खारु नी कर सके, अने तीहयु कंय काम नु नी रेय। अने तीहयु बारथु नाखवा अने माणहु ना पोग तळे कचरायवा वाटु से।

14 \* तमु कळी नु वीजाळु से। जे हेर बडा पोर वहलु से तीहयु हताये नी।

15 \* माणहु दीवो धपाडीन कांगणी तळे नी मेले, बाखीन दीवलाय पोर मेले, ता तीहयो दीवो आखा घोरल्या ने वीजाळु आपे।

16 \* दीवा नु वीजाळु नी तेम भबलीन तमारा भला काम बी माणहु अगळ उजन्ता हयवा देवो। तीनी सी तीहया तमारा भला काम ने देखीन हरगे वाळा तमारा भगवान वाह नी बडाय करे।

~~~~~

17 तमु ईसम ना हमजो के मुसान लीखली सास्तर ने अने भगवान वगे गेथा केणया माणहुन सास्तर ने खततम करवा आवलो। मे तीमने खततम नी, बाखीन पुरी करवा आवलो से।

18 *मे तमने हाचलीन केम, के जत्थार लग हरग अने धरती खततम नी हय जाय, मुसा नी लीखली सास्तर ना बोल नी एकीक वात अने एकीक अकसर पुरो हया वगर नी टळे।

19 एतरे जे कोय आहया हुकम मे गेथा काना बी नान्ला हुकम ने पाळवा सोड़ देय, तीहयो हरग राज मे नानो केवायहे। पण जे कोय तीहया हुकम ने पाळया करहे अने तीमने हीकाइहे, तीहयो हरग ना राज मे मोटो केवायहे।

20 मे तमने केम, कदीम तमु चोखली सास्तर हीकाइन्या गेथा अने फरीसी माणहु गेथा वदीन धरमपणा मे नी चालो ता तमु हरग राज मे नी भराय सके।

~~~~~

21 तमु हमळी लेदला से, तमारा आडा-बुडा ने आहयु केदलु हतु के मारजो नी, जे कोय मारहे ता कोरट-कचवरी मे नीयाव ना दाड़े डंड नी लायक टेरहे।

22 पण मे तमने केम जे कोय आहफा ना भाय पोर रीह करहे तीने कोरट-कचवरी मे नीयाव ना दाड़े डंड नी लायक टेरहे। अने कदीम कोय आहफा ना भाय ने रीकामा, केहे तीहयो मोटली पंचु मे डंड नी लायक टेरहे; अने जे कोय आहफा ना भाय ने ए गांडा, केहे तीहयो नरक नी आकठी नो डंड नी लायक टेरहे।

~~~~~

23 कदीम तमु वेदी पोर आहफा नी भेट चड़ाववा लाय रया हय, अने तां हारीक तमने आहयु फोम आवे के मारा भाय ना मन मे मारी भणी गेथु कंय वीरोद से।

24 ता तु आहफा नी भेट तांत वेदी अगळ रेवा दीन पेले आहफा भाय हाते मेळ कर ले अने अळतेण आवीन भेट ने चड़ावो।

25 तानो वेरी तने थाणा मे लीन जवा वखत वाटयेत हय, ता तीने छोटोत आहफा नो दोस्तीदार बणाय ले कंखर तीहयो तने नीयाव करन्या ना हात मे कर देय, अने नीयाव करन्यो तने सीपायडा ना हात मे कर देय, अने सीपायडा तने जेल मे कुंड देय।

26 मे तने हाचलीन केम, तु जेल सी तां लग नी छुट सकतो जांह तक तु पाय-पाय नी आप देय।

~~~~~

27 तमु जाणो के आहयु केदलु से, छीनाळु नी करजो,

28 पण मे तमने केम, जे कोय कानी बयर भणी तीनी हाते छीनाळु करवा नो वीच्यार करीन देखे, ता तीहयो आहफा ना मन मे तीनी हाते छीनाळु कर लेदलो से।

29 \*कदीम तमारो जमण्यो डोळो तमने पाप करावे, ता तीने काडीन नाख देवो। काहाके वारु ते आहयुत से के तमारा डील मे ना एक अंग खुट जाय, पण तमारु आखु डील नरक मे नी आकठी मे नी नखाये।

30 \*अने कदीम तमारो जमण्यो हात पाप करे, ता तीने वाडीन नाख देवो; वारु आहयुत से के तमारा डील मे नु भले एक अंग खुट जाय, पण तमारु आखु डील नरक मे नी नखाये।

~~~~~

(~~~~~ 19:9; ~~~~~ 10:11-12; ~~~~~ 16:18)

31 *आहयु बी केदलु हतु के, जे कोय आहफा नी लाडी ने सोड़े तीहयो तीने सोड़वा नी चीट्टी लीखीन पुरावा भेळ आप देवा जोवे।

32 *बाखीन मे तमने केम, छीनाळा नी वात ने सोडीन काना बी बीजा कारण सी, जे आहफा नी लाडी ने सोड़े; ता तीहयो तीने छीनाळु करावे, अने जे कोय तीहयो छुटली बयर सी वेवा करे, तीहयो बी छीनाळु करे।

2 एतरे जत्त्यार तमु काना गरीब दुखी ने दान आपो, ता तीहयी वात ने आखा अगळ ना केवो, जीसम के भक्ती ना घोरु अने गळी मे ढोंगडा करन्या माणहु बीजा पांह बडाय हात करवा करीन करे। मे तमने हाचलीन केम, तीमने तीमनी बडाय नी लारे पेलेत फोळ जड जेलु से।

3 एतरे जत्त्यार तमु दान आपो, ता तमारो डाखर्यो हात आहयु नी जाणवा जोवे के तमारो जमणो हात हु करवा बाज र्यो।

4 के तमारु दान हुतायलु रेहे। ता तमारो भगवान बाह जे तु हुताडीन करे तीने बी देखे, तीहयो तने तीनु ईलाम आपहे।

????? ???? ? ? ????
(???? 11:2-4)

5 *अने जत्त्यार बी तमु वीन्ती करो, ता ढोंगडा करन्यान तेम ना करो। काहाके माणहु ने देखाडवा नी लेदे भक्ती ना घोर-घोर अने वाट ना मेळ्या पोर उवा रीन वीन्ती करवा तीमने वारु लागे। मे तमने हाचलीन केम, हीमनी बडाय नी लारे पेलेत हीमने फोळ जड जेलु से।

6 पण जत्त्यार तु वीन्ती करे, ता आहफा ना घोर मे जा अने झापलु दीन हुतायन आपणा भगवान बाह सी वीन्ती करे। तत्त्यार तारो बाह जे हुतायन देखे, तने फोळ आपहे।

7 वीन्ती करती वखत आडजात्यान तेम जादा बोलु नी केजो। काहाके तीहया आहयु सोचे के नाम्बी वीन्ती करवा सी अमारी वीन्ती ह्मळहे।

8 एतरे तमु तीमनीन तेम ना बणो, काहाके तमारो बाह तमारी मांगवा सी पेलेत जाणे के तमने हु-हु जरवत से।

9 एतरे ईसम वीन्ती करो, “ए अमारा बाह, तु जे हरग मे से तारु नाम चोखलु मनाये।

10 तारु राज आवे। तारी मरजी जीसम हरग मे पुरी हये, तेमेत आहयी धरती पोर बी पुरी हये।

11 दाडीन, आमने जोवे तेतरु खाणु आप्या करे।

12 अने जीसम आमु अमारा गुनेगार ने तीमना पाप ना लेदे माफी आपला से, तेमेत तु अमारा पाप ना लेदे आमने माफी आपे;

13 अने जत्त्यार पाप कराव्वा नी पारख आवे ता आमने पाप मे नी पडवा देजे, पण बुराय सी बचाड।”

14 *कदीम तमु माणहु ने तीमना पाप नी लेदे तीमने माफी आपो, ता तमारो हरग वाळो बाह बी तमारो पाप नी लेदे तमने माफी आपहे

15 पण कदीम तमु माणहु ने तीमना पाप नी लेदे माफी नी आपो, ता तमारो हरग वाळो बाह बी तमारो पाप नी लेदे तमने माफी नी आपे।

???? ???? ? ? ???? ? ? ????
(???? 12:33,34)

16 जत्त्यार तमु उपाह करो, ता ढोंगडा करन्यान तेम तमारो मोडा पोर नुरपाणी नी रेय, काहाके तीहया आपणु मोडु बी नी धोवे, काहाके माणहु तीमने उपाह वाळो जाणे। मे तमने हाचलीन केम, के तीमने आपणु ईलाम जड जेलु से।

17 पण जत्त्यार तु उपाह करे ता आहफा ना मुंडे तेल लगाड अने मोडु धोव,

18 काहाके माणहु नी पण तारो बाह जे हरग मे से, तने उपाह वाळो जाणे। ईसम रेवा मे जे तारो बाह हुतायन देखे, तने तीनो फोळ आपहे।

???? ? ? ?
(???? 12:33,34)

19 *आपणी जुगु धरती पोर धन एकट्टु ना करो, आज्ञे ते कीडो अने वेदाय बगाडत्ला से, अने आज्ञे चोट्टा डाको डाले अने चोरी कर लेय।

20 पण आपणी जुगु हरग मे धन एकट्टु करो तां नी ते कीडो अने नी वेदाय बगाडे, अने तां चोट्टा नी डाको डाले अने नी चोरी करे।

21 काहाके जां तमारु धन से तां तमारु मन बी लागलु रहे।”

☞☞☞☞☞☞☞☞☞☞☞☞☞☞☞☞☞☞☞
(☞☞☞☞ 11:34-36)

22 “डील नो दीवो डोळा से: एतरे कदी तारा डोळा चोखा ह्य, ता तारु आखु डील बी वीजाळा मे रेहे।

23 पण कदी तारा डोळा चोखा नी ह्य, ता तारु आखु डील बी चोखलु नी रेहे; आनीन करते तीह्यु वीजाळु जे तारी मे से कदी अंदारलु ह्य ता तीह्यु अंदारलु कीसम मोट्टु हहे।”

☞☞☞☞☞☞☞☞☞☞☞☞☞☞☞☞☞☞☞
(☞☞☞☞ 16:13; 12:22-31)

24 काना बी माणेह ने बे मालीक नी चाकरी नी कराये; काहाके तीह्यो एक मालीक सी हीगी करहे अने बीजा मालीक ने मोंग करहे; नीता एक मालीक हाते मेळीन रेहे अने बीजा मालीक नो वाक काडहे। तमने भगवान नी अने धन-दवलत नी बेम नी सेवा नी कराये।

25 एतरे मे तमने केम के आहफाम ना जीव ना लेदे आह्यी फीकर नी करजो के आमु हु खाहु अने हु पीहु; अने नीता आहफाम ना डील जुगु हु पेरहु। हु जीव खाणा सी, अने डील लुगडा सी मोट्टु नी ह्य हु?

26 वादळा मेना चडा ने देखो! तीह्या नी वेरे, नी वाडे, अने नी मोहटी मे भेळु करे, ते बी तमारो हरग वाळो वाह तीमने खवाड़े। हु तमु तीमनी सी जादा कीमत नी राखो?

27 तमारी मे गेथु आसम कोय से, जे फीकर करीन आहफा नी जीवाय नी अमाळ बी उमर बडाय सके?

28 “अने लुगडा जुगु हुका फीकर करो? जंगल मे ना फुलु पोर ध्यान करो, के तीह्या कीसम वदे, तीह्या नी ते मेहनत करे, नी ते लुगडा बणावे।

29 ते बी मे तमने हाचलीन केम के सुलेमान आहफा नी बडाय मे तीमनी मायन कोयने तेम लुगडा पेरलो नी हतो।

30 एतरे जत्तयार भगवान चोवगान ना चारा ने, जे आज से, अने काले आक्टा मे नाख देहु, एवा लुगडा पेरावे, ता ए वण-भरहा वाळा, तमने तीह्यो काहा नी पेरावे?

31 एतरे तमु फीकर करीन आह्यु नी केजो, के आमु हु खाहु, अने हु पीहु अने हु पेरहु।

32 काहाके आडजातया आह्यी आखी चीज नी होद मे रेय, अने तमारा हरग वाळो वाह जाणे, के तने आह्यी आखी चीज जोवे।

33 एतरे पत्ते तमु भगवान ना राज नी अने धरमीपणा नी होद करो ता आह्यी आखी चीज तमने जड जहे।

34 एतरे काले नी फीकर ना करो, काहाके काले नो दाडो आहफा नी फीकर आहफो कर लेहे; आज नी लेदे आज नोत दुख ढेरत से।

7

☞☞☞☞☞☞☞☞☞☞☞☞☞☞☞☞☞☞☞
(☞☞☞☞ 6:37,38,41,42)

1 “गुनो ना लगाडो, ता गुनो तमारी पोर बी नी लगाडे।

2 “काहाके जे रीते तमु गुनो लगाडो, तीह्यी रीते तमारी पोर बी गुनो लगाडहे; अने जे माप सी तमु मापहु, ते माप सी तमारी वाटु बी मपायहे।”

3 “तु हुका तारा भाय ना डोळा मे वाळु कचरु देखे, अने तारा डोळा मे वाळु खटकु तने नी देखातु।

4 तु तारा भाय ने कीकम की सकत्लो, ‘लाव’ मे तारा डोळा मे गेथु कचरु नीकाळ देम, पण देख, खटकु ते तारा डोळा मे से?”

5 ए ढोंगडा करन्या, पेले आहफा ना डोळा मे वाळु खटकु नीकाळ ले, ता तारा भाय ना डोळा मे वाळु कचरु नीकाळवा करीन वारु देख सकही।

6 “चोखली चीज कुतरा ने ना आपो, अने आहफाम ना मोती हुवर्या ना अगळ ना नाखो, कंखर ईसम नी ह्य जाय के तीहया तीने तीमना पोगु तळे डावहे अने पासा फीरीन तमने फाड देहे।”

?????? ?? ??????
(????? 11:9-13)

7 मांगहु ता तमने आपहे, होदहु ता जडहे; झापलु टोकहु, ता तमारी वाटु उगडहे।

8 काहाके जे कोय मांगे, तीने आपे; अने जे होदे, तीने जड; अने जे झापलु टोके, तीनी जुगु झापलु उगाडहे।

9 तमारी मायन एवो कानो माणेह से, कदीम तीनो सोरो तीनी पांह रोट्लो मांगे, ता तीने दगडो आपे?

10 अने माछला मांगे, ता तीने गडहो आपे?

11 कदीम तमु गांडा हयन, बी तमारा सोरा ने वारली चीज आपवा जाणो, ता तमारो हरग वाळो बाह बी मांगवा वाळा ने वारली चीज काहा नी आपहे?

12 *अने जे वेहवार नी हेर तमु बीजा सी कर र्या; तीहयो वेहवार तमु बीजा हाते बी कर्या करो; काहाके मुसा नो नेम अने भगवान वगे गेथा केण्या नी हीकापण आहयी से?

?????????? ???? ??????? ?????
(????? 13:24)

13 हाकडला झापले मायन चालो, काहाके चवडलो रोहो से तीहयो रोहो अळी वारु से तीहयो रोहो नास भणी लीजतलो से; अने ढेरत से जे तीनी सी चालतला से।

14 काहाके हाकडु से तीहयु झापलु अने काटो से तीहयो रोहो जे जीव ने तां ली जाय; अने थोडाक से जे तीने हात करे।

????? ????? ????? ????
(????? 6:43-44-46; 13:25-27)

15 “झुटा भगवान वगे गेथी वात केण्या माणहु सी चेतीन रेवो, अने जे गाडरान तेम तमारी हाते आवे, पण अळतेण फाडवा वाळा लेंड्या से।

16 तीना फोळ सी तमु तीने ओळखी लेहु। माणहु कटाळस्या झाटवा सी अंगुर, नीता गोखरा काटान वेले गेथा गुलर तोडे हु।

17 एमेत कानु बी वारलु झाड वारलु फोळ लावे अने रीकामा झाड खोडलो फोळ लावे।

18 वारलु झाड खोडलु फोळ कदी नी लावे, अने नी खोडलु झाड वारलु फोळ लावे।

19 *जे-जे झाड वारलु फोळ नी लावे तीहया झाड ने वाडीन आक्टु मे नाखे।

20 *ता तीमना फोळ सी तमु तीमने ओळखी लेहु।”

?? ???? ?? ???????
(????? 13:25-27)

21 जे मने “ए मालीक! ए मालीक! केय, तीमनी मायन कोय बी हरग राज मे भराय नी सके, पण तीहया एतरा जे मारा हरग वाळा बाह नी मरजी पोर चाले।”

22 तीहया नीयाव ना दाडे घणा ढेरका माणहु मने केहे, मालीक! आमु तारु नाम लीन भगवान वगे गेथी वात नी केदा हु? तारु नाम लीन भुत ने नी नीकाळ्या हु? अने तारु नाम लीन सक्ती ना काम नी कर्या हु?

23 तत्त्यार मे तीमने चोखुझण की देही, “मे तमने नी ओळखु। ए पाप करन्या! मारीन्तां गेथा सेटा ह्य जावो।”

॥॥॥॥ ॥॥॥॥ ॥॥ ॥॥॥॥॥

(॥॥॥॥ 6:47-49)

24 जे मारी आहयी वात ने ह्मळीन तीनीन तेम जीवे, तीहयो तीना ह्मजदार माणेह ने तेम से, जे आह्फा नु घोर चाफर्या पोर वारु पायो खोदीन बणायो ।

25 पाणी पड्यो, अने नंदी आवी, अने आंजी बी आवी अने तीना घोर ने अफठायी । ते बी तीहयो घोर नी ओदर्यु; काहाके तीनो नीव चाफर्या मे खोदीन बणावल्नु हतु ।

26 जे मारी आहयी वात ह्मळीन तीनीन तेम नी जीवे, तीहयो तीहया वण-अकल्या माणेह हरको से, जे रेत पोर पायो खोदीन आह्फा नु घोर बणायो ।

27 पाणी पड्यो, नंदी आवी, अने आंजी बी आवी अने तीना घोर ने अफठायी । तीहयु घोर ओदरी ज्यु अने खत्तम ह्य ज्यु ।

॥॥॥ ॥॥ ॥॥

28 *जत्थार ईसु आहयी वात की देदो, ता माणहु तीनी हीकापण ह्मळीन वहराय ज्या ।

29 काहाके तीहयो चोखली सास्तर हीकाङ्ग्यान तेम नी, पण एक अदीकारिन तेम हीकापण आप्तो हतो ।

8

॥॥॥ ॥॥॥॥॥॥॥ ॥॥ ॥॥॥॥ ॥॥॥

(॥॥॥॥ 1:40-45; ॥॥॥॥ 5:12-16)

1 जत्थार ईसु तीहया बड़ा पोर गेथो हेदो उतर्यो । ता एक घणो मोटो माणहु नो मेळो तीनी पसळ चाल पड्यो ।

2 अने एक कुड़ावो माणेह ईसुन्तां आयो अने तीहयो तीना पोगे पडीन वांद्यो अने वीन्ती कर्यो, “ए मालीक । कदीम तारी मरजी ह्य ता मने चोखो कर दे ।”

3 ईसु हात अगो करीन ईसम केतो जीन तीने छीम्यो, मारी मरजी बी आहयी से के तु वारु ह्यन चोखो ह्य जा । अने तत्थारुत तीहयो वारु ह्यन चोखो ह्य ज्यो ।

4 अने ईसु तीने केदो, ह्मळ आजे जे ह्यु तीहयु कोयने नी केजे । पण पुजारान्तां जा, अने आह्फा नु डील ने देखाडजे । अने मुसा ना कायदान लारे तीने भेट चडावजे; ता आखा माणहु जाणीन गवा वण जहे ।

॥॥॥ ॥॥॥॥॥॥॥ ॥॥ ॥॥॥॥॥ ॥॥ ॥॥॥॥ ॥॥॥

(॥॥॥॥ 7:1-10)

5 जत्थार ईसु कफरनहुम हेर मे आयो, ता तीनीन्तां एक रोमी राज नो सुवेदार आयो अने तीनी सी वीन्ती कर्यो,

6 “ए मालीक मारा पावोर ने लखवा नी बीमारी ह्य री, अने तीने वेला ह्य री तीहयो घोर मे दुखी ह्यन पड र्यो ।”

7 ईसु तीने केदो, “मे आवीन तीने आरगो कर देही ।”

8 सुवेदार केदो, “ए मालीक मे एतरो वारु नी ह्य के तु मारा घोर आवे । पण तु एकीत बोल कीदे ता मारो पावोर आरगो ह्य जहे ।”

9 मे आहयी वात जाणु काहाके मे बी एक अदीकार्यो से, अने मारा हात मे सीपायडा रेय । जत्थार मे एक ने केम “जा” ता तीहयो जाय अने बीजा ने, आव, केय, ता तीहयो आवे अने मारा पावर्या ने, आह्यु कर, केम ता, तीहयो तीहयुत करे ।

10 ईसु आह्यु ह्मळीन वहराय ज्यो अने तीहयो आह्फा नी पसळ आवण्णया ने केदो, मे तमने हाचलीन केम, मे ईस्रायली माणहु मे बी कोयने एतरो मोटो भरहो करतलो नी देख्यो ।

11 *मे तमने केम, ढेरत आइजातया माणहु उगवणा अने बुडवणा गेथा आवीन अब्राहम, ईसाक अने याकुब भेळता हरग राज मे बठहे ।

12 *पण राज्ज नी अवल्यात ने बारथा अंदारला मे नाख देहे: तां रडहे अने दातु ककडावता रेहे ।

13 अने सुवेदार ने ईसु केदो, जा जीसम तु भरहो करलो से, तेमेत तारी जुगु हय जाय । अने तेत्री घडी तीनो पावोर आरगो हय ज्यो ।

१११ ११११ ११ ११११११ ११ ११११ ११११
(*१११११ 1:19-34; १११११ 4:38-41*)

14 पतरस ना घोर ईसु पुग्यो, ता तां पतरस नी हाहु ने ताव चड रेलो देख्यो ।

15 ईसु तीनो हात छीम्यो, अने तीनो ताव उतर ज्यो, अने तीहयो उठीन तीमनी चाकरी करवा बाज ज्यी ।

16 हानती टेमे माणहु, भुत लागला ढेरत माणहु ने ईसुनुतां लाया । ईसु एकीत बोल कीन भुत ने माणहु मे गेथा नीकाळ्यो अने आखा मांदला ने वारु कर्यो ।

17 भगवान वगे गेथी वात केण्या यसाया नी वात पुरी करवा करीन आहयु आखु हयु, तीहयो आखु लीखलो हतो: तीहयो अमारी आखी लुलखाय ने झेल लेदो, अने अमारी मंदवाइ ने सेटी कर देदो ।*

१११ ११ ११११ १११११ १११११
(*१११११ 9:57-62*)

18 ईसु आहफान नी च्यारो-मेर एक मोटलो मेळो देखीन चेला ने दर्या नी हेली धेडे जवा नो हुकम आप्यो ।

19 तेतरी घडी एक चोखलु सास्तर हीकाइन्यो आवीन ईसु ने केदो, मास्तर! तु जां बी जही, तां-तां मे तारी पसळ आवही ।

20 ईसु तीने केदो, लेंड्या जुगु रेवा करीन तीमना दोर से अने हरग ना चडा जुगु तीमना पोतरा से, पण मनख्या ना सोरा जुगु मुंडु मेलवा लग जागो नी हय ।

21 चेला मे गेथो एक चेलो केदो, "ए मालीक मे तारी पसळ आवही, पण मने पेले मारा बाह ने गाडवा करीन जवा दे ।"

22 पण ईसु तीहया चेला ने केदो, मरला ने मरला माणहु गाडहे पण तु मार हाते चाल ।

११११ ११ ११११ १११११
(*१११११ 4:35-41; १११११ 8:22-25*)

23 जतयार ईसु ढुंड्या मे बह ज्यो ता तीना चेला बी हाते बह ज्यो ।

24 अने तीहयो वखत दर्या मे उचकाहलुत घण-जबर आंजी आयी, अने दर्या नी झलक ढुंड्ये अफटायन ढुंड्या ने घेरवी री हती । पण ईसु हुव्वा बाज र्यो हतो ।

25 चेला हाते आवीन ईसु ने जगाड्या अने केदा, मालीक आमने बचाइ! आमु मरवा बाज र्या ।

26 ईसु तीमने केदो, ए, वण-भरह्या! तमु एतरी जबर हुका बीही र्या? अळतेण तीहयो आंजी अने पाणी ने वड्यो अने आखु धीरु पड ज्यु ।

27 आहयु देखीन तीहया वहराय ज्या, अने केदा, आहयो केवो माणेह से के आंजी अने दर्या लग हुकम माने ।

११११ १११ ११११११ ११ ११११११ ११ १११११ १११११
(*११११११ 5:1-20; १११११ 8:26-39*)

28 जतयार ईसु दर्या नी हेली धेडे गदरेनीया देस मे पुग्यो, ता भुत चोटला बे अदमी मडादया मे गेथा नीकळीन ईसुनुतां आया । तीहया एतरा आकरा हता के तीहयो वाट्ये कोयने बी नी अवायतु-जवायतु हतु ।

29 तीहया आङीन केदा, “ए भगवान ना सोरा! अमारी हाते तारु हु काम से? टेम नी आयी अने पेले गेथोत आमने वेला पाडवा आय र्यो हु?”

30 तां गेथो थोडोक सेटो हुवर्या नो एक टोळो चरवा बाज र्यो हतो ।

31 भुत आहयु केता जायन वीन्ती कर्या, कदीम तु आमने नीकाळवा बाज र्यो, ता आमने हुवर्या ना हेला टोळा मे मोकली दे ।

32 ईसु तीमने हुकम आपीन केदो, जावो ता भुत तीहया माणहु मे गेथा नीकळीन हुवर्या मे भराय ज्या अने तीहया आङखे गेथा दर्या मे कुद पड्या अने पाणी मे डुबीन मर ज्या ।

33 अने हुवर्या ने चारन्या नाही पड्या, अने तीहया जे हयु तीहयु आखु हेर मे जायन की देदा । अने भुत चोटला माणहु नु हु हयु तीहयु बी की देदा ।

34 अने हेर ना आखा माणहु ईसु ने भेटवा आया, अने जत्यार तीहया ईसु ने देख्या ता तीनी सी वीन्ती कर्या, तु अमारा देस मे गेथो जत रे ।

9

ⓂⓂⓂ ⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂ ⓂⓂⓂ
(ⓂⓂⓂⓂⓂ 2:1-12; ⓂⓂⓂⓂⓂ 5:17-26)

1 अळतेण ईसु ढुंड्या मे बह ज्यो अने दर्या नी हेली धेडे तीना हेर मे आयो ।

2 तीहयी वखत थोडाक माणहु, लखवा मे पडला एक माणेह ने खाटला मे हुवाङीन ईसुन्तां लाया । तीमनो भरहो देखीन ईसु तीहया लखवा मे पडला ने हुकम आपीन केदो, सोरा, हीममत राख! तारा पाप नी लेदे तने माफी जड् जी ।

3 थोडाक युहदी-धरम हीकाङन्या मन मे वीच्यार्या, हीययो ते भगवान नो वाक काडे ।

4 तीमना मन ना वीच्यार जाणीन ईसु तीमने केदो, तमु तमारा मन मे एवा बुरा वीच्यार काहा कर र्या?

5 जादा वारु हु से? “तारा पाप नी लेदे तने माफी जड् जी केवा वारु से के, उठीन तारु खाटलु उचलीन चाल केवा वारु से?”

6 पण मे आहयु आसम करीन की र्यो के तमु आहयु जाण लेवो के मनखया ना सोरा ने धरती पोर पाप नी लेदे माणहु ने माफी आपवा नो बी हक से । अळतेण ईसु लखवा मे पडला माणेह ने केदो, “उठ अने तारु खाटलु उचलीन तारा घोर जत रे ।”

7 अने तीहयो उठीन तीना घोर जत र्यो ।

8 आहयु देखीन माणहु वीह ज्या, अने तीहया भगवान ना गुण गावीन बडाय करवा बाज ज्या, जे माणेह ने ईसम हक आप्यो ।

ⓂⓂⓂ ⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂ 2:13-17; ⓂⓂⓂⓂⓂ 5:27-32)

9 ईसु तां गेथो अगो ज्यो, अने तीहयो मत्ती नाम ना एक माणेह ने फाळो लेवा ना नाका पोर बह रेलो देख्यो, अने तीने केदो, मारी हाते चाल । अने तीहयो उठीन तीनी हाते चाल पड्यो ।

10 एक दाडो ईसु आहफा ना चेला हाते मत्ती ना घोर मे खाणु, खावा बह्यो अने घणा ढेरका फाळो लेण्या अने बीजा पापी आवीन तीनी हाते खाणु खावा बाज र्या हता ।

11 अने आहयु देखीन फरीसी पंथवाळा ईसु ना चेला ने केदा, तमारो मास्तर फाळो लेण्या अने बीजा पापी भेळतो खाणु काहा खाय?

12 ईसु आहयु ह्रमळीन तीमने केदो, “आरगला ने दाक्तर नी जोवे, पण मांदला ने दाक्तर जोवे ।”

13 एतरे जायन चोखली सास्तर मे लीखली आहयी वात ने हीक लेवो के मने बादा नी जोवती, पण गीण जोय री ईनु मतलब हु से, काहाके मे धरमी माणहु ने नी, पण पापी माणहु ने बोलाव्वा आवलो से ।

☞☞☞☞ ☞☞ ☞☞☞☞

(☞☞☞☞ 2:18-22; ☞☞☞☞ 5:33-39)

14 अळतेण बपतीसमा आपण्या युहन्ना ना चेला ईसुन्तां आया, अने आहयु केदा, आमु अने फरीसी पंथवाळा उपाहू कर्या। पण तारा चेला उपाहू काहा नी करता?

15 ईसु तीमने केदो, जत्त्यार तक लाडो हाते से, तत्त्यार तक वरात्या दुखी हयहे हु? बाखीन तीहया दाडा बी आवहे जत्त्यार लाडो तीमनीन्तां गेथो सेटो हय जाय, ता तीहया उपाहू करहे।

16 नवलु धीगळु जुन्ला लुगडा पोर कोय नी लगाडे; काहाके लुगडु धोवहे, ता तीहयो नवलु धीगळु उहटी जहे, अने जुन्ला लुगडा ने हापकीन जादा फाड देहे।

17 अने नवला अंगुर नो रोह, जुन्ला चामडा ना कवड्या मे कोय नी भरे, नीता अंगुर नो रोह चामडा ना कवड्या ने फाड देहे। अने आसम करीन अंगुर नो रोह वय जहे अने चामडा नो कवड्यो बी बगडी जहे। करीन नवला अंगुर नो रोह नवला चामडा ना कवड्या मे भरे। अने तीहया बेम बचला रेहे।

☞☞☞☞ ☞☞☞☞ ☞☞ ☞☞☞☞☞☞ ☞☞

(☞☞☞☞ 5:21-43; ☞☞☞☞ 8:40-56)

18 ईसु तीमने आहयी वात केवात बाज रेलो हतो, के मुखयो माणेह आयो अने तीहयो दुंगो वळीन ईसु सी वीन्ती कर्यो, मारी सोरी हमणे मर जेली से। पण आवीन तीनी पोर हात मेक, अने तीहयी जीवती हय जहे।

19 ईसु उठीन आहूफा ना चेला भेळतो तीनी पसळ चाल पड्यो।

20 अने देखो, एक बयर ने बारे साल नो पोगराळो दुख हतो, अने तीहयी पसळ गेथी आवीन ईसु ना लुगडा ना छेडा ने सीम लेदी।

21 काहाके तीहयी आहूफी ना मन मे केती हती, “कदीम मे ईसु ना लुगडा ने बी सीम लेही ता मे आरगी हय जही।”

22 ईसु पासो फीरीन तीने देख्यो अने केदो, “बेटी हीममत राख; तारो भरहो तने वारु करलो से।” अळतेण तीहयी बयर तत्त्यारुत वारु हय जी।

23 जत्त्यार ईसु तीहया मुख्या ना घोर मे पुग्यो अने फेपार्या वगाडवा वाळा अने रडवा बाज रेला देख्यो ता केदो।

24 ईसु तीमने केदो, “सेटा हय जावो, सोरी मरी नी, पण हुव्वा बाज री।” आसम केदो एतरोत अने तीहया ईसु नी हाही उडाडवा बाज जया।

25 पण जत्त्यार माणहु नी गडदी ने बारी नीकाळ देदा। ता ईसु घोर मे जाय्न सोरी नो हात धर्यो, अने तीहयी उठीन बह जी।

26 अने आहयी वात नी खबर तीहया आखा देस मे फेल जी।

☞☞☞☞ ☞☞ ☞☞☞☞☞☞ ☞☞ ☞☞☞☞☞☞☞☞

27 जत्त्यार ईसु तां गेथो अगो ज्यो, ता बे आंदळा ईसु पसळ आसम आडता जाय्न चाल पड्या, “ए दावुद नी अवल्यात, अमारी पोर दया कर।”

28 जत्त्यार तीहयो घोर मे पुग्यो, ता तीहया आंदळा ईसु हाते आया, अने ईसु तीमने केदो, “के तमारो भरहो से के मे तमने वारु कर सकतलो से?” तीहयो ईसु ने केदो, “होव, मालीक।”

29 तत्त्यार ईसु तीमना डोळा सीमीन केदो, “तमारा भरहा नी लारे तमारी वाटु हय जाय।”

30 अने तीमना डोळा उगडी जया अने ईसु तीमने चेतावीन केदो, “चेतीन रेवो। कोय आहयी वात ने नी जाणे।”

31 पण तीहयो नीकळीन आखा देस मे तीहयी वात फेलाड देदो।

☞☞☞☞ ☞☞ ☞☞☞☞☞☞ ☞☞ ☞☞☞☞☞☞

32 जत्त्यार तीहयो बारो जवा बाज र्यो हतो, ता देखो, माणहु एक गुंगा ने भुत लागलो हतो, ईसुन्तां लाया;

33 अने जत्त्यार भुत ने नीकाळ देदलो, ता गुंगो बोलवा बाज ज्यो। अने माणहु नी गडदी वहरायन केवा बाज जी, “ईस्रायल देस मे एवु कदी नी देख्या।”

34 *पण फरीसी पंथवाळा केदा, “आहयो ते भुत ना डायला नी लारे भुत ने नीकाळतलो से।”

ⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂ

35 *ईसु आखा हेर मे अने गाम मे फिरतो र्यो अने युहुदया ना भक्ती ना घोरु मे माणहु ने हीकाडतो र्यो, अने भगवान ना राज नी खुस-खबर नो परच्यार करतो र्यो, अने आखी भातीन मंदवाड ने अने लुलखाय ने सेटी करतो र्यो।

36 *जत्त्यार ईसु गडदी ने देख्यो ता ईसु तीमनी पोर दया कर्यो, काहाके तीहया तीना गाडरान तेवा हता, तीमनो कोय गुवाळ्यो नी हतो, घबरायला हता अने भटकी जेला हता।

37 *जत्त्यार ईसु आहफा चेला ने केदो, “मेर ते घणी से, पण मेर वाडवा वाळा दाडक्या थोडाक से।

38 एतरे मेर ना मालीक सी वीनती करो के तीहयो आहफा नी मेर वाडवा करीन दाडक्या मोकल देय।”

10

ⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂ

(ⓂⓂⓂⓂⓂⓂ 3:13-19; ⓂⓂⓂⓂⓂⓂ 6:12-16)

1 ईसु आहफा ना बारे चेला ने बोलायो अने वीटळळा आत्माम ने काडवा नो हक आप्यो, अने आखा भातीन मांदला ने आरगा करवा अने आखी लुलखाय सेटी करवा नो हक आप्यो।

2 बारे नेवताळा ना नाम आहया से: पेलो सीमोन, जे पतरस केवाये, अने पतरस नो भाय अंदर्यास; अने जवदी नो सोरो याकुब अने याकुब नो भाय युहन्नो;

3 अने फीलीपुस, अने बरतुल्मे, अने थोमस, अने फाळो लेण्यो मत्ती; अने हलफाय नो सोरो याकुब, अने तददे;

4 सीमोन कनानी, अने यहुदा ईस्करीयोती, जे ईसु ने धरायो।

ⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂⓂ

(ⓂⓂⓂⓂⓂⓂ 6:7-13; ⓂⓂⓂⓂⓂⓂ 9:1-6)

5 ईसु बारे जणा ने आहयो हुकम आपीन मोकल्यो, “आडजात्या माणहु भणी नी जजो, अने सामरी माणहु ना हेर मे नी जजो।

6 पण ईस्रायली जाती ना तीहया माणहु मे जावो, जे खोवायला गाडरान तेम ह्य जेला से।

7 अने वाट्ये चालता जायन ज्योरे आडीन ईसम परच्यार करो के हरग राज हाते आय जेलु से।

8 मांदला ने आरगा करो, मरला ने जीवाडो, कुडावा ने आरगा करीन चोखा करो, भुत ने नीकाळळो। तमने फोकट मे संयबरकत जडली से, एतरे आप देवो।

9 तमारी कोथळी मे होना ना, चांदी ना अने ताम्बा ना, पयहा लग नी लीज्जो।

10 *परच्यार करवा जाय ता, तमारी वाटु झोलो, बे डगला, खाहडा, अने डीगा नी लीज्जो; काहाके दाडक्या ने खावा नु हक से।”

11 तमु काना बी हेर नीता गाम मे जावो, ता तां पुगीन एक मदत करवा लायक माणेह नो पतो लगाडो, अने तां गेथा जता लग तीनीनतां रेवो।

12 जीना बी घोर मे तमु जावो ता केजो, “आहया घोर ना माणहु ने सांती अने संयबरकत जडे।”

13 कदीम तीना घोर ना माणहु सांती नी संयबरकत हात करे एवा ह्य ता सांती नी संयबरकत तीमनी पांह रेहे, पण तीमने सांती नी संयबरकत नी जोवती ह्य, ता सांती नी संयबरकत पासी आवती रेहे।

14 *कदीम कोय तमारो आव-भाव नी करे, अने तमारी वात नी हूमळे, ता तीना घोर मे गेथा, नीता तीना हेर मे गेथा नीकळे ता तमारा पोग नो कादो झटकी देजो।

15 *मे तमने हाचलीन केम, “नीयाव ना दाड़े सदोम अने अमोरा देस ना माणहु गेथी बी तीहया देस ना माणहु ने जादा डंड जड़हे।”

🔗🔗🔗 🔗🔗🔗 🔗🔗🔗

(🔗🔗🔗 13:9-13; 🔗🔗🔗 21:12-17)

16 *देखो, मे तमने लेंड्या हरको माणहुन वच मे गाडरान तेम मोकलु। एतरे गडहा ने तेम कदर्या अने पारवान तेम खरला बणो।

17 *माणहु सी चेतनी रवो। तीहया तमने हड़का देवा करीन भगवान ना भक्ती ना घोर मे लीजहे, अने पंचु अगळ ली जायन हड़का देहे।

18 तमु मने मान र्या करीन तमने राज करन्या, अने राजा अगळ लीजहे, अने ईसम करीन तमु आडजातया अगळ मारा गवा बणहु।

19 जतयार तीहया तमने सीपायडा ना हात मे ह्रोप देय, ता फीकर नी करजो के आमु हु केहु। काहाके तमने हु केवा जोवे तीहयु भगवान तीहयी टेमे की देहे।

20 काहाके बोलवा वाळा तमु नी हय, पण भगवान बाह नी आत्मा से, जे तमारा मन मे गेथी बोलहे।”

21 *तीहया दाडा मे भाय आहूफा ना भाय ने मराय नाखहे अने बाह आहूफा ना सोरा-सोरी ने धराय देहे अने सोरा-सोरी आयह-बाहा ना वीरोद मे हय जहे अने तीमने मराय नाखहे।

22 *मारा नाम ना कारण आखा माणहु तमारी सी हीगी करहे, पण जे मरते लग गम खाहे, तीमने छुटकारो जड़हे।

23 कदीम तीहया तमने एक हेर मे वेला पाडे ता बीजा हेर मे नाह जजो। काहाके मे तमने हाचलीन केम, तमने ईसरायली देस ना आखा हेर मे फीरते-फीरते मनख्या नो सोरो आय लागहे।

24 *चेलो, मासूतर गेथो मोटो नी हय अने चाक्यो मालीक गेथो मोटो नी हय।

25 *चेला ने मासूतर बराबर अने पावर्या ने मालीक बराबर हयवान घणु से; जतयार तीहयो घोर ना मालीक ने बालजबुल केदो ता तीहया घोर वाळा ने काहा नी केय?”

🔗🔗 🔗 🔗🔗🔗 🔗🔗🔗

(🔗🔗🔗 12:2-7)

26 *एतरे माणहु सी ना बीहो। ईसम कंय बी ढकायलु नी हय, जे वीजाळा मे नी लवाये, अने ईसम कंय बी हतायलु नी हय, जे उजनतु नी हय।

27 मे तमने जे कंय अंदारला मे केम, तीने तमु वीजाळा मे हूमळावो। अने जे कंय तमने होगोत केदलो से तीहयु तमु घोर ना पडाळ पोर चडीन जयोरत परचयार करो।

28 तीमनी सी ना बीहो जे डील ने मार नाखहे पण जीव ने नी मार सके; बाखीन तीनी सी बीहो, जे डील अने जीव बेम ने नरक मे कर सके।

29 एक पयहा मे बे धंचडी वेचाय, ते बी तमारा बाह नी मरजी वगर तीमनी मायन एक बी धरती पोर पडीन नी मरे।

30 तमारा मुंडा ना एक-एक नीम्वाळा गणायला से।

31 एतरे ना बीहो। तमु ढेरत धंचडा गेथा मोगा से।

🔗🔗 🔗 🔗🔗🔗 🔗🔗🔗 🔗 🔗🔗🔗

(🔗🔗🔗 12:8-9)

32 “जे मने माणहु अगळ मान लेहे। तीने मे बी मारा हरग वाळा बाह अगळ मान लेही।

* 10:14 नेवताळा ना काम 13:51 * 10:15 लुका 10:4-12; मत्ती 11:24 * 10:16 लुका 10:3 * 10:17 मरकुस 13:9-11; लुका 12:11,12; 21:12-15 * 10:21 मरकुस 13:12; लुका 21:16 * 10:22 मत्ती 24:9; मरकुस 13:13; लुका 21:17; मत्ती 24:13; मरकुस 13:13 * 10:24 लुका 6:40यहन्ना 13:16; 15:20 * 10:25 मत्ती 9:34; 12:24; मरकुस 3:22; लुका 11:15 * 10:26 मरकुस 4:22; लुका 8:17

33 *अने जे मने माणहु अगळ नीकारो करहे, तीने मे बी मारा हूरग वाळा बाह अगळ नीकारो करही।”

Matthew 12:51-53; 14:26-27

34 “आह्यु ना हमजो के मे धरती पोर सांती लीन आवलो से। मे सांती लीन नी आयो बाखीन तलवार लीन आवलो से।”

35 मे आनीन करीन आवलो से के बेटा ने बाह ना वीरोद मे करवा, अने ववेह ने हाहु ना वीरोद मे करवा करीन आवलो से।

36 माणेह ना वेरी तीना घोर वाळा बण जहे।

37 “जे बेटो आह्फा ना बाह ने नीता आह्फा नी आयुह ने मार गेथो जादा मोंग करे, तीहयो मारी लायक नी ह्य। अने जे बी बाह बेटा ने नीता बेटे ने मारी गेथो जादा मोंग करे तीहयो मार लायक नी ह्य।

38 *जे कोय आह्फा ना दुख नु कुरुस उचलीन मार पसळ नी चाले, तीहयो मार लायक नी ह्य।

39 *जे आह्फा नो जीव बचाडवा हीडे, तीहयो आह्फा ना जीव ने खोय देय; अने जे मारीन करते आह्फा नो जीव खोय नाखहे, तीहयो आह्फा ना जीव ने बचाड लेहे।”

Matthew 9:41

40 *जे तमारु आव-भाव करे, तीहयो मारो आव-भाव करे, अने जे मारो आव-भाव करे, तीहयो तने मोकलन्या नो आव-भाव करे।

41 जे भगवान वगे गेथी वात केणया माणहु नो आनीन करते आव-भाव करे के तीहयो भगवान वगे गेथी वात केणयो माणेह से, ता तीने भगवान वगे गेथी वात केणया ना ईलाम ने तेवुत ईलाम जडे। अने जे धरमी नो आनी करते आव-भाव करे के तीहयो धरमी से, ता तीने भगवान वगे गेथी वात केणया माणहु ना ईलाम ने तेवुत ईलाम जडेहे।

42 अने जे कोय आहया नानुला हुदला चेला मायून काना एक ने पीवा करीन टाडलु पाणी आसम करीन आपहे के तीहयो मारो चेलो से, ता मे तमने हाचलीन केम के तीहयो आह्फा नु ईलाम हात करहेन करहे।

11

Matthew 11:19-27

1 जत्तयार ईसु आह्फा ना बारे चेला ने आहयी हीकापण आप चुक्यो अने गलील जीला ना हेर-हेर मे हीकापण आपतो, अने परच्यार करतो जायून तां गेथो जत र्यो।

2 जत्तयार युहन्नो जेल मे रीन ईसु मसीन काम ना बारा मे खबर हमळीन अने आह्फा ना चेला ने तीने आह्यु पुसवा मोकल्यो,

3 “हु आव्वा वाळो तुत से नीता आमु बीजा नी वाट जोवया?”

4 ईसु तीने जपाप आप्यो, “जे कंय तमु हमळो अने देखो तीह्यु आखु जायून युहन्नना ने की देजो,

5 के आंदळा देखे, अने लंगडा चाले, कुडावा आरगा ह्ये, बेरा हमळे मरला जीवता ह्ये, गरीव ने खुस-खबर हमळायो।

6 अने जुगाळो से तीहयो, जे मारी कारण सी ठोकर नी खाय?”

7 जत्तयार तीहया तां गेथा चाल पड्या, ता ईसु युहन्नना ना बारा मे माणहु ने केवा बाज ज्यो, “तमु बडा मे हु देखवा जेला हता? के वाहळ मे हीलत्ला वाहण्या ने?”

8 अळी तमु हु देखवा जेला हता? के नरम लुगडा पेरला माणेह ने? देखो, जे नरम लुगडा पेरे, तीहया राजा नी हवेली मे रेय।

9 ता अळी काहा जेला हता? भगवान वगे गेथा केण्या माणेह ने देखवा करीन जेला हु? होव, मे तमने केम के भगवान वगे गेथा केण्या गेथा बी मोट्ला माणेह ने देखवा जेला।

10 आहयो तीहयोत से, जीना बारा मे लीखलु से; के देख; मे मारा हूरगदुत ने तार गेथो अगळ मोकलही। तीहयो तार अगळ तार जुगु रोहो तीयार करहे।

11 मे तमने हाचलीन केम के, जे आहय सी पयदा हयलो से, तीमनी मे गेथो युहन्ना बपतीस्मा आपवा वाळा सी कोय मोटो नी हय, पण जे हूरग राज मे नाना सी नानो से तीहयो बपतीस्मा आपण्या युहन्ना गेथो मोटो से।

12 *युहन्ना बपतीस्मा आपण्यो आयो तां गेथात आज तक माणहु हूरग राज मे ताखत भेळ भरायता रेंता हता, अने ताखत वाळा तीने हापकी लेता हता।

13 भगवान वगे गेथी वात केण्यो माणेह अने मुसा नी लारे लीखली सास्तर, बपतीस्मा आपण्या युहन्ना ने आव्वा नी पेलेत भगवान वगे गेथी वात केता हता।

14 *कदीम तमने जोवे ता मानो के एलीया जे आव्वा वाळो हतो तीहयो आहयो युहन्नो से।”

15 जीना कान्टा हय, तीहयो ह्मळी लेय।

16 मे आहयी पीडी ना माणहु नी बराबरी मे कोय सी करु? तीहया हाट मे बहला तीहया सोराम नी तेवा से, जे एक-बीजा सी आडीन केता हता,

17 के आमु ते तमारी वाटु पीहो वगाड्या, अने तमु नी नाच्या; आमु ते दुखी हया, अने तमु छाती नी पीट्या।

18 काहाके बपतीस्मा आपण्यो युहन्नो नी ते रोट्ला खातो हतो अने नी पीतो हतो, अने तीहया केता हता के तीनी मे भुत से।

19 माणहु नो सोरो खातो-पीतो आयो, अने तीहयो केतो हतो के देखो, “खादइयो अने दारकुट्टो माणेह, फाळो लेण्या अने पापी नो दोस्तीदार से। पण जे माणहु ने भगवान नी अककल हीकाडे तीहया खरला से।”

20 ता ईसु तीहया हेर ना माणहु ने खीजवायन वडवा बाज ज्यो, तां हारीक ईसु ढेरत जुदा-काम कर्यो पण तीहया आहया काम देखीन बी पाप भणी गेथा मन फीरवीन भगवान वगा नी वळ्या।

21 ए खराजीन हेर! ए बेतसेदा! तमारी वाटु दुख नी वात से; देख, जे सक्ती ना काम तमारी मे कर्यो, तीहया सुर अने सेदा मे करतो, ता तीहया टेला ओडीन अने रोखडा मे बहीन पापु भणी गेथा मन फीरवीन भगवान वगा वळ जता।

22 एतरे मे तमने केम नीयाव ना दाडे तमारी हालत सुर हेर अने सेदा हेर नी हालत सी बी जादा वेठवा जुगु हयहे।

23 “अने ए कफरनहुम! हु तु हरगे लग उचु हयही? नी! तु ते पताळ मे लग हेटो जही; जे सक्ती ना काम तारी मे करला से, कदीम तीहया सदोम मे करतो, ता तीहया आज लग बणीन रेंता।

24 *एतरे मे तमने केम, नीयाव ना दाडे तमने सदोम गेथो जादा डंड जइहे।”

(*** 10:21-22)

25 तीहयी टेमे ईसु केदो, “बाह! हूरग अने धरती ना मालीक! मे तारा गुण गावु; काहाके तु आहयी आखी वात ने अककल वाळा अने भणला माणहु गेथी हताडीन भोळा सोरा हरका माणहु अगळ उजन्ती कर्यो।

26 होव बाह! तु आनी करते आसम कर्यो काहाके तने आहयुत वारु लाग्यु।”

27 *^१“मारो बाह, मने आखु कंय आप देदलो से। बाह ने सोडीन कोय बी बेटा ने नी जाणतु। आह्यीत रीते बेटा ने सोडीन बाह ने कोय नी जाणतु। अने तीहयो एतरोत बाह ने जाणे, जीमनी पोर बेटो बाह ने उजन्तो करे।”

28 “ए आखा काम करीन थाकला अने भार मे डबायला माणहु मारीन्तां आवो, मे तमने अराम आपही।

29 मारो वळो आहफा पोर मेक लेवो अने मार सी हीको, काहाके मे नीचळो अने मन मे गरीब से। अने तमु तमारा मन मे अराम हात करहु,

30 काहाके मारो वळो वारु से, अने मारो भार फवरलो से।”

12

~~2:23-28; 6:1-5~~

1 ईसु काना अराम ना दाड़े गम ना खेत मायन जवा बाज रेलो। ता तीमना चेलाम ने भुक लागी, अने तीहया उंव्या तोडी-तोडीन खावा बाज ज्या।

2 आह्यु देखीन फरीसी पंथवाळा ईसु ने केदा, “देख, जे काम अराम ना दाड़े करवा वारु नी हय, तीहयुत काम तारा चेला कर र्या।”

3 ईसु तीहया फरीसी माणहु ने केदो, “खरला सास्तर मे तमु नी भण्या हु? के जत्त्यार दावुद राजा अने तीना हाती ने भुक लागी ता तीहया हु कर्या?”

4 तीहया भगवान ना तम्बु मे जायन भेट चडावला रोदला खादा, अने नीस्ता भगवान ना पुंजारा ने सोडीन तीने अने तीना हाती ने रोदला खावा ताले नी हतु।”

5 नीता, मुसा नी लारे लीखली सास्तर मे तमु नी भण्या हु? के भगवान ना मंदीर ना पुंजारा अराम ना दाडा नो नेम तोडीन बी तीहया वण-गुनाळळा ठेर्या।

6 “मे तमने केम, जे आजे हारीक से तीहयो मंदीर गेथो बी मोटो से।

7 *कदीम तमु सास्तर मे लीखली आहयी वात हमजी जता के भे माणहु मे गीण देखवा हींडु, जानवरु ने मारीन बादा नी जोवती” ता वण-गुनाळळा ने गुनाळळा नी ठेरावता।

8 काहाके मनख्या नो सोरो अराम ना दाडा नो मालीक से।”

~~3:1-6; 6:6-11~~

9 अने अळतेण ईसु तां गेथो अगो ज्यो, अने भगवान ना भक्ती ना घोर मे ज्यो।

10 तां एक माणेह हतो, तीनो हात हुक जेलो हतो। ईसु पोर गुनो लगाडवा करीन फरीसी माणहु तीने पुछ्या, “अराम ना दाड़े कोयने वारु करवा तालेत से हु?”

11 *ईसु तीमने केदो, “कदीम तमारु एकीत गाडरु हय, अने तीहयु खाडा मे पड जाय, ता तमारी मायन एवु कोय से, जे अराम ना दाड़े तीने धरीन नी नीकाळे?”

12 माणेह ते गाडरा गेथो घणो मोगो से। एतरे अराम ना दाड़े भलाय करवा तालेत से।”

13 ता तीहयो ते माणेह ने केदो, “तारो हात नाम्बो कर।” अने तीहयो आहफा नो हात नाम्बो कर्यो, अने तीहयो हात वारु हय ज्यो। अने बीजा वारला हात ने तेवो हय ज्यो।

14 एतरे फरीसी पंथवाळा बाथा नीकळीन ईसु ना वीरोद मे आहयो वीच्यार कर्या आमु आने कीसम करीन मारया?

~~2:23-28; 6:1-5~~

15 ईसु आह्यु जाण ज्यो अने तां गेथो चाल पड्यो। अने घण ढेरका माणहु ईसु पसळ चाल पड्या। तीहयो आखा ने आरगो करतो हतो।

16 बाखीन तीहयो तीमने आहयु कीन चेतावतो हतो के “तमु मारु नाम लीन बीजा माणहु अगळ उजन्तो नी करजो।”

17 आहयु एतरे हयु के भगवान वगे गेथी वात केण्या माणहु यसाया नी लारे जे मालीक केदलो हतो, तीहयु पुरु हये:

18 आहयो मारो चाकरयो से, आने मे टाळलो से; आहयो मारो घणो मोंगाळ्ळो से, मे आनी पोर घणो खुस से। मे आनी मे मारी आत्मा भर देही। अने आहयो आखा देस ना माणहु ने हाचलीन नीयाव नी खुस-खबर करहे।

19 तीहयो नी झगडो करे, अने नी धुम मचाडहे; अने नी हाट मे कोय बी आनो बोल नी ह्मळे।

20 आहयो कचरायली वाहण ने नी तोडे। अने ओलायत्ला दीवा ना बामळा ने अगोत नी ओलवे। जतयार लग आहयो हाचलीन नीयाव करीन जीक नी अपाडे, तां लग पासो नी सोडे।

21 ततयार आखा देस ना माणहु आना नाम नी आह करहे।

~~~~~
(*~~~~~* 3:20-30; *~~~~~* 11:14-33)

22 अळतेण माणहु एक आंदळा माणेह ने ईसुनतां लाया, तीहयु गुंगु बी हतु। अने भुत लागलु हतु। ईसु तीने आरगो कर्यो। अने तीहयो बोलवा अने देखवा वाज ज्यो।

23 आखा माणहु वहरायन ईसु ना बारा मे केवा वाज ज्या, “आहयो दावुद नी अवल्यात हयवा जोवे हु?”

24 *पण आहयी वात ह्मळीन फरीसी पंथवाळा केदा, “आहयो ते भुत ना मुखी बालजबुल नी मदत सी भुत ने नीकाळे।”

25 ईसु तीमना वीचयार जाणीन तीमने केदो, “जे राज मे बेरजाव पड जाय तीहयु कदी नी टेके। एमेत तीहयु घोर नीता हेर बी नी टेके, जीनी मे बेरजाव पड जाय।

26 कदीम भुतडोत आह्फा ना वीरोद मे हय जाय ता तीनु राज कीकम टेकलु रेहे?

27 अने कदीम मे भुतडा नी मदत सी भुत ने काडु ता तमारा सोरा कोयनी मदत सी भुत काडे? एतरे तीहया तमारो नीयाव करहे।

28 पण कदीम मे भगवान नी जीव आत्मा नी ज्योरे भुतडा ना जोमु ने काडु, ता जाण लेवो के भगवान नु राज तमारी वच मे आय जेलु से।”

29 कोय बी माणेह काना बी जोर वाळा माणेह ना घोर मे भरायन ह्मान नी लुट सके जतयार तक तीहया ते जोर वाळा माणेह ने बांद नी लेय। अने जतयार तीहयो ते जोर वाळा ने बांद लेय, ततयार तीहयो तीना घोर मे भरायन ह्मान लुट सके।

30 *जे मारी हाते नी हय, तीहयो मारा वीरोद मे से, अने जे मारी हाते भगवान गेथा सेटा हयला माणहु ने भेळा नी करे, तीहयो तीमने रीवण्या-तीवण्या कर र्यो।”

31 एतरे मे तमने केम, माणहु ने आखी भाती ना पाप नी लेदे माफी जड जहे; आंया लग के भगवान नो जबरान वाक काडे तीने बी माफी जड जहे, पण भगवान नी चोखली आत्मा नो वाक काडे ता तीने माफी नी जडे।

32 *जे कोय मनखया ना सोरा ना वीरोद मे कंय केहे, तीने माफी जड जहे। पण चोखली आत्मा ना वीरोद मे कंय केहे, तीने माफी नी जडे। आहयी कळी मे बी माफी नी जडे, अने आववा वाळी कळी मे बी माफी नी जडे।

~~~~~
(*~~~~~* 6:43-45)

33 *कदीम एक झाड वारु हय, ता तीना फोळ बी वारु रेहे, अने कदीम एक झाड खोडलु रेय, ता तीनु फोळ बी खोडलुत रेहे, काहाके एक झाड नी ओळखाण तीना फोळ सी हये।

34 *ए गड़हा ना सोरा! तमु बुरा ह्यन बी वारली वात कीसम की सके? जे तमारा मन मे भरलु से, तीहयुत तमारा मोडा मे गेथु आवे ।

35 वारलु माणेह आहफा ना वारला मन ना खजाना मे गेथी वारली वात नीकाळे; अने खोडलो माणेह आहफा ना खोडला मन ना खजाना मे गेथी खोडली वात नीकाळे ।

36 एतरे मे तमने केम, “नीयाव ना दाड़े माणहु ने आहफाम नी एक-एक रीकामी वात नो लेखो आपु पड़े हे ।

37 काहाके तमु आहफाम नी वात नी लारेत वण-गुनाळळा अने गुनाळळा ठेरहु ।”

ⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂ

(ⓂⓂⓂⓂ 8:11-12; ⓂⓂⓂⓂ 11:29-32)

38 *तीहयी टेमे थोडाक चोखली सास्तर हीकाडन्या, अने फरीसी पंथवाळा ईसु ने केदा, “मास्तर! आमु तारी लारे एक उजन्ती सेलाणी देखवा ह्य र्या ।”

39 *पण ईसु तीमने केदो, “आहयी पीडी ना कुहर्या अने छीनाळ्या माणहुत एक सेलाणी देखवा हीडे, पण भगवान वगे गेथी वात केण्या माणेह योना नी सेलाणी ने सोडीन कानी बी सेलाणी आमने नी देखवा पड़े ।”

40 जीसम योना तीन दाड़ा मे अने तीन रात मे राकस माछला ना पेट मे रेलो, तेमेत मनख्या नो सोरो धरती मे रेहे ।

41 नीयाव ना दाड़े नीनवे हेर ना माणहु आहयी पीडी ना माणहु हाते जीवता ह्यहे, अने आमने गुनाळळा ठेरावहे । काहाके तीहया योना नी लारे भगवान नी केदली वात हमळीन, पापु भणी गेथु मन फीरवीन भगवान गवा वळला हता, अने देखो, आज्ञे ते योना गेथो बी घणो मोटो से ।

42 नीयाव ना दाड़े दखणाव देस नी राणी आहयी पीडी ना माणहु हाते जीवती ह्य जहे, अने आहयी पडी ना माणहु ने गुनाळळा ठेरावहे; काहाके तीहयी सुलेमान राजा नी अककल वाळी वात हमळवा करीन धरती नी काकड़ गेथी आवली, अने देखो, आज्ञे ते सुलेमान राजा गेथो बी मोटो से!

ⓂⓂⓂ ⓂⓂⓂⓂ ⓂⓂⓂ

(ⓂⓂⓂⓂ 11:24-26)

43 “जतयार वीटळळी आत्मा माणेह मे गेथी नीकळी जाय, ता तीहयी अराम करवा करीन, हुकला जागा मे, जागो होदती रेय; पण तीने अराम नी जड़े ।

44 ता तीहयो केय ‘जा गेथो नीकळळो से, तांत मारा तीहया घोर मे पासो जही ।’ अने भुतडा नो वीटळळो जोम पासो आवे, ता तीने तीहयु घोर हुनलु, झाटकीन बारलु अने चापडु करीन घटाळ करलु देखाव पड़े ।

45 ता तीहयी वीटळळी आत्मा पासी जत रेय अने जायन तीनी हाते बीजी हात कुहरयाण वीटळळी आत्मा ने बी ली आवे । अने तीहया माणेह मे भरायन तांत रेवा बाज जाय । अने तीहया माणेह नी पेले गेथी बी जादा वेला ह्य जाय । आवीत वेला आहया पीडी ना माणहु नी बी ह्यहे, जे कुहर्या से ।”

ⓂⓂⓂ ⓂⓂ ⓂⓂⓂⓂⓂⓂ ⓂⓂⓂ ⓂⓂⓂ

(ⓂⓂⓂⓂ 3:31-35; ⓂⓂⓂⓂ 8:19-21)

46 ईसु घोर मे माणहु ने हीकाडवा बाज र्यो हतो, तीहयीत टेमे तीनी आय्हू अने भाय आया । तीहया बारा उवा ह्य रेलु, अने ईसु ने भेटवा हीडता हता ।

47 कानो आवीन ईसु ने केदो, “देख! तारी आय्हू अने भाय बारथा उवा ह्य र्या, तीहया तारी हाते वात करवा हीडे ।”

48 ईसु तीमने केदो, “कोय से मारी आय्हू? अने कोय से मारो भाय?”

* 12:34 मत्ती 3:7; 23:33; लुका 3:7; मत्ती 15:18; लुका 6:45 * 12:38 मत्ती 16:1; मरकुस 8:11; लुका 11:16

* 12:39 मत्ती 16:4; मरकुस 8:12

49 अने आह्फा ना चेला भणी हात नो अनसारो करीन तीहयो केदो, “देखो! आह्या से मारा भाय अने मारी आय्ह!”

50 काहाके जे कोय मारा हरग वाळा बाह नी मरजीन अनसारे जीवे, तीहयोन-तीहयो मारो भाय, अने मारी वेनेह, अने मारी आय्ह से।”

13

☞☞☞ ☞☞☞☞☞☞ ☞☞☞ ☞☞☞☞☞☞
(☞☞☞☞ 4:1-9; ☞☞☞☞ 8:4-8)

1 तीहयात दाडे ईसु घोर मे गोथो नीकळीन दर्या धेडे जीन बह ज्यो।

2 *अने दर्या धेडे ईसुनतां घणा ढेरका माणहु आय लाग्या अने तीहयो ढुंड्या पोर चडीन बह ज्यो, अने आखा माणहु दर्या धेडे उबा हय जया।

3 तीहयो दाखला ना लारे तीमने वात हीकाड्यो। अने तीहयो एक दाखलो केदो, “हमळो! कानो कीरसाण बीज वाववा ज्यो।

4 वाव्ता-वाव्ता मे थोडाक बीज वाट धेडे पड्या, अने चडा आवीन तीने खाय जया।

5 थोडाक बीजडा चाफर्या वाळा जागा मे पड्या तां उतळो कादो हतो; एतरे तीहया छोटा उगी आया; अने मुळ्या उनडे नी जया।

6 एतरे दाहडु उगीन तोप लाग्यो ता तीहयु धान चीमायन हुक ज्यु।

7 थोडाक बीज काटा वाळा झाटवा मे पड्या, अने उग्या पण कटाळ्ळा झाटवा तीहया रोपा ने डाव देदा।

8 थोडाक बीजडा वारली जागा मे पड्या अने उगीन मोटा ह्यन काना होव गुणा, अने काना साट गुणा, अने काना तीस गुणा फोळ लाया।”

9 जीनी पांह हमळवा ना कान्टा हय तीहयो हमळ लेय।

☞☞☞ ☞☞☞☞☞☞ ☞☞☞ ☞☞☞☞☞☞
(☞☞☞☞ 4:10-12; ☞☞☞☞ 8:9-10)

10 ईसुन ना चेला हाते आवीन तीने केदा, “तु काहा माणहु ने दाखला मे हीकापण आपे?”

11 ईसु तीमने जपाप आप्यो, “मे आनीन करीन दाखला मे देखाडु काहाके हरग राज ना बारा मे जाणवा नी हमज तमने भगवान आपलो से, पण हीय्या माणहु ने नी आप्यो।

12 *काहाके जीनी पांह थोडीक आप्ली अक्कल से, तीनेत अळी आपहे अने तीना पांह ढेरत अक्कल हय जहे। पण जीनी पांह कंय बी नी हय, तीनी पांह गोथी तीहयी अक्कल बी मांग लेहे।”

13 मे तीमने दाखला मे हीकाडु काहाके हीय्या देखता जीन बी नी देखे, अने हमळता जीन बी नी हमळे अने नी हमजे।

14 यसायो आह्यी बी वात भगवान वगे गोथी केदलो हतो, तीहयी वात तीहया माणहु मे तेम ने तेम पुरी हय री: तमु हमळहु, अने हमळ्यात करहु, पण तमने थोडीक बी नी हमजाये; अने तमु देखहु, पण तमने पल्ले नी पडे।

15 काहाके आहया आह्फाम नु मन काटु कर लेदला से। आहया मन बेरा हय जेला से। अने आहया आह्फाम ना डोळा मीच लेदला से। आहया ईनीन करते आसम कर्या काहाके ईमने कंय बी नी देखायवा जोवे, अने ईमने कंय बी नी हमळाव्वा जोवे, अने ईमना मन ने कंय बी पल्ले नी पडवा जोवे, अने कदी मारी भणी नी वळवा जोवे, काहाके मे ईमनो छुट्टकारो कर देही।

16 *पण जुगाळा से तमारा डोळा, काहाके हीय्या देखे, अने जुगाळा से तमारा कान्टा, काहाके हीय्या हमळे!

17 मे तमने हाचलीन केम, के ढेरत भगवान वगे गेथी वात केण्या माणहु अने नीयाव करन्या हेर कर्या के, जे वात तमु देखो, देख्या पण नी देखाय; अने जे वात तमु ह्मळो, ह्मळ्या, पण नी ह्मळ्या ।

ⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 4:13-20; ⓂⓂⓂⓂⓂ 8:11-15)

18 हाव तमु कीरसाण ना दाखला नो मतलब ह्मजो:

19 बीज वाव्वा नी टेमे जे बीज वाट धेडे पड्या, तीहया आहयी सेलाणी देखाडे के कदीम कोय भगवान ना राज ना बोल ह्मळे, बाखीन ह्मजे नी, ता तीना मन मे जे वेरायलु से, तीने कुह्यो भुतडो आवीन लीत्ती रेय ।

20 चाफर्या वाळी जागा मे वाळा बीज तीहया माणेह नी सेलाणी से: तीहयो भगवान नो बोल ह्मळतेत खुस ह्यन मानीन आवरे;

21 पण तीनी मे मुळ्या उंडा नी ह्यवा सी तीहयो थोडाक दाडा लग भरहो करे, पण भगवान ना बोल नी लेवे तीनी पोर दुख अने वेला आय पडे, ता तीहयो तत्त्यारुत भरहो सोड देय ।

22 जे बीज झाटवा वाळी जागा मे पड्यु तीहयो ते माणेह नी सेलाणी से, जे भगवान ना बोलु ह्मळे ते खरो, पण तीने कळी मे वाळी जीवायन नी फीकर अने धन नी लालच भगवान ना बोलु ने पाळीन चालवा नी देय, अने तीहयो जीवायन फोळ नी लावे ।

23 वारली जागा मे पडलु बीज तीहया माणेह नी सेलाणी से: जे भगवान ना बोलु ह्मळे, अने ह्मजे, अने फोळ लावे । कानो होव गुणा फोळ लावे, कानो साट गुणा फोळ लावे, अने कानो तीस गुणा फोळ लावे ।

ⓂⓂ ⓂⓂ ⓂⓂⓂⓂⓂ ⓂⓂⓂ ⓂⓂ ⓂⓂⓂⓂⓂ

24 ईसु तीमनी अगळ एक अळी दाखलो केदो, “हरग नु राज तीहया माणेह नु हरकु से, जे आह्फा ना खेतर मे वारलु बीज वेर्यो ।

25 पण जत्त्यार माणहु हुव्वा वाज रेला, ता तीनो वेरी आयो, अने गम मे जंगली बीज ने वेरीन जत र्यो ।

26 जत्त्यार हुका फुट्या अने उंव्या नीकळ्या ता जंगली बीज देखाव पड्या ।”

27 एतरे पावर्या मालीक ना घोर आवीन मालीक ने केदो, “मालीक तु तारा खेतर मे वारलु बीज नी वेर्यो हु? ता तीनी मे जंगली बीज कीकम उग आया?”

28 मालीक तीमने केदो, “आह्यु काना वेरी नु काम से ।” ता पावर्या तीने पुछ्या, “तारी मरजी ह्य ता आमू जायन जंगली बीज ने उखड दीया?”

29 मालीक केदो, “नी ईसम ना करो नीता कंय मायन जंगली बीज ना झाटवा हाते, गम बी नी उखडी जाय ।

30 वाडणी आवते लग भेळात वदवा देवो । वाडवा नी टेम पोर वाडवा वाळा ने केही, पेले जंगली बीज ना झाटवा भेळा करो अने धपाडवा करीन हीमना पुळा बांदो । अने अळतेण गम ना दाणा ने मारी मोहटी मे भेळा करो ।”

ⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂ ⓂⓂⓂⓂⓂ
(ⓂⓂⓂⓂⓂ 4:30-32; ⓂⓂⓂⓂⓂ 13:18-19)

31 ईसु तीमने एक अळी दाखलो ह्मळायो, “हरग नु राज राय ना दाणान तेवु से, जीने लीन कानो माणेह आह्फा ना खेतर मे वेर देदो ।

32 तीहयो ते बीजा आखा बीज मे गेथु नानु रेय, पण उगीन वदीन वाडी ना भाजी-पाला ना झाटवा गेथु मोट्टु ह्य जाय, अने एवु झाटवु वण जाय के हरग ना चडा आवीन तीना डाळ्या पोर पोतरा बांदीन रेवा वाज जाय ।”

ⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 13:20-21)

33 ईसु तीमने अळी एक दाखलो ह्मळायो, “हरग नु राज तीहया खमीर हरकु से, जीने लीन कानी बयर तीन कांगणी लोट मे भेसकी अने आखो लोट खमीर वाळो हय ज्यो।”

॥॥॥॥ ॥॥ ॥॥॥॥ ॥॥
(॥॥॥॥ 4:33-34)

34 ईसु आखी वात दाखला नी लारेत माणहु ने ह्मजाडतो हतो। अने दाखला वगर कंय बी नी केतलो।

35 भगवान वगे गेथी वात केण्या माणहु नी लारे जे केदलु तीहयु पुरु करवा नी करतेत ईसु दाखला नी लारे वात करतो हतो: जेम भगवान केदलो, मे दाखलो केवा करीन मारु मोड्डु उगाडही; अने कळ घडायली तां गेथा पेलना वारा नी ह्तायली वात उजन्ती करही।

॥॥॥॥ ॥॥ ॥॥॥॥ ॥॥

36 ईसु माणहु ने वळाय दीन पासो घोर आयो। तीना चेला तीनीनुतां आवीन केदा, “खेतर मे वाळा जंगली बीज ना दाखला नु मतलब हु हये तीहयु आमने ह्मजाड दे।”

37 ईसु तीमने केदो, “वारलु बीज वेरन्यो कीरसाण, मनख्या नो सोरो से;

38 अने खेतर आह्यी कळी से: वारलु बीज भगवान ना राज ना माणहु से; अने जंगली बीज कुह्र्या भुतडा ना माणहु से;

39 अने वेखा वाळो वेरी भुतडो से; वाडणी कळजुग नु खत्तम ह्यणु से; वाडण्या हरगदुत से।

40 जीसम माणहु जंगली बीज ना झाटवा ने भेळा करीन आकट्ट मे धपाड देय, तेमेत आह्यी कळजुग खत्तम ह्यहे।

41 मनख्या नो सोरो हरगदुत ने मोकलहे अने तीहया तीना राज मे गेथा आखा पाप करन्या ने अने गलत काम करन्या माणहु ने भेळा करहे,

42 अने तीमने आकट्ट नी दर्या मे धकली देहे; अने तीहया माणहु तीहयी आकट्ट नी भाटी मे दोळो-दोळो अने फुकु-फुकु रडहे

43 तीना वारा मे धरमी माणहु आह्फा ना वाह ना राज मे दाडान तेम भवळहे। जीना कान्टा हय तीहयो ह्मळी लेय।”

॥॥॥॥॥ ॥॥ ॥॥॥॥

44 “हरग नु राज खेतर मे खोवायला धन ने तेवु से, जे काना माणेह ने जड्यु अने तीहयु माणहे ह्ताड देदु अने तीहयु खुस हय जाय अने आखु कंय वेचीन तीहया खेतर ने वेचातु लेदो।”

॥॥॥ ॥॥॥ ॥॥॥ ॥॥ ॥॥॥॥

45 “अळी हरग नु राज एक वेपारीन तेवु से जे वारला मोती नो ह्दोदवाळ्या हतो।

46 जत्त्यार तीने एक मोगलो मोती जड्यो ता तीहयो जायन आह्फा नु आखु कंय वेच देदो अने तीने वेचातु ली लेदो।”

॥॥॥॥ ॥॥॥ ॥॥ ॥॥॥ ॥॥ ॥॥॥॥

47 “अळी हरग नु राज तीहयी मोटली जाळ ने तेवु से तीहया दर्या मे नाख देदा, अने आखी भाती ना माछला हापकी लायो।

48 अने जत्त्यार जाळ भराय जी, ता काह्र्या तीनी जाळ ने धेडे हापकी लाया, अने बहीन वारु-वारु तां टाहरा मे भेळा कर्या अने बगडला-बगडला माछला ने नाख देय।

49 कळ खत्तम ह्यवान टेमे बी एमेत ह्यहे। हरगदुत आवीन पापी माणहु ने धरमी माणहु मे गेथा सेटा करहे,

50 अने तीमने आकटा ना खाडा मे नाखे। ता तीहया माणहु रडहे अने दातु ककडावता रेहे।”

॥॥॥॥ ॥॥॥॥॥ ॥॥ ॥॥॥॥॥

51 हु तमु आह्यी आखी वात ने ह्मज्या?

52 ईसु तीमने केदो, “एतरे जे बी चोखली सास्तर नो कायदो हीकाइन्यो हरग राज नो चेलो बण्लो से, तीहयो तीहया घोर मालीक हरको से, जे आह्फा ना घोर ना खजाना मे गेथो नवला अने जुन्ला चीज नीकाळे।”

[[[6:1-6; 4:16-30]]]

53 जत्तार ईसु आह्या आखा दाखला की देदो, ता तां गेथो जत र्यो।

54 अने ईसु आह्फा ना हेर मे आवीन तीहया भगवान ना भक्ती ना घोर मे जायन माणहु ने हीकाडवा वाज ज्यो। के तीहया घबरायन केवा वाज ज्या, “अने आह्यी अक्कल अने घणा जुदा-काम कां गेथा जड्या?”

55 आहयो हुतार नो सोरो नी ह्य हु? अने हु आनी आय्ह नु नाम मरीयम अने तीना भाय नु नाम याकुब, अने युसुफ अने सीमोन अने यहुदा आना भाय नी ह्य?

56 अने हु आखा बेनेह आपणी वच मे नी रेय? अळी आने आह्यी आखी अक्कल अने जोर कां गेथो जड्यो?”

57 *आनीन करता तीहयो टोकर खादो, पण ईसु तीने केदो, “भगवान वगे गेथी वात करन्यो माणेह नी ईज्जत तीना गाम ने अने घोरन्या ने सोडीन आखी जागे ह्ये।”

58 अने ईसु तां भरहो नी कर्या करीन जादा काम नी कर्यो।

14

[[[6:14-29; 9:7-9]]]

1 तीहयो टेमे चोवथा देस नो राजा हेरोद ईसु ना वारा मे हमळ्यो।

2 अने आह्फा ना पावर्या ने केदो, आहयो ते बपतीस्मा आपण्यो युहन्ना से। हीय्यो मरला मे गेथो जीवतो ह्य जेलो से, एतरे तीनी सी सकती ना काम तीनी लारे हयत्ला से।

[[[9:7-9]]]

3 *हेरोद राजा आह्फा नो भाय फीलीपुस नी लाडी हेरोदीयास ना कारण, बपतीस्मा आपण्या युहन्ना ने धरीन बांदयो, अने जेल मे बंद कर देदलो हतो;

4 काहाके बपतीस्मा आपण्यो युहन्ना तीने केदलो हतो, के हीने राखवा तारी जुगु ताले नी ह्य।

5 हेरोद राजा बपतीस्मा आपण्या युहन्ना ने मार नाखवा हीडतो हतो; ते बी माणहु ने देखीन बीहतो हतो, काहाके तीहया तीने भगवान वगे गेथो केवा वाळो माणेह मान्ता हता।

6 पण जत्तार हेरोद नो पयदावारीन दाडो आयो, ता हेरोदीयास नी बेटी पोरणा अगळ नाचणु देखाडीन हेरोद ने खुस करी।

7 एतरे तीहयो हाम खायन वायदो कर्यो, जे कय तु मांगहे, मे तने तीह्यु आप देही।

8 तीनी आय्ह तीने पेले गेथी केदली हती। एतरे तीह्यी केदी, मने हमणे थाळी मे बपतीस्मा आपण्या युहन्ना नु मुंडु मंगाड दे।

9 हेरोद राजा ने दुख लाग्यो, पण आह्फा नी हाम अने हाते बहला माणहु ना कारण सी, हुकम आपीन केदो, हीने बपतीस्मा आपण्या युहन्ना नु मुंडु आप देवो।

10 अने सीपायडा ने मोकलीन तीहया जेल मे गेथु बपतीस्मा आपण्या युहन्ना नु मुंडु तोडाय देदो।

11 अने तीहया तीनु मुंडु थाळी मे ली आया, अने सोरी ने आप देदा, अने तीह्यी ते मुंडु ने आह्फी नी आय्ह ने आप देदी।

12 अने युहन्ना ना चला आवीन तीनु धोड ने ली जायन तीने गाड देदा, अने जायन ईसु ने खबर कर्या।

॥॥॥ ॥॥॥ ॥॥॥॥ ॥॥ ॥॥॥॥॥॥
(॥॥॥॥॥ 6:30-44; ॥॥॥॥ 9:10-17)

13 ईसु युहन्ना नी मोत नी खबर ह्मळीन ढुंइया मे बहीन तां गेथो एक हुनहान जागा भणी जत र्यो। अने माणहु आहयु ह्मळीन हेर-हेर गेथा चालीन तीनी पसळ हय ज्या।

14 अने ईसु ढुंइया मे गेथो उतर्यो, ता एक घणो मोटो माणहु नो मेळो देख्यो; अने तीने तीहया माणहु पोर दया आय जी, अने तीहयो जे मांदला हता तीमने आरगा कर्यो।

15 जत्तार हांती टेमे ईसु ना चेला तीनीन्तां आवीन केदा, आहयो जागो हुनकार से, अने दाहडु ढळ जेलु से। माणहु ने वळाय दे, अने आहया गाम मे जायन आह्फा वाट्ट खाणु वेचातु ली लेय।

16 ईसु चेला ने केदो, हीमने जवा जरुडी नी हय, तमु हीमने खावा नु आपो।

17 पण चेला केदा, अमारी पांह पांच रोदला अने बे माछला सोडीन बीजु कंय बी नी हय।

18 ईसु केदो, हीय्या रोदला अने माछला मारीन्तां लावो।

19 ईसु माणहु ने चारा पोर बहवा करीन केदो, तीहया पांच रोदला अने बे माछला हात मे धरीन हरग भणी भाळीन तु घणो वारु से केदो। अने रोदला भांगीन चेला ने आप्यो, अने चेला माणहु ने आप्या।

20 आखा माणहु खायन आफरी ज्या, अने बचला रोदला ना टुकडा सी बारे चारली भराय ज्या।

21 अने खाणु खावा वाळा मे, बयरा अने सोरा ने सोडीन पांच हजार अदमडा हता।

॥॥॥ ॥॥ ॥॥॥॥ ॥॥॥ ॥॥॥॥॥
(॥॥॥॥॥ 6:45-52; ॥॥॥॥॥॥ 6:16-21)

22 अने ईसु तत्तारुत आह्फा ना चेला ने केदो, के तमु ढुंइया मे बहीन दर्या नी हेली धेडे जत रेवो; तांह तक मे माणहु ने वळाय देम।

23 ईसु माणहु ने वळाय दीन एखलो बहीन वीन्ती करवा करीन बडा पोर जत र्यो। अने हांतो, तां तीहयो एखलो हतो।

24 तीहयी टेमे लग ढुंइयु ढेरे नाम्बे जत रेलु हतु अने दर्या नी वच मे झलक सी डुलकी र्यु हतु, काहाके वाहळु अगळ नु हतु।

25 राते तीन बजे गेथो छोव बजे ईसु दर्या ना पाणी पोर चालतो जायन चेला भणी आयो।

26 जत्तार चेला ईसु ने दर्या पोर चालतलो देख्या, ता, तीहया घबराय ज्या, अने केदा, आहयो ते कानो भुत से, अने तीहया बीहीन आड पड्या।

27 ईसु तत्तारुत तीमने केदो, हीममत राखो! मेत से, बीहो ना।

28 पतरस केदो, “ए मालीक! कदीम तुत से, ता मने पाणी पोर चालीन तारीन्तां आव्वा नो हुकम आप।”

29 ईसु केदो, आव। अने पतरस ढुंइया मे गेथो उतरीन पाणी पोर चालतो जायन ईसु भणी जवा बाज ज्यो;

30 पण तीहयो ज्योरे आवतलु वाहळु देखीन बीह ज्यो, अने तत्तारुत पाणी मे डुबवा बाज ज्यो, अने आडवा बाज ज्यो, “ए मालीक! मने बचाड।”

31 ईसु तत्तारुत तीने हात अगो करीन धर लेदो, अने केदो, ए कम भरह्या! तु सण्का काहा कर्यो?

32 जत्तार तीहया ढुंइया मे चड ज्या ता वाहळु थांग ज्यु।

33 आहयु देखीन ढुंइया मे वाळा माणहु ईसु नी भक्ती करीन केदा, तु हाचलीन भगवान नो बेटो से।

॥॥॥॥॥॥॥ ॥॥ ॥॥॥॥ ॥॥॥॥॥॥ ॥॥ ॥॥॥॥ ॥॥

34 अळतण तीहया दर्या पार हेली धेडे गनुनसरत हेर मे पुग्या।

35 तां वाळा माणहु ईसु ने ओळखी लेदा, अने आडे-धेडे ना आखा गाम मे आनी खबर फेलाय देदा। तीहया आखा मांदला ने ईसुन्तां ली आया।

36 अने तीनी पांह वीनती करया के तु आमने तारा लुगडा नो सेडो एतरोत छीमवा दे । अने जेतारा तीने छीम्या, तीहया आखान-आखा आरगा हय ज्या ।

15

Matthew 7:1-13

- 1 यरुसलेम ना थोडाक फरीसी पंथवाळा अने कायदा हीकाइन्या ईसुनतां आवीन केदा,
- 2 तारा चेला डायला पुडार्या नी रीती-भाती काहा नी पाळता? हीय्या हाथ धोया वगर रोट्ला काहा खाय?
- 3 ईसु तीमने केदो, तमु आहफाम नीत रीती-भाती पाळवा करीन भगवान नो हुकम काहा तोडो?
- 4 भगवान केदलो हतो, "तमु आहफा ना आयह-बाहा नी ईज्जत करजो अने जे कोय आहफा ना बाह ने नीता आयह ने गलत बोल केय, ता तीने मार नाखो।"
- 5 पण तमु केय, कदीम कोय आहफा ना आयह-बाहा ने केय जेतरो वी तारो फायदो मारी सी हयतो हतो, तीहया आखु भगवान ने भेट अपाय जेलु से ।
- 6 ईनु मतलब आहयु नी हय, के आयह-बाहा नी ईज्जत नी करवा जोवे । एमेत तमु तमारा डाह-डाहा नी रीती-भाती नी करते, जे तमु बणावला से; भगवान ना बोलु ने टाळ देवो ।
- 7 ए दोंगडा करना! यसायो तमारा बारा मे भगवान वगे गेथी आहयी वात वारलोत केदलो से,
- 8 आहया माणहु मोडे-मोडे मारी ईज्जत करे, पण आमनु मन मारी गेथु घणु सेटु से ।
- 9 आहया अमथात मारी भक्ती करे; काहाके तीमनी हीकापण नीस्ती माणहु ना हीकाइला नेम से ।

Matthew 7:14-23

- 10 अने अळतेण ईसु माणहु ने आहफान तां बोलावीन केदो, हमळो अने हमजो ।
- 11 जे मोडा मे जाय, तीहयु माणहु ने नी वीटाळे, पण जे गलत बोलु माणहु मे गेथा नीकळे, तीहयात बोलु तीमने वीटाळ देय ।
- 12 अळतेण चेला आवीन ईसु ने केदा, तारी आहयी वात हमळीन फरीसी माणहु ने वारु नी लाग्यु, आहयी वात तने मालम से हु?
- 13 ईसु चेला ने केदो, जे रोपो मारो हरग वाळो बाह नी चोप्यो, तीने उखडीन नाख देहे ।
- 14 *हीमने रेवा देवो; हीय्या आंदळानेत वाट देखाडे । कदीम एक आंदळो, बीजा आंदळा ने वाट देखाडे ता वेम जणा खाडा मे पड जहे ।
- 15 आहयी वात हमळीन पतरस केदो, आमने दाखला ने हमजाइ दे ।
- 16 ईसु केदो, तमने हजु वी नी हमजायतु हु?
- 17 तमने आहयु नी मालम हय हु? के, जे खाणु मोडा मे हयन भराय, तीहयु पेट मे जत रेय, अने डील मे गेथु बारथु नीकळी जाय?
- 18 *पण जे मोडा मे गेथु नीकळे, तीहयु मन मे गेथु नीकळे, अने आहयुत माणहु ने वीटाळ देय ।
- 19 काहाके गलत वीच्यार, हत्या, बीजी बयर ने राखवा, छीनाळ, चोरी, झुटी गवाय देवा, वाक काडवा ना आहया आखा वीच्यारु माणहु ना मन मे गेथात नीकळे ।
- 20 आहयात माणहु ने वीटाळ देय । पण हाथ धोया वगर खाणु खावा सी माणेह नी वीटळे ।

Matthew 7:24-30

- 21 ईसु तां गेथो नीकळीन सुर अने सेदा परगणा भणी चाल पड्यो ।

22 तीहया परगणा नी कनानी जाती नी एक बयर आयी अने आडी-आडीन केवा बाज जी, “ए मालीक! दावुद नी अवल्यात! मारी पोर गीण कर। मारी सोरी ने भुत घण-जबर वेला पाड र्यो।”

23 पण ईसु तीने कंय नी केदो। अने ईसु ना चेला ईसुनां आवीन वीन्ती कर्या, हीनी वात मानीन हीने वळाय दे, काहाके हीय्यी आडती-आडती अमारी पसळ आय री।

24 पण ईसु केदो, भगवान मने ईस्रायली जाती ना माणहुन तां एतरोत मोकलो से, जे खोवायला गाडरान तेम से, अने भगवान गोथा सेटा ह्य जेला से।

25 पण तीहयी बयर आवीन ईसु ना पोगे पड्डीन तीने केदी, “ए मालीक! मारी मदत कर।”

26 पण ईसु दाखलो कीन तीने जपाप आप्यो, सोरा पांह गोथो रोट्लो हापकीन कुतरा अगळ नाखवा वारु नी ह्य।

27 तीहयी केदी, होव, मालीक! पण ते बी मालीक नी थाळी मे गेथु टेबल पोर गेथु हेट्ट पड्लु खाणु ते कुतरा खाय लेय।

28 तीनी वात हमळीन ईसु केदो, “ओ बयर! तारो भरहो घणो मोटो से, तारी मरजी पुरी ह्ये।” अने तेतरी घडी तीनी बेटी वारु ह्य जी।

????? ?????? ?? ???? ???

29 ईसु तां गोथो जत र्यो, अने गलील जीला नी दर्या धेडे पुगीन एक बडा पोर चडीन वह ज्यो।

30 अने मेळान-मेळा माणहु तीनीनां आववा बाज ज्या। तीहया लंगडा, लुलला, आंदळा, गुंगा, अने ढेरत बीजी मंदवाड मे पडला माणहु ने ईसु ना पोगु अगळ हाते लावीन मेक देदा, अने ईसु तीमने आरगा करतो र्यो।

31 अने जतयार माणहु देख्या, गुंगा बोले, पांगळा वारु ह्ये, लंगडा चाले, अने आंदळा देखे, आहयु आखु देखीन माणहु चकराय ज्या, अने तीहया ईस्रायली जाती ना भगवान ना गुण गाव्वा बाज ज्या।

??? ?????? ???? ?????? ?? ???? ???????

(????? 8:1-10)

32 ततयार ईसु आहफा ना चेला ने हाते बोलावीन केदो, मने आहया माणहु पोर गीण आवे। आहया तीन दाडा ना मारी भेळता री र्या, अने ईमनी पांह खावा जुगु कंय बी नी ह्य। मे ईमने भुकला नी वळाव्वा हींडतो। कदी आहया थाक जहे अने वाट्येत थाकीन पड जहे।

33 चेला तीने केदा, आहयी उजाडी जागा मे आहया माणहु ने खवाडवा करीन एतरा ढेरका रोट्ला कां गोथा लावया?

34 ईसु तीमने पुछ्यो, “तमारी पांह केतरा रोट्ला से?” तीहया केदा, “हात रोट्ला अने थोडाक झीन्ला माछला।”

35 अने माणहु ने भोयमे बहाड देवो, करीन ईसु चेला ने हुकम आप्यो।

36 अने तीहयो हात रोट्ला, अने माछला हात मे लीन रोट्ला अने माछला जुगु भगवान ने तु घणो वारु से केदो, अने तीहयो माछला अने रोट्ला भांगी-भांगीन चेला ने आपतो ज्यो, अने चेला माणहु ने आप्ता ज्या।

37 आखा खायलीन आफरी ज्या अने चेला बचला टुकडा सी हात चार्या भरीन चुट्या।

38 खाणु खावा वाळा मे बयरा-सोरा ने सोडीन च्यार हजार अदमडा हता।

39 ईसु माणहु ने वळाय देदो, अने तीहयो दुंड्या मे बहीन मगदन परगणा मे पुग्यो।

????? ?????? ?????? ?? ???? ???

(????? 8:11-13; ????? 12:54-56)

1 *फरीसी पंथवाळा अने सदुकी पंथवाळा ईसुनूतां आया, अने तीने पारखवा करीन तीहया हरग मे गेथी कानी सेलाणी देखाडु।

2 पण ईसु केदो, “हांती टेमे तमु केवो, सीजन वारु रेहे, काहाके हरग रातु से।

3 अने ह्वारे तमु केवो, ‘आज आंजी आवहे काहाके हरग मे रातुलु वादळु सवायलु से, कदीम तमु हरग नी सेलाणी देखीन आहयु जाण लेवो के हु हयवा वाळु से, ता तमु आहया दाडा मे हय रेली सेलाणी काहा नी ओळखो?

4 *आहयी पीडी ना कुहरया अने छीनाळ्या माणहु एक सेलाणी मांग रया, पण आमने धरमी योना नी सेलाणी वगर कानी बी सेलाणी नी जडे। आहयी वात कीदीन ईसु तीमने सोडीन जत रयो।”

Matthew 8:14-21

(Matthew 8:14-21)

5 दरया नी हेली धेडे जवा नी टेमे चेला रोदलो लेवा भुल जेला हता।

6 *पण ईसु तीमने हुकम आपीन केदो, चेतीन रेवो! अने फरीसी माणहु अने सदुकी माणहु ना खमीर सी बचीन रेवो।

7 ता तीहया-तीहयात केवा बाज ज्या, आपणु रोदला नी लाया, एतरे आहयो ईसम केय।

8 ईसु तीमना वीच्यार जाणीन तीमने केदो, “ए कम भरह्या! तमु आहयु काहा वीच्यार कर रया, के ‘आपणु रोदला नी लाया, एतरे आहयो आसम केय?’”

9 *तमु हजु लग नी हमज्या हु? मे तीहया पांच हजार माणहु ने पांच रोदला ढेरका करीन आफरीन खवाड्यो तीहयु तमने मालम नी हय हु? अने तीहयी टेमे तमु केतरा चार्या टुकडा चुटीन भरला?

10 *मे तीहया च्यार हजार माणहु ने हात रोदला वदाडीन, आफरीन खवाड्यो, ता तमु तीहयी टेमे केतरा चार्या टुकडा चुटीन भरला?

11 तमु काहा नी हमजता के मे तमने रोदला ना बारा मे आहयु नी केदो, पण मे ते फरीसी माणहु अने सदुकी माणहु ना खमीर गेथा चेतीन रेजो करीन केदलो?

12 ता चेला हमजी ज्या के ईसु रोदला ना खमीर गेथा नी, बाखीन फरीसी माणहु ना अने सदुकी नी हीकापण गेथा चेतीन रेवा करीन हुकम आपीन केदलो हतो।

Matthew 8:27-30; Matthew 9:18-21

(Matthew 8:27-30; Matthew 9:18-21)

13 ईसु केसर्या फीलीपुस हेर मे आहफा ना चेला ने पुछ्यो, माणहु मनख्या ना सोरा ने हु केय?

14 *तीहया केदा, “थोडाक माणहु केय, ‘बपतीस्मा आपण्यो युहन्नो से, थोडाक माणहु केय एलीया से, अने थोडाक माणहु केय, यीरम्या से नीता ता भगवान वगे गेथो केवा वाळा काना माणहु मायन कानो एक से।”

15 आहयु हमळीन ईसु केदो, पण तमारा वीच्यार सी मे कोय से? केवो?

16 *सीमोन पतरस केदो, तु मसी से, तु जीवतो रेण्या भगवान नो सोरो से।

17 ता ईसु सीमोन ने केदो, ए सीमोन, योना ना सोरा! तु जुगाळो से, काहाके आहयी वात डील अने लोय मे रेण्यो कानो माणह नी, बाखीन मारो हरग वाळो बाह तारी पोर उजन्ती करलो से।

18 एतरे मे बी तने केम, “तु पतरस से, अने मे आहया दगडा पोर मारी मंडळी बणावही अने पताळ नो झापला ने आनी अगळ टेकाये नी।”

19 *मे तने हरग राज ना कुचया आपही। अने तु धरती पोर जे कंय बांदही, तीहयु हरग मे बी बंदाय जहे; अने जे कंय धरती पोर उगाडहे तीहयु हरग मे बी उगडी जहे।

20 तत्त्यार ईसु आहफा ना चेला ने हुकम आप्यो के तमु कोयने बी नी केजो के हीय्यो मसी से।

॥२२॥ ॥२३॥ ॥२४॥ ॥२५॥ ॥२६॥ ॥२७॥ ॥२८॥ ॥२९॥ ॥३०॥ ॥३१॥ ॥३२॥ ॥३३॥ ॥३४॥ ॥३५॥ ॥३६॥ ॥३७॥ ॥३८॥ ॥३९॥ ॥४०॥

(॥२२॥ 8:31-9:1; ॥२३॥ 9:22-27)

21 तीहयी टेमे गेथो ईसु आह्फा ना चेला ने आहयु हमजाइवा बाज ज्यो के मने यरुसलेम जवा नु से; तां डायला पुडारी, अने भगवान ना डायला पुंजारा, अने युहदी धरम हीकाइन्या मने वेला पाइहे अने मने मार नाख्हे । पण मे तीसरा दाइे पासो जीवतो ह्य जही ।

22 पतरस ईसु ने आंग्ये ली ज्यो अने तीने आहयु कीन वड्यो, ए मालीक! तारी हाते भगवान आसम नी करे तारी पोर आसम कदी नी ह्ये ।

23 पण ईसु पासो वळीन पतरस ने केदो, ए भुतइ! मारीन्तां गेथो सेटो जत रे! तु मारी वाट्ये अइचन बण र्यो । काहाके तु भगवान नी वात पोर नी, पण माणहु नी वात पोर मन लगाडे,

॥२४॥ ॥२५॥ ॥२६॥ ॥२७॥ ॥२८॥ ॥२९॥ ॥३०॥ ॥३१॥ ॥३२॥ ॥३३॥ ॥३४॥ ॥३५॥ ॥३६॥ ॥३७॥ ॥३८॥ ॥३९॥ ॥४०॥

24 *अळतेण ईसु आह्फा ना चेला ने केदो, जे कोय मारी पसळ आव्वा हींडे, तीहयो आह्फा ने वीहरी जवा जोवे, अने आह्फा नु कुरुस उचलीन मारी पसळ आवे ।

25 *काहाके जे आह्फा ने बचाइहे तीहयो आह्फा ने खोय देहे अने जे कोय मारी जुगु, आह्फा नो जीव खोय देहे, तीहयो तीने बचाइहे ।

26 कदीम माणेह आखी कळजुग ने हात कर लेय अने आह्फा नो जीव खोय देय तीहयु हु काम नु? तीहयो आह्फा नो जीव बचाइवा करीन आह्फा ना जीव नी अवजी पोर हु आप्हे?

27 *काहाके मनख्यान बेटो आह्फा ना हरगदुत नी हाते आह्फा ना बाह नी बड्यय भेळ आवहे, अने तीहयो आखा माणहु ने तीमना काम ना अनसारे फोळ आप्हे ।

28 मे तने हाचलीन केम, आज्ञे हारीक थोडाक आसवा माणहु वी हजुर से । जे तत्त्यार लग नी मरे जत्त्यार लग मनख्यान बेटा ने तीना राज मे आवतलो नी देख लेय ।

17

॥२१॥ ॥२२॥ ॥२३॥ ॥२४॥ ॥२५॥ ॥२६॥ ॥२७॥ ॥२८॥ ॥२९॥ ॥३०॥ ॥३१॥ ॥३२॥ ॥३३॥ ॥३४॥ ॥३५॥ ॥३६॥ ॥३७॥ ॥३८॥ ॥३९॥ ॥४०॥

(॥२१॥ 9:2-13; ॥२२॥ 9:28-36)

1 छोव दाइा ह्य ज्या अने अळतेण ईसु, पतरस, याकुब अने तीना भाय युहन्ना ने तीनी हाते हुनकार जागा मे उचला बडा पोर ली ज्यो ।

2 अने तां तीमनी अगळेत ईसु नो सीको बदली ज्यो । अने तीनु मोडु दाडुन तेम पपलवा बाज ज्यु, अने तीना लुगडा वीजाळान तेम उजळा ह्य ज्या ।

3 तीहयीत टेमे ईसु ना चेला ने मुसो अने एलीया तीनी हाते वात करत्ला देखाव पड्या ।

4 ता पतरस ईसु ने केदो, मालीक! आंया रेवा आपणी जुगु वारु से! तारी मरजी ह्य ता मे आज्ञे तीन तम्बु बणाय देम, एक तारी जुगु एक मुसा जुगु अने एक एलीया जुगु ।

5 *तीहयो केवात बाज र्यो हतो तीहयीत टेमे पपलतलु वादळु आवीन तीमने ढाक लेदु अने हरग मे गेथी आसम अवाज आवी, आहयोत मारो मोंगाळ्ळो सोरो से । मे आनी पोर घणो खुस से, आनीत वात हमळो!

6 आहयी वात हमळीन चेला मोडा ना भरहे पड ज्या, अने जबर वीही ज्या ।

7 ता ईसु तीमनी हाते आवीन तीमने छीम्यो अने केदो, “उठो, बीहो ना ।”

8 जत्त्यार तीहया उचु भाळ्या, ता ईसु ने सोडीन तीमने कोय नी देखाव पड्यु ।

9 अने जत्त्यार ईसु बडे गेथो उतरवा बाज र्यो हतो, ता तीमने हुकम आपीन आहयु केदो, जत्त्यार लग मनख्या नो सोरो मर्या-ह्र्या मे गेथो जीवतो नी ह्ये, तत्त्यार लग जे कंय तमु आज्ञे देखला से, तीहयु कोयने नी केजो ।

10 एतरे तीना चेला ईसु ने पुछ्या, चोखली सास्तर हीकाङ्ग्या आहयु काहा केय के पेले एलीया नु आवणु टकायलु से?

11 ता ईसु केदो, एलीया हाचलीन आखु कंय हुदार करवा आवहे।

12 पण मे तमने की देम, के एलीया आय लागलो से। पण माणहु तीनी हाते जेम गम्यु तेवो वेहवार कर्या। तेमेत मनख्या नो सोरो बी तीमना हाते दुख झेलहे।

13 ता चेला आहयु हमज्या के ईसु तीमने वपतीस्मा आपण्या युहन्ना ना बारा मे केदो।

9:14-29; 9:37-43

14 अने जत्तार ईसु माणहु ना मेळान तां पुग्यो, ता एक माणेह ईसुनतां आयो, अने ईसु अगळ मांडा टेकीन केदो,

15 “मालीक! मारा सोरा पोर गीण कर। हीने फेरु आया करे। हीय्यो घण-जबर वेला कर्या करे; अने वळ-वळीन आकटु मे अने पाणी मे पड जाय।

16 मे हीने तारा चेलानतां लावलो, पण तीहया हीने आरगु नी कर सक्या।”

17 ईसु केदो, वण-भरहया अने टीनाळ्ळी पीडी ना माणहु! कारु लग तमारी हाते रेही अने मे तमने कां लग वेठतो रेम? हीयया सोरा ने मारीनतां ली आवो।

18 ईसु ते भुत ने वड्यो, अने तीहयो भुत तीना सोरा मे गेथो नकळी ज्यो। अने तीहयु सोरु तेत्ती घडी आरगु हय ज्यु।

19 अळतेण चेला एखलात ईसुनतां आवीन पुछ्या, अमारी सी भुत काहा नी नीकळ्यो?

20 ईसु तीमने केदो, तमारी पांह भरहो कमतो से; एतरे तमारी सी भुत नी नीकळ्यो। मे तमने हाचलीन केम, कदी तमारो भरहो राय ना दाणा बराबर बी हतो, ता तमु आहया बडा ने बी केता के आजे गेथो हरकीन सेटो हय जा, ता आहयो बडो बी हरकीन सेटो हय जतो; अने तमारी जुगु कंय बी नी हय सके ईसम नी रेतु

21 पण आवा भुत वीनती अने उपाह कर्या वगर नी नीकळे।

9:30-32; 9:43-45

22 जत्तार तीहया भेळा हयन गलील जीला मे आया, ता ईसु आहफा ना चेला ने केदो, मनख्यान बेटो माणहु ना हात मे धोका सी धरायवा वाळो से।

23 तीहयो तीने मार नाखहे, पण तीहयो तीसरा दाडे जीवतो हय जहे। आहयु हमळीन चेला घणा दुखी हय ज्या।

9:30-32; 9:43-45

24 जत्तार तीहया कफरनहुम हेर मे आया, ता मंदीर नो फाळो लेवा वाळा पतरस ने तां आवीन पुछ्या, “हु तमारो मास्तर मंदीर नो फाळो नी आपे?”

25 पतरस केदो, “होव, आपतलो।” जत्तार पतरस घोर आयो, ता ईसु तीने पुछते-पुछते पेलेत तीने केदो, “ए सीमोन! तु हु हमजे? आहयी कळी ना राजा कोय पांह फाळो अने करजो लेय? आहफा ना सोरा पांह के बीजा पांह?”

26 पतरस केदो, पारका माणहु पांह, तत्तार ईसु तीने केदो, ता ते बेटा ने फाळो आपवा नी पडे।

27 पण ते बी आपणु हीयया माणहु ने टोकर नी खवाड्या, एतरे तु दर्या धेडे जायन गळी नाख, अने जे माछली गळी ना काटा मे पेले वळगहे तीने धर लेजे, अने तीनु मोडु उगाडजे, ता तीनी मे तने एक सीक्को जडहे। अने तीहया सीक्का ने लावीन मारी जुगु अने तमारी जुगु फाळो भर देजे।

18

॥॥॥॥ ॥॥॥ ॥॥ ॥॥॥॥ ॥॥॥?

(॥॥॥॥ 9:33-37; ॥॥॥॥ 9:46-48)

- 1 *तीहयी टेमे चेला ईसुनतां आवीन पुच्छ्या, हरग राज मे आखा सी मोट्टु कोय से?
- 2 ईसु एक नान्लु सोरु ने बोलायो अने तीने तीमनी वच मे उवो कर्यो,
- 3 *अने केदो, मे तमने हाचलीन केम, कदी तमु नी फीरो अने सोरान तेम नी बणो, तां तक हरग राज मे नी भराय सके।
- 4 एतरे जे कोय बी आहफा ने आहयु नान्लु सोरुन तेम नीचळो बणावहे, तीहयो हरग राज मे आखा करते मोटो रेहे।
- 5 अने जे कोय बी मारा नामे आवु नान्लु सोरु नो आव-भाव करे तीहयो मारोत आव-भाव करे।

॥॥॥ ॥॥॥॥॥॥ ॥॥॥ ॥॥ ॥॥॥

(॥॥॥॥ 9:42-48; ॥॥॥॥ 17:1-2)

- 6 जे कोय मारी पोर भरहो करवा वाळा आहया नान्ला मेना एक जुगु बी पाप नो जपाप बणे, तीनी जुगु आहयुत वारु से के तीना गळा मे घट्टी नो मोट्टलो पोड बांदीन दर्या मे नाख देवा जोवे।
- 7 आहयी कळी ना माणहु जुगु घणी दुख नी वात से, जे भगवान ना माणहु ने पाप मे पाडवा नो जपाप बणे। पाप मे पडवा नी पारख ते आया करहे, पण तीहया माणेह जुगु बी घणी दुख नी वात से, जे बीजा जुगु पाप नो जपाप बणे।
- 8 *कदीम तमारो हात नीता तमारो पोग तमारी जुगु पाप नो जपाप बणे! ता तीने तोडीन नाख देवो। वारु आहयुत से के तमु लुल्ला नीता लंगडा हयन बी अमरकाय अने जलमकी जीवाय हात कर लेवो, नीता कंखर मायन आसम नी हय जाय के बेम हात अने बेम पोग रीन बी, तमु नी ओलायवा वाळी आकटी मे नखाय जावो।
- 9 *अने कदीम तमारो डोळो तमारी जुगु पाप नो टोकर बणे, ता तीने काडीन नाख देवो। वारु ते आहयुत से के तमु काणया हयन बी, अमरकाय जीवाय हात कर लेवो, नीता कंखर मायन आसम नी हय जाय के तमारा बेम डोळा हयन बी, तमु नरक-आकटी मे नखाय जावो।

॥॥॥॥॥ ॥॥॥॥

(॥॥॥ 15:3-7)

- 10 *चेतीन रेवो! जे मारी पोर भरहो करे, तीमनी मे जे नान्ला से, तीमने बी तमु हेटा नी ह्मज्जो। काहाके मे तमने देखाडु के हरग मे आमना हरगदुत आमनी जुगु मारा बाह नी अगळ वीन्ती करवा नी लेदे हमेसा हजुर रेय।
- 11 मनख्या नो सोरो खोवाय जेला से, तीमने होदवा करीन आवलो से।
- 12 तमारो हु वीच्यार से? मान लेवो कदीम कोयना एक होव गाडरा हय, अने तीमनी मेनु एक खोवाय जाय, ता तीहयो एक कम होव गाडरा ने बडी पोर रेवा दीन, तीहयु खोवायलु गाडरु ने होदवा नी जाय हु?
- 13 अने कदीम तीहयु जड जाय ता मे हाचलीन केम, के तीहयो तीहया एक कम होव गाडरान करते एतरो खुस नी हये, जेतरो खुस आहया जडलु गाडरुन करता हयहे।
- 14 आसमेत तमारा हरग वाळा बाह नी आहयी मरजी से के तीनी पोर भरहो करे तीमनी नान्ला मे गेथो एक बी भगवान गेथो सेटो हयवा नी जोवे।

॥॥॥॥॥ ॥॥ ॥॥॥ ॥॥॥

- 15 *कदीम तारो भाय तारा वीरोद मे पाप करे, ता तीने एखलो ली जायन ईसम पाप नी करवा जोवे, करीन ह्मजाड देवो, अने कदीम तीहयो तमारी वात मानीन भगवान वगे वळ जाय, ता तमु तमारा भाय ने बचाड लेदा केवाये।

16 कदीम तीहयो तमारी वात नी माने, ता अळी एक नीता बे जणा ने हाते ली जावो, काहाके बे नीता तीन गवा नी लारे तीहयी आखी वात पुरी हय जाय ।

17 कदीम तीहयो तीमनी बी नी हूमळे, ता मंडळी ने की देवो, अने कदीम तीहयो मंडळी नी बी नी हूमळे, ता तीने आडजात्या नी अने फाळो लेवा वाळान तेम हूमजो ।

॥२२२ २२२२ २२२ २२२ २२ २२२२॥

18 *मे तमने हाचलीन केम, तमु जे धरती पोर बांदहु तीहयी हरग मे बी बंदायहे, अने जे कय धरती पोर छोडहु तीहयु हरग मे बी छुटहे ।

19 अळी मे तमने हाचलीन केम, कदीम धरती पोर तमारी मे बे जणा एक-मन्या हयून कय बी मांगहे, ता तीहयु तीमने मारा हरग वाळा बाह वगे गेथु जडहे;

20 काहाके जां बी बे जणा नीता तीन जणा मारा नाम सी भेळा हये, तां हारीक मे तीमनी वच मे हजुर रेम ।

॥२२२ २२ २२२२ २२२२ २२२२२२२२ २२ २२२२॥

21 *ता पतरस हाते आवीन ईसु ने केदो, मालीक! कदीम मारो भाय मारा वीरोद मे गुनो करतोत जाय, ता तीने मे केतरी कावा माफी आपु? हात कावा लग माफी आपु हु?

22 ईसु तीने केदो, “मे तने आहयु नी केतो, के हात काव पण हात कावा ना सत्तर गुणा तक ।”

23 एतरे हरगे नु राज तीहया राजा हरकु से, जे आहूफा ना पावर्या नो लेखो लेवा हींड्यो ।

24 जत्थार तीहयो लेखो लेवा बाज ज्यो, ता एक जणा ने तीनी अगळ लायो जे करोडो रुप्या नो करजा वाळो हतो ।

25 जत्थार तीनी पांह करजो छुटवा जुगु कय नी हतु, ता तीनो मालीक केदो, “आने अने आनी लाडी अने सोरा ने अने जे कय आनु से आखु वेच देवो, अने तीहयो करजो छुटे ।”

26 आहयु देखीन तीहयो पावर्यो पडिन तीने वांदयो, अने केदो, “ए मालीक, दम धर, मे आखु कय छुट देही ।

27 तत्थार तीहया पावर्या नो मालीक तीनी पोर गीण करीन तीने सोड देदो, अने तीनो करजो माफ कर देदो ।”

28 पण जत्थार तीहयो पावर्यो बारो नीकळ्यो, ता तीना हाती पावर्या मेनो एक तीने भेट्यो, जे तीनी पांह होव दीनार* करजो लेदलो हतो; तीहयो तीने धर लेदो अने गळु चमदीन केदो, “जे कय तु मारी पांह गेथो करजो लेदलो से तीहयो आप दे ।”

29 ता तीहयो पावर्यो तीना हाती पावर्या ना पोगु पडिन वीन्ती करवा बाज ज्यो; दम धर मे आखु भर देही ।

30 पण तीहयो पावर्यो नी मान्यो, अने तीने ली जायून जेल मे कुंड देदो; के तीहयो जत्थार तक करजो नी छुट जाय तांह तक तीहयो तांत रेय ।

31 तीना हाते वाळा बीजा पावर्या आहयु देखीन घणा नराज हय ज्या अने जायून हु-हु हयु तीहयु आखु तीमना मालीक ने देखाड देवा ।

32 तत्थार तीनो मालीक तीने बोलावीन केदो, “ए वेरी चाकर्या, तु जे मारी पांह वीन्ती कर्यो, ता मे ते तारो पुरो करजो माफ कर्यो ।”

33 एतरे जेम मे तारी पोर दया कर्यो, तेमेत हु तने तारा हाते वाळा पावर्या पोर दया नी करवा जोवे हु?

34 अने तीनो मालीक खीजवायून तीने डंड आपवा वाळा ना हात मे होप देदो, के जत्थार तक तीहयो आखो करजो छुटी नी जाय, तांह तक तीना हात मे रेय ।

* 18:18 मत्ती 16:19; युहन्ना 20:23 * 18:21 लुका 17:3,4 * 18:28 रोमी राज नी टेमे एक दीनार एक दाडा नी दाडकी बराबर हतो ।

35 “आह्यीत रीते कदीम तमारी मायून आखा आहूफा ना भाय ने मन सी माफ नी करे, ता मारो बाह जे हूरग मे से, तमारी हाते बी आसमेत करहे।”

19

ⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ

(ⓂⓂⓂⓂⓂ 10:1-12)

1 आह्यी वात कीदीन ईसु गलील जीला मे गेथो जत र्यो, अने यरदन नंदी ना हेली धेड़े युहदया देस मे पुग्यो।

2 एक घणो मोटो माणहु नो मेळो ईसु पसळ चाल पड्यो, अने ईसु माणहु ने आरगा कर्यो।

3 फरीसी दलवाळा ईसुनतां आया, अने तीनी पारख करता जायन, आह्यी वात पुछ्या, “काना बी कारण सी आहूफा नी लाडी ने सोडवा ताले से हु?”

4 ईसु केदो, “तमु चोखली सास्तर मे नी भण्या हु, भगवान सुरु गेथोत तीमने एक बयर अने एक अदमी करीन बणायो।

5 अने भगवान केदलो, के आहया कारण सी, अदमी आहूफा ना आय्ह-बाहा गेथो अलग ह्य जहे, अने तीनी लाडी हाते रहे, अने तीहया बे एक डील ह्य जहे।^{*}

6 एतरे हमणे गेथा तीहया बे नी, पण एक डील से: एतरे जीमने भगवान जोडलो से, तीमने माणहु अलग नी करवा जोवे।”

7 ^{*}तीहया ईसु ने पुछ्या, “ता मुसो हुका सोडवा नी चीट्टी आपीन लाडी ने सोडवा नो नेम आपलो?”

8 ईसु तीमने केदो, “तमारा मन नी ठटाय जाणीन मुसो तमारी जुगु लाडी सोडवा नो हुकम लीखीन आपयो। पण सुरु गेथोत ईसम नेम नी हतो।

9 ^{*}पण मे तमने केम, छीनाळु ने सोडीन काना बीजा बोना सी, जे आहूफा नी लाडी ने सोडे, अने कानी बीजा बयर हाते वेवा करे, तीहयो बी छीनाळु करे।”

10 चेला ईसु ने केदा, “कदीम अदमी नो बयर नी हाते मेळ एमेत से, ता वेवा नी करवा वारु से।”

11 ईसु तीमने केदो, “आखा आह्यु बोल आवरी नी सके। पण भगवान जीने दान आपलो से, तीहया एतरात वेवा कर्या वगर जीव्वा नी वात ने हमजी सके।

12 काहाके थोडाक माणहु ईसम से जे आय्ह नी कोख मे गेथात हीजडा जणायला से, अने थोडाक माणहु ईसम से, जीमने बीजा माणहु हीजडा बणाय देदला से। अने थोडाक माणहु ईसम से जे हूरग ना राज नी करता वेवा करे वगर जीव्वा करीन वात टाण लेदला से। ईमने वेवा करे वगर जीव्वा नी ताखत जडली से, तीमने सडलो रेवा जोवे।”

ⓂⓂⓂⓂ ⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂⓂ

(ⓂⓂⓂⓂⓂ 10:13-16; ⓂⓂⓂⓂⓂ 18:15-17)

13 तीहयो टेमे माणहु आहूफा-आहूफाम ना सोरा-सोरी ने ईसुनतां आनीन करते लाया के तीहयो तीमनी पोर हात मेलीन वीन्ती करे करीन, पण सोरा ने हु करवा लाय र्या करीन तीना चेला माणहु ने वड्या।

14 बाखीन ईसु केदो, “सोरा ने मारीनतां आव्वा देवो, अने हीमने ना रोको, काहाके हूरग नु राज हीमनी हारका नु से।”

15 अने तीहयो सोरा पोर हात मेकीन तीमने संयबरकत आप्यो अने तां गेथो जत र्यो।

ⓂⓂⓂⓂⓂⓂ ⓂⓂⓂⓂⓂ

(ⓂⓂⓂⓂⓂ 10:17-31; ⓂⓂⓂⓂⓂ 18:18-30)

16 एक जणो ईसुनतां आवीन केदो, “ए मास्तर! अमरकाय जीवाय हात करवा करीन मे कानु भलु काम करु?”

17 ईसु तीमने केदो, “तु मने भलाय ना बारा मे काहा पुछे? भलो ते एकीत से, जे भलाय करे। कदीम तु जीवाय हात करवा केय ता हुकम मान।”

18 तीहयो ईसु ने पुछ्यो, “काना हुकम पाळु?” ईसु केदो, “हत्या नी करजे; छीनाळु नी करजे, चोरी नी करजे, झुटी गवाय नी देजे।

19 “आह्फा ना आय्ह-बाहा नी ईज्जत करजे” अने “जेम तु आह्फा ने मोंग करे तेमेत तारा हाते वाळा ने बी मोंग करजे।”

20 तीहयो जुवान्यो ईसु ने केदो, “मे आहया आखा हुकम ने पाळलो से। मारी मे अळी कानी वात नी कसर से?”

21 ईसु तीहया जुवान्या ने केदो, “कदीम तने पुरो पक्को बणवा हय ता, जा! तारु आखु धन वेचीन गरीब ने आप दे, अने हरग मे तने मेललु धन जइहे। अने अळतेण आवीन मारी पसळ चाल।”

22 आहयु ह्मळीन तीहयो जुवान्यो घणो होहवाय्न जत र्यो, काहाके तीहयो घणो मालदार हतो।

23 ता ईसु आह्फा ना चेला ने केदो, “मे तमने हाचलीन केम, मालदार जुगु हरग राज मे भरायवा काटु से।”

24 मे अळी केम “के होय ना डुचा मे हय्न उटडा ने सरकवा नु सरल से, बाखीन मालदार ने भगवान ना राज मे भरायवा घणु काटु से।”

25 आहयु ह्मळीन चेला घणा वहराय ज्या अने केदा, “ता कोयने छुटकारो जइहे?”

26 ईसु तीमनी भणी भाळीन केदो, “माणहु जुगु ते आहयु, नी बणे एवु से। पण भगवान जुगु आखु कय बण जाय।”

27 ता पतरस ईसु ने केदो, “देख, आमु अमारु आखु कय सोडीन तारा चेला बण जेला से। ता, आमने हु जइहे?”

28 ईसु आह्फा ना चेला ने केदो, “मे तमने हाचलीन केम, के नवली कळी मे ज्त्यार मनख्या नो सोरो पासो आवीन आह्फा नी बडाय सी भराय्न राजगादी पोर बठहे, ता तमु बी बारे राजगादी पोर बहीन ईस्रायल ना बारे कुळी नो नीयाव करहु, काहाके तमु मारी वात मानीन, मारी पसळ चालवा बाज रया।”

29 अने जे मारा नाम ना लेदे आह्फा ना घोर ने नीता आह्फा ना सग्गा भाय ने अने बेनेह ने अने आय्ह-बाहा ने सोरा-सोरी ने, नीता खेतर वाडी मारा नाम नी करते सोड देदलो से, तीहयो होव गुणा हात करहे, अने तीहयो अमरकाय जीवाय नो हकदार्यो हय जहे।

30 पण घण ढेरका माणहु जे पेला से तीहया पाछला हय जहे, अने जे पाछला से तीहया पेलना हय जहे।

20



1 हरग नु राज तीहया घोर ना मालीक हरकु से, जे आह्फा नी अंगुर नी वाडी मे दाडक्या लगाइवा करीन ह्वारे नीकळ्यो।

2 तीहयो दाडक्या हाते एक दाडा नी दाडकी एक चांदी नो सीक्को ठेरायो अने तीमने अंगुर नी वाडी मे मोकल्यो।

3 दाडा नी नवेक बजे वारो नीकळ्यो, अने तीहयो हाट मे ढेरत माणहु ने रीकामा उवा हय रेला देखीन,

4 तीमने केदो, “तमु बी मारी अंगुर नी वाडी मे जावो, मे तमने तालेत दाडकी आपही।”

5 अने तीहया बी वाडी मे काम करवा करीन जत रया। अळी माथे दाडे अने मांजणीक दाडे बी तीहयो एमेत दाडक्या होदवा करीन ज्यो।

6 अने तीहयो दाहडु बुडवा सी एक घंटो पेले अळी तीहयो बारो नीकळीन ज्यो अने अळी तां बीजा ने उवा ह्य रेला देखीन तीमने केदो, “तमु आज्ञे हारीक आखो दाडो रीकामा काहा उवा ह्य र्या?”

7 तीहया तीने केदा, “आमने कोय नी दाडक्या लगाड्या करीन आमु आज्ञे हारीक उवा ह्य र्या ।” तीहयो तीमने केदो, “तमु बी मारी अंगुर नी वाडी मे काम करवा जावो ।”

8 हांती टेमे अंगुर नी वाडी नो मालीक आहूफा ना मुनीम ने केदो, “दाडक्या ने बोलाव” अळतेण पसळ वाळा ने लीन, पेले आव्वा वाळा तक, आखा ने दाडकी आप दे ।

9 जत्थार तीहया दाडक्या आया, जे एक घंटो दाडु बुडवा मे री रेलुन लगाडला, ता तीमने एक-एक दीनार आप्यो ।

10 जत्थार जे पेले दाडक्या आवला ता तीहया हूमजी र्या हता, के आमने वदु जडहे; बाखीन तीमने बी एक-एक दीनार आप्या ।

11 जत्थार तीहया ली लेदा, ता लीन तीहया आह्यु केता जायन मालीक नी वीरोद करवा बाज ज्या ।

12 तीहया केदा, “आहया पाछला दाडक्या एक घंटो काम कर्या । ते बी तु अमारी बराबर दाडकी आप्यो, पण आमु आखो दाडो तोप मे काठी मेहनत कर्या ।”

13 तीहयो तीमनी मेना एक ने आह्यु केदो, “भाय! मे तमारी हाते गलत नीयाव नी करतो, तमु मारी हाते एक दाडो दीनार नी बोली नी कर्या हु?”

14 तारी दाडकी ले अने जत रे, मे आहया पाछला दाडक्या ने बी तारीन तेतरु आपवा हीडु ।

15 हु आह्यु वारु नी ह्य के मारा धन ने मारी मरजी सी वापरु? तमु मारी भलाय ने देखीन मारी पोर काहा कुहराय र्या?

16 *आह्योत रीते जे पसळ से, तीहया अगळ ह्य जहे, अने जे अगळ से, तीहया पसळ ह्य जहे ।”

[\[10:32-34\]](#); [\[18:31-34\]](#)

17 ईसु यरुसलेम नी वाट्ये अगो जवा बाज र्यो हतो । ता बारे चेला ने अगळ ली जायन तीहयो चालतो-चालतो तीमने केदो,

18 “देखो, आपणु यरुसलेम जवा बाज र्या । मनख्या नो सोरो डायला पुंजारा ना अने चोखली सास्तर हीकाडन्या ना हात मे धराय देहे । तीहया तीने मारवा नी सजा हूमळावहे,

19 अने आडजात्या माणहु ना हात मे होप देहे, जीनी सी तीहया माणहु तीनी हाही उडाडहे, अने तीने चापका देहे अने कुरुस पोर चडावहे; बाखीन तीसरा दाडे तीहयो जीवतो ह्य जहे ।”

[\[10:35-45\]](#)

20 जत्थार जबदी ना सोराम नी आयह आहूफा ना सोराम नी हाते ईसुनतां आवीन वांदी अने तीनी पांह कंय मांगवा बाज जी ।

21 ईसु तीने हुकम आपीन केदो, “हु जोवे?” तीहयी केदी, “आहया मारा वे सोरा से । तु कीदे, के तारा राज मे एक तारी जमणी धेडे अने एक तारी डखरी धेडे बहे ।”

22 ईसु जपाप आप्यो, “तमु नी जाणतां के तमु हु मांगवा बाज र्या । जे दुख नो पीयालो मे पीवा वाळा से, तीहयो दुख नो पीयालो तमु पी लेहु हु?” तीहया केदा, “होव मालीक ।”

23 एतरा मे ईसु तीमने केदो, “हाचलीन तमु तीहयो दुख नो पीयालो ते पी लेहु, पण तमने मारी जमणी धेडे, नीता डखरी धेडे बहाडवा नो हक मारी पांह नी ह्य, मारी जमणी धेडे अने डखरी होड नो जागो, तीहया माणहु जुगु से, जीमनी वादु मार बाह तीयार करलो से ।”

24 जत्थार दहू चेला आहयी वात हूमळ्या, ता तीहया बेम भाय पोर रीहवाय ज्या ।

25 *ईसु आहूफा ना चेला ने हाते बोलावीन केदो, “तमु जाणो के आखा देस ना माणहु पोर राज

करन्या मुख्या, आहूफा ना असामी पोर राज करे, अने तीहया हक राखवा वाळा पोर अळी बीजा मोट्ला माणहु हक जमाडे ।

26 *पण तमारी मे आवा हक नो कायदो नी रेवा जोवे । जे तमारी मे मोटो बणवा हीडे तीहयो तमारो पावरयो बणवा जोवे ।

27 अने तमारी मे डायलो बणवा हीडे, तीहयो तमारो पावरयो बणवा जोवे ।

28 काहाके मनख्या नो सोरो बी आहूफा नी चाकरी कराव्वा करीन नी, बाखीन चाकरी करवा करीन अने ढेरत जणा ने सोडाव्वा करीन आहूफा नो जीव आपवा आवलो से ।”

(***** 10:46-52; ***** 18:35-43)

29 जत्तयार तीहया यरीहो हेर गेथा जवा बाज र्या हता, ता एक मोटलो माणहु नो मेळो ईसु पसळ-पसळ चाल पड्यो ।

30 अने तां हारीक रोहा धेडे वे आंदळा बह र्या हता । जत्तयार तीहया आहयु हमळ्या के ईसु तीमनी अगळ मायन जवा बाज र्यो, ता तीहया आडी-आडीन केवा बाज ज्या, “ए मालीक! दावुद नी अवल्यात! अमारी पोर गीण कर ।”

31 माणहु तीहया आंदळा ने होगारि जावो करीन वड्या, पण तीहया अळी बी ज्योरेत आडीन केदा, “मालीक! दावुद नी अवल्यात! अमारी पोर गीण कर ।”

32 ईसु उबो रीन तीमने बोलायो अने केदो, “तमने हु जोवे? मे तमारी जुगु हु करु?”

33 तीहया केदा, “ए मालीक! आहयु के आमु देखवा बाज जीया ।”

34 ईसु गीण करीन तीमना डोळा छीम्यो, अने तेतरी घडी तीहया देखवा बाज ज्या, अने तीहया ईसु पसळ चाल पड्या ।

21

(***** 11:1-11; ***** 19:18-40; ***** 12:12-19)

1 जत्तयार ईसु अने तीना चेला यरुसलेम नी हाते पुग्या अने जेतुन बडा पोर वाळा वेतफगे गाम आय लाग्या, ता ईसु वे चेला ने आहयु कीन मोकल्यो,

2 “तमु अगळ ना गाम मे जावो । तां पुगतेत तमने एक गदडी बांदली अने तीनी हाते पाठडु गदडु बी देखाव पडहे । तीने सोडीन मारीन्तां ली आवो ।

3 कदीम कोय तमने कंय केय, ता तीने तमु आहयु की देजो, ‘मालीक ने आहया जोय र्या ।’ अने तीहयो आमने छोटोत पासो ली मोकलहे ।”

4 आहयु आनीन करते ईसम हयु के भगवान भणी गेथो केण्या नु आहयु केवा नु पुरु हय जाय:

5 “सीयोन हेर मे रेवा वाळा माणहु ने केवो, देख, तारो राजा तारीन्तां आव्वा बाज र्यो; तीहयो नीचळो से, तीहयो गदडु पोर बह र्यो; हाव, गदडु नु बच्चु पोर बह र्यो ।”

6 चेला जायन जेम ईसु तीमने केदो तेम ने तेम कर्या ।

7 गदडु ने अने तीनु बच्चु ने ली आया, अने तीहया तीहयु गदडु ने आहूफा ना लुगडा ओडाड देदा, अने ईसु तीनी पोर बहीन ज्यो ।

8 अने घणा ढेरका माणहु ईसु नो आव-भाव करवा करीन आहूफा ना लुगडा वाट पोर आथरी देदा । अने थोडाक माणहु झाड ना डाळ्या वाडीन वाट पोर आथरी देदा ।

9 ईसु नी अगळ-अगळ जता जीन अने पसळ-पसळ आवता जीन माणहु ईसम की र्या हता, “दावुद नी अवल्यात ने होसन्ना! बरकत वाळो से तीहयो, जे भगवान मालीक ना नाम सी आवे । आखा मे उचा हरग मे रेवा वाळा नी होसन्ना!”

10 जत्तयार ईसु यरुसलेम मे आयो, ता आखा हेर मे हुलड मच जी, अने माणहु केवा बाज ज्या, “आहयो कोय से?”

11 अने माणहु केता हता, “आहयो गलील जीला नो नासरत हेर वाळो भगवान वगे गेथी वात केण्यो माणेह ईसु से!”

ⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ
(ⓂⓂⓂⓂⓂ 11:15-19; ⓂⓂⓂⓂⓂ 19:45-48; ⓂⓂⓂⓂⓂⓂⓂ 2:13-22)

12 ईसु मंदीर मे मोय ज्यो अने तां गेथा आखा वेचवा वाळा अने लेवा वाळा ने बारथा काड देदो। तीहयो पय्हा ना अदला-बदली करन्या ना टेबल्या ने अने पारवा वेचवा ना पाटला ने उथलाय देदो।

13 अने तीमने केदो, “खरली सास्तर मे लीखलु से, मारु घोर वीन्ती नु घोर केवायहे, पण तमु ईने चोट्टा नु घोर वणाय र्या।” ✧

14 मंदीर मे आंदळा अने लंगडा ईसुनतां आया, अने तीहयो तीमने आरगा कर्यो।

15 जत्तयार भगवान ना डायला पुजारा अने चोखली सास्तर हीकाडन्या मास्तर्या ईसु ना भारी जुदा-काम देख्या, अने सोरा ने मंदीर मे आहयु केतला हमळ्या, “दावुद नी अवल्यात ने होसन्ना!” ता तीहया रीहवाय ज्या।

16 अने तीहया ईसु ने केदा, “आहया हु केवा बाज र्या तीहयु तु हमळी र्यो हु?” ईसु तीमने केदो, “होव, हमळी र्यो, पण तमु आहयु कदी नी भण्या हु ‘सोरा अने दुत पीता नान्ला सोरा ना मोडे तु आहफा नु गुण गवाडलो से?”

17 एतरु कीदीन ईसु तीमने सोडीन हेर मे गेथु नीकळीन वेतन्या जत र्यो अने आखी रात तां र्यो।

ⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂ 11:12-14,20-24)

18 बीजा दाडे ह्वारे वेगोत जत्तयार ईसु पासो हेर मे आववा बाज रेलो ता तीने भुक लागी।

19 तीहयो वाट धेडे गुलर नु झाड देखीन तीनी हाते आयो, तीने तीनी मे पान्टा वगर कंय नी जड्यु, अने तीहयो तीहया गुलर ना झाड ने केदो, “तारी मे अळी कदी फोळ नी लागवा जोवे।” अने तेतरी घडी तीहयु गुलर नु झाड हुक ज्यु।

20 आहयु देखीन चेला वहराय ज्या अने केदा, “आहयु गुलर नु झाड तत्त्यारुत कीसम हुकाय ज्यु?”

21 ✧ईसु तीमने केदो, “मे तमने हाचलीन केम, कदीम, तमारो भरहो हय अने तमु सण्का नी करो, ता मे गुलर ना झाड ने जीसम केदो तेमेत हय ज्यु, तेमेत तमु केहु, ते बी तेमेत हय जहे। पण कदीम तमु आहया बडा ने केहु, आजे गेथो हरकीन दर्या मे पड जा, ता आहयो बडो तमारी वात मान लेहे, अने तेमेत हय जहे।

22 अने तमु जे कंय वीन्ती करीन भरहा सी मांगहु, तीहयु तमने आखु जड जहे।”

ⓂⓂⓂⓂ ⓂⓂ ⓂⓂ ⓂⓂ ⓂⓂ ⓂⓂⓂⓂ
(ⓂⓂⓂⓂⓂ 11:27-33; ⓂⓂⓂⓂⓂ 20:1-8)

23 जत्तयार ईसु भगवान ना मंदीर मे जीन हीकापण आप्तो हतो, ता डायला पुजारा अने डायला पुडार्या ईसुनतां आवीन केदा, “तु काना हक सी आहयु आखु करवा बाज र्यो? कोय तने हक आप्यो?”

24 ईसु तीमने केदो, “मे बी तमने एक सवाल पुच्छु, कदीम तमु मने तीनो जपाप आप देदा, ता मे बी तमने की देही के मे काना हक सी आहयु आखु करवा बाज र्यो।

25 बपतीस्मा आपणया युहन्ना ने बपतीस्मा आपवा नो हक कां गेथो जडलो, भगवान वगे गेथो जडलो के माणहु वगे गेथो जडलो?" आहयी वात ह्मळीन तीहया वीच्यार कर्या के कदीम आमु केहु के भगवान वगे गेथो हक जडलु से, ता हीय्यो केहे के तीनी पोर भरहो काहा नी कर्या?

26 पण कदीम आमु केहु, "माणहु वगे गेथो जडलो से, ता आहया माणहु नो धाक से; काहाके आहया आखा माणहु बपतीस्मा आपणया युहन्ना ने भगवान वगे गेथी वात केण्यो माणेह माने।"

27 एतरे तीहया ईसु ने जपाप आप्या, "कय जाणु, आमु ने नी मालम हय?" एतरे ईसु तीमने केदो, "ता मे वी तमने नी केतो के मे काना हक सी आहयु आखु करु।"

☞ ☞ ☞ ☞ ☞ ☞ ☞ ☞ ☞ ☞

28 तमारो हु वीच्यार से? काना अदमी ना बे सोरा हता। तीहयो पेलनान तां जीन हुकम आपीन केदो, "सोरा जा, आज अंगुर नी वाडी मे काम कर।"

29 पण सोरो जपाप आप्यो, मे नी जाम, पण अळतेण तीना मन मे अंगुर नी वाडी मे जवा नो वीच्यार आय ज्यो अने तीहयो अंगुर नी वाडी मे जत र्यो।

30 अळतेण बाह बीजा सोरा नी तां जीन ईसमेत केदो, तीहयो केदो, "होव बाह, मे अंगुर नी वाडी मे जही। पण तीहयो अंगुर नी वाडी मे नी ज्यो।

31 हमणे तमु केवो, आहया बे जणा मायन कोय बाह नी मरजी पुरी कर्यो?" तीहया ईसु ने केदा, "पेलनो सोरो बाह नी मरजी पुरी कर्यो।" एतरा मे ईसु तीमने केदो, मे हाचलीन केम, फाळो लेणया अने रंड्या तमारी गेथा पेले भगवान ना राज मे जहे।

32 *बपतीस्मा आपण्यो युहन्ना तमने धरम नी वाट देखाडवा आयो, अने तमु तीनी पोर भरहो नी कर्या, बाखीन फाळो लेणया अने रंड्या तीनी पोर भरहो कर्या। आहयु देखीन अळतेण वी तमु पाप भणी गेथा वळीन भगवान वगा हयन तीनी वात पोर भरहो नी कर्या।

☞ ☞ ☞ ☞ ☞ ☞ ☞ ☞ ☞ ☞

(☞☞☞☞ 12:1-12; ☞☞☞☞ 20:9-19)

33 एक बीजो दाखलो ह्मळो: कानो कीरसाण अंगुर नी वाडी लगाड्यो, तीना च्यारो-मेर वाड बांद्यो, अने तीहयी वाडी मे अंगुर नो रोह काडवा करीन एक खाडो खोदीन हळावो बणायो, अने वाडी मे एक पक्को माळो बणायो। अळतेण तीहयो अंगुर नी वाडी ने बीजा कीरसाण ने साजा मे आपीन ढेरत नामबे बीजा देस मे जत र्यो।

34 अंगुर नी मेर भेळी करवा नी टेम आयी, ता तीहयो वाटो लेवा करीन कीरसाण ने तां आहूफा ना पावर्या ने मोकलयो।

35 बाखीन तीहया कीरसाणया तीहया पावर्या ने धरीन काना ने टोक्या; अने काना ने दगडाट्या, अने काना ने मार नाख्या।

36 अळतेण एक कावा अळी तीहयो पेले गेथा ढेरका पावर्या ने मोकलयो अने तीहया कीरसाणया तीमनी हाते तेवोत वेहवार कर्या।

37 आखरी कावा तीहयो आहूफा ना बेटा ने आहयु वीच्यारीन मोकलयो के तीहया मारा बेटा नी ईज्जत करहेन करहे।

38 पण तीहया कीरसाणया जत्त्यार मालीक कीरसाण ना बेटा ने देख्या ता एक-बीजा ने केदा, "आहयो ते वारीसदार से। आवो, आपणु आने मार नाखता अने आनी जागा पोर कब्जो कर लेता।"

39 तीहया तीने धर लेदा अने अंगुर नी वाडी मे गेथा बारथा नीकाळीन मार नाख्या।

40 अळतेण ईसु तीमने पुछ्यो, "जत्त्यार अंगुर नी वाडी नो मालीक पासो आवहे, ता तीहयो ते कीरसाणया नु हु करहे?"

41 तीहया ईसु ने केदा, "तीहयो ते कुहर्या ने मारीन खततम कर नाखहे, अने आहूफा नी अंगुर नी वाडी बीजा कीरसाण ने साजा मे आप देहे, जे टेमे-टेमे अंगुर नी मेर नो वाटो आप्या करहे।"

42 ईसु तीमने केदो, “तमु खरला सासुतर मे आहयु कदी भण्या नी हु: ‘जे दगडा ने राज-भीसुतरया रीकामो हमजीन बारथो नीकाळ देदा, तीहयो दगडोत घोर ना पाया ना, खुणे वाळो दगडो बण ज्यो? आहयु ते मालीक वगे गेथु हयु, आहयु ते अमारी नीगा मे सेल-भातयु से।”

43 एतरे मे तमने केम, भगवान, हरग नु राज तमारा हात मे गेथु हापकी लेहे अने राज्य ना माणहु ने आप देहे जे भगवान ना राज ना कायदा पाळीन जीवहे।

44 “जे आहया दगडा पोर पड जहे, तीहयो टुकडा-टुकडा हय जहे, अने जीनी पोर आहयु दगडो पडहे, तीने दळ देहे।”

45 डायला पुंजारा अने फरीसी पंथवाळा वाळा आहयो दाखलो हमळीन हमज ज्या के ईसु आहयु तीमनात बारा मे की र्यो।

46 करीन तीहया ईसु ने धरवा नी कोसीत ते कर्या बाखीन तीमने माणहु नी बीक हती, काहाके माणहु ईसु ने भगवान वगे गेथो केवा वाळो हमजता हता।

22

ⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂ
(ⓂⓂⓂⓂ 14:15-24)

1 ईसु अळी तीमने दाखला हमळाव्वा बाज ज्यो। तीहयो केदो,

2 हरग नु राज तीहया राजा हरकु से, जे आह्फा ना सोरा ना वेवा मे पंगात बहाड्यो।

3 राजो आह्फा ना पावर्या ने नेवतु आपला माणहु ने बोलाव्वा करीन मोकल्यो, बाखीन तीहया आव्वा नी हींइता हता।

4 राजो नेवतु आपला माणहुन तां अळी बीजा पावर्या ने आहयु केतो जायन मोकल्यो, “नेवतु आपला तीहया माणहु ने की देवो, देखो! मे मारी पंगात नु खाणु तीयार कर देदलो से। मारा बोळदया अने पाळ्ळा जानवर मराय नाखलो से। अने खाणु तीयार से; वेवा नी पंगात मे आवो।”

5 पण तीहया आहयी वात पोर धीयान नी देदा। कानो आह्फा ना खेतर भणी जत र्यो, अने कानो आह्फा नु वेपारु करवा जत र्यो।

6 अने काना माणहु तीहया राजा ना पावर्या हाते वारु वेहवार नी कर्या अने तीमने मार नाख्या।

7 आहयी वात हमळीन राजा ने घणी रीह लागी। अने तीहयो आह्फा ना सीपायडा मोकलीन तीहया हतयारा ने मराय नाख्यो अने तीमना हेर ने धपाड नाख्यो।

8 अळतेण राजो आह्फा ना पावर्या ने केदो, “वेवा नी पंगात नी तीयारी ते हय जेली से, पण जीमने नेवतु आपलु हतु, तीहया आना लायक नी बणया।”

9 एतरे वाट ना चोवराया पोर जावो, अने जेतरा बी माणहु जड जाय, तीहया आखाम ने वेवा नी पंगात मे बोलाय लावो।

10 अने पावर्या रोहा पोर ज्या, अने भला अने कुहर्या आखा माणहु ने बोलावीन ली आया अने वेवा नो घोर तीहया माणहु सी भराय ज्यु।

11 राजो पोरणा ने देखवा करीन आयो, तां तीनी नीगा एक एसवा माणेह पोर पडी, जे वेवा ना लुगडा नी पेरलो हतो।

12 तीहयो तीने केदो, भाय वेवा ना लुगडा पेर्या वगर तु आजे केम आय लाग्यो? तीहयो माणेह होगो हय र्यो।

13 अतयार राजो आह्फा ना पावर्या ने हुकम आपीन केदो, आना हात अने पोगु बांदिन आने बारथो अंदारला मे नाख देवो। तां तीहया माणहु रडहे, अने दात ककडावहे।

14 काहाके बोलावला ते ढेरत से, पण टाळला थोडाक से।

15 तीहयी टेमे फरीसी पंथवाळा जायन भेळा हयन वीच्यार काड्या के कीसम ईसु ने हीनी वात मे फसाडया।

॥२२११ ॥११ ॥२२११ ॥२२११

(॥२२१११ ॥१२:१३-१७; ॥२२१११ ॥२०:२०-२६)

16 पण तीहयो आह्फा ना चेलाम ने हेरोद नी हाते तीनीन्तां आह्यु केवा मोकल्यो, “ए मास्तर आमु जाणया के तु खरलो से, अने भगवान नी वाट सच्चाय सी हीकाडे, अने कोय नी परवाय नी करतलो, काहाके तु माणहु नु मोडु देखीन वात नी करतलो ।

17 एतरे आमने देखाड तु हु सोचे? केसर ने फाळो आपवा वारु से के नी ह्य ।”

18 ईसु तीमनी वात जाणीन केदो, “ए ढोंगडा करन्या, मने काहा पारखो?

19 फाळा नो सीक्को मने देखाडो ।” ता तीहया तीनीन्तां एक सीक्को लाया ।

20 तीहयो तीने पुछ्यो, “आहयो छाप अने नाम कोय नु से?”

21 तीहया तीने केदो, “केसर नो ।” तत्तयार तीहयो तीने केदो, “जे केसर नु से, तीहयो केसर ने आपो; अने जे भगवान नु से, तीहयो भगवान ने आपो ।”

22 आह्यु हमळीन तीहया घबराय ज्या, अने तीने रेवा दीन जत र्या ।

॥२२११ ॥२२१११ ॥११ ॥२२११

(॥२२१११ ॥१२:१८-२७; ॥२२१११ ॥२०:२७-४०)

23 तीहया दाडे सदुकी पंथवाळा जे केता हता के मरला नु पासु जीवणु ह्येत नी, तीनी हाते आया अने तीने पुछ्या,

24 “ए मास्तर, मुसो केदलो हतो के कदी कोय माणेह वण-अवलयात मर जाय, ता तीनो भाय तीनी लाडी सी वेवा करीन आह्फा ना भाय जुगु सोरा पयदा करे ।

25 हाव अमारीन्तां हात भाय हता; पेलो वेवा करीन मर ज्यो, अने सोरा नी ह्यवा ना कारण आह्फा नी लाडी ने आह्फा ना भाय नी करते सोड ज्यो ।

26 आह्यी रीते बीजो अने तीसरो बी कर्यो, अने हातोव भाय लग आसमेत ह्यु ।

27 आखान बाद मे आखरी मे तीह्यी बयर बी मर जी ।

28 एतरे पासा जीवता ह्यवा पोर तीह्यी तीहया हातोव भाय मे गेथी कोयनी लाडी ह्यहे? काहाके तीह्यी आखा नी लाडी बणली हती ।”

29 ईसु तीमने जपाप आप्यो, “तमु चोखली सास्तर अने भगवान नी सकती ने नी जाणता; आना कारण सी भुल मे पड र्या ।

30 काहाके जीवता ह्यवा पोर वेवा नी ह्ये पण हरग मे आखा हरगदुत ने तेम रेहे ।

31 पण मरला ने जीवता ह्यवा ना बारा मे हु तमु आहयो बोल नी भण्या जे भगवान तमने केदो:

32 मे अब्राहम नो भगवान, अने ईसाक नो भगवान, अने याकुब नो भगवान से? तीहयो मरला नो नी, पण जीवता नो भगवान से ।”

33 आह्यु हमळीन माणहु तीनी हीकापण सी घबराय ज्या ।

॥२२१ ॥२२११ ॥२२११११ ॥२२११

(॥२२१११ ॥१२:२८-३४; ॥२२११ ॥१०:२५-२८)

34 जत्तयार फरीसी पंथवाळा आह्यु हमळ्या के ईसु सदुकी ना मोडा बंद कर देदो, ता तीहया एखटा हया ।

35 तीमनी मे गेथु एक कायदा पाळवा वाळो तीने पारखवा नी करते तीने पुछ्यो,

36 “ए मास्तर कायदा मे कानो हुकम आखा सी मोटो से?”

37 तीहयो तीने केदो, “तु तारा मालीक ने अने भगवान ने पुरा मन अने आह्फा ना पुरा जीव अने आह्फा नी आखी अककल नी भेळ मोंग कर ।

38 आहयो आखा गेथो पेलो अने मोटलो हुकम से ।

39 अने तीनीन तेम आहयो बीजो हुकम से के तु आपणा हाते वाळा सी आह्फान तेम मोंग राख ।

40 ✨ आखा कायदा अने भगवान वगे गेथा केण्या माणहु ना कीताप्या आहयात वे हुकम पोर टेकला से।”

🔗 🔗 🔗 🔗 🔗 🔗 🔗 🔗 🔗 🔗

(🔗🔗🔗🔗 12:35-37; 🔗🔗🔗 20:41-44)

- 41 जत्यार फरीसी पंथवाळा एखटा हता, ता ईसु तीमने पुछ्यो,
- 42 “मसी ना बारा मे तमु हु सोचो? तीहयो कोयनो सोरो से?” तीहया तीने केदा, “दावुद नो।”
- 43 तीहयो तीने पुछ्यो, “ता दावुद आत्मा मे हय्न हीने मालीक हुका केय?
- 44 मालीक, मारा मालीक ने केदो, मारी जमणी होइ बह, जत्यार लग मे तारा वेरी ने तारा पोगु तळे नी कर देम।”
- 45 भल, जत्यार दावुद हीने मालीक केय, ता हीययो हीनो सोरो केम केवायो?”
- 46 आना जपाप मे कोय बी एक वात नी की सक्यो। तीहया दाडे गेथा कोयने अळतेण तीने कंय पुसवा नी हीममत नी हयी।

23

🔗🔗🔗🔗 🔗🔗 🔗🔗🔗🔗 🔗🔗🔗🔗 🔗🔗 🔗🔗

(🔗🔗🔗🔗 12:38-39; 🔗🔗🔗 11:43-46; 20:45-46)

- 1 तीहयो टेमे ईसु माणहु ने अने आहफा ना चेला ने केदो,
- 2 चोखली सास्तर हीकाङन्या, अने फरीसी पंथवाळा मुसा नी गादी पोर हक लीन बह र्या,
- 3 एतरे तीहया तमने जे कंय बी हुकम आपीन केय, तीह्यु करता अने मान्ता रेवो; बाखीन तीमनीन तेम काम नी करजो। काहाके हीय्या हुकम आपीन केय ते खरा, पण तेम करे नी।
- 4 तीहया एक भारी बोज ने जीने उचलवा काठु से, हीय्या तीने बांदिन माणहु ना खांदा पोर मेल देय, बाखीन आहफा ते आंगळी बी नी टेकवा हीडे।
- 5 हीय्या आखा कामु माणहु ने देखाडवा करीन करे। हीय्या देखाडवा करीनेत आहफाम ना सास्तर ना तावीज चवडा करीन बांदे अने आहफाम ना लुगाडा ना घुमचा नाम्वा कर देय।
- 6 हीमने पंगात मे पेल्लो जागो अने भगवान ना भक्ती ना घोर नो पेल्लो जागो गमे।
- 7 हाट मे वारु से के अने माणहु अगळ गुरु केवाडवा हीमने वारु गमे।
- 8 “तमु गुरु केवायवा करीन ना हुकारो, काहाके तमारो एकीत गुरु से, अने तमु आखान-आखा भाय से।”
- 9 धरती पोर वाळा ने कोयने “बाह” नी केजो, काहाके तमारो एकीत बाह से जे हरग मे से।
- 10 तमु “मालीक” बी नी केवाडजो, काहाके तमारो एकीत मालीक से जे मसी से।
- 11 ✨ जे तमारी मे आखान मोटो से, तीहयो आखा नो पावरयो बणे।
- 12 ✨ जे आहफा ने मोटो मानहे, तीने भगवान नानो कर देहे, अने जे आहफा ने नानो मानहे तीने भगवान मोटो कर देहे।

🔗🔗 🔗🔗🔗🔗 🔗🔗 🔗🔗 🔗🔗

(🔗🔗🔗🔗 12:40; 🔗🔗🔗 11:39-42,44,52; 20:47)

- 13 ए ढोंगडा करन्या चोखली सास्तर हीकाङन्या अने फरीसी पंथवाळा! तमारी जुगु घणी दुख नी वात से! काहाके तमु ते माणहु ने हरग राज मे भरायवा सी रोक र्या। तमु आहफा बी हरग राज मे नी भरायो, अने बीजा ने बी हरग राज मे नी भरायवा देवो।
- 14 ए ढोंगडा करन्या चोखली सास्तर हीकाङन्या अने फरीसी पंथवाळा! तमु रंडायला बयरा ना घोर मे भरायन तीमने धोको दीन ठग लेय, अने तीमना घोर ने उजाड देय, अने बीजा ने देखाडवा

करिन नाम्बी-नाम्बी घणी वार लग वीन्ती करे। एतरे तमने नीयाव नो डंड भगवान वगे गेथो जादात जड़हे।

15 ए ढोंगड़ा करन्या चोखली सास्तर हीकाङ्गन्या अने फरीसी पंथवाळा! तमारी जुगु घणी दुख नी वात से! काहाके तमु एक जणा ने तमारा पंथ मे लाव्वा करिन दर्या पार करिन धरती ना बीजा खुणे जावो। अने जतयार तमारा पंथ मे आवीन चेलो वण जाय, ता तीने आहूफा गेथो बी वे गुणा जादा गुनाळ्ळो वणाय देय, के तीहयो नरक-आकूटी मे जाय।

16 ए आंदळा अगळवाण्या! तमारी जुगु घणी दुख नी वात से! काहाके तमु केवो, “कदीम कोय भगवान ना मंदीर नी हाम खाय, ता तीनी कंय नी खरी हय, पण कदीम कोय मंदीर ना होना नी हाम खाय, ता तीनी वात खरली उतरी जाय।”

17 ए वण-अकलया आंदळा! कोय मोट्टु से? होनु मोट्टु के तीहयो भगवान नो मंदीर मोटो से? जीनी सी होनु चोखलु हय जाय?

18 तमु आहयु बी केवो, “कदीम कोय वेदी नी हाम खाय, ता तीनी कंय नी खरी हय, पण कदीम तीहयो वेदी पोर मेल्ली भेट नी हाम खाय, ता तीनी खरी उतरी जाय।”

19 ए आंदळा! कोय मोट्टु से? भेट मोटी से के तीहयो वेदी मोटी से? जीनी सी भेट चोखी हय जाय?

20 एतरे खास वात आहयी से के, जे वेदी नी हाम खाय, तीहयो ते वेदी पोर मेकायलु चीज नी बी हाम खाय केवाये।

21 अने जे भगवान ना मंदीर नी हाम खाय, तीहयी ते भगवान नी बी हाम खाय केवाये, जे आहूफा ना मंदीर मे रेय।

22 *अने जे हरग नी हाम खाय, तीहयो भगवान नी राजगादी नी अने तीहयी राजगादी पोर बहण्या नी बी हाम खाय केवाये।

23 ए ढोंगड़ा करन्या चोखली सास्तर हीकाङ्गन्या अने फरीसी पंथवाळा! तमारी जुगु घणी दुख नी वात से! काहाके तमु पुदीना नो, सोप नो अने जीरु नो दसवो वाटो ते भगवान ने आपो, बाखीन मुसा नी लारे लीखली सास्तर नी खास वात ने सोड देदा; होव, नीयाव, दया, अने भरहा नी खास वात ने टाळ देदा। तमु दसवो वाटो ते आप्या करजो, पण नीयाव नी, गीण नी, अने भरहा नी खास वात ने बी पाळयात करवा जोवे।

24 ए आंदळा अगळवाण्या! तमु मीचर्या ने ते झारो, बाखीन उटडा ने ते गळ जावो।

25 ढोंगड़ा करन्या चोखली सास्तर हीकाङ्गन्या अने फरीसी पंथवाळा! तमारी जुगु घणी दुख नी वात से! काहाके तमु वाटका ने अने थाळ्या ने उपर-उपर ते वारु उजाळे, बाखीन मोय गेथा नी उजाळे, तेमेत तमारु मन हाय अने आहूफात नु भलु करवा ना वीच्यार सी भरायलु से।

26 ए आंदळा फरीसी पंथवाळा! पेले वाटका ने मोय गेथा उजाळ लेवो, ता उपर बी उजळी जहे।

27 *ढोंगड़ा करन्या चोखली सास्तर हीकाङ्गन्या अने फरीसी पंथवाळा! तमारी जुगु घणी दुख नी वात से! काहाके जेम तमु ते मडाट्या हरका से जे उपर-उपर चुना वेर पोताय करलु रेय, अने घटाळु देखाये, पण मोय मरला माणहु ना हाटका अने हडलु माह भरायलु रेय।

28 ईसम तमु बी उपर गेथा माणहु ने धरमी देखाव पडो, बाखीन तमारा मन मे दगो अने कुहराय भरायली से।

⚡⚡⚡⚡⚡⚡⚡⚡⚡⚡⚡⚡⚡⚡⚡⚡
(⚡⚡⚡ 11:47-51)

29 ए ढोंगड़ा करन्या चोखली सास्तर हीकाङ्गन्या अने फरीसी पंथवाळा! तमारी जुगु घणी दुख नी वात से! काहाके तमु भगवान वगे गेथा केण्या माणहु ना मडाट्या हजाडे, अने धरमी माणहु ना गाता वणावे।

30 अने केवो, “कदीम आमु अमारा आडा-बुडा नी टेमे जीवतला हता, ता आमु भगवान वगे गेथा केण्या माणहु नु खुन नी करवा करिन अमारा डाह-डाहा ने सात नी देता।”

31 ईसम कीन तमु आहफाम नीत वीरोद मे आहयी गवा दी र्या के “आमु तीहया माणहु नी अवल्यात से, जे भगवान वगे गेथा केण्या माणहु नु खुन करला हता।”

32 एतरे तमु तमारा आडा-बुडा ना पाप नी कसर पुरी कर लेवो।

33 भए गडहा अने जेहर वाळा गडहा ना बच्चा! तमु नरक कुंड ना डंड सी कीकम बचहु?

34 देखो! मे तमारीनुतां भगवान वगे गेथा केण्या माणेह ने, अककल वाळा ने, अने मासुतर्याम ने मोकलु। तमु तीमनी मे गेथा थोडाक ने मार नाखहु अने थोडाक ने कुरुस पोर चडावहु, अने थोडाक ने भगवान ना भक्ती ना घोर मे हडकाटहु अने तीमने एक हेर गेथा बीजा हेर वेला पाडता फीरहु।

35 करीन धरती पोर जेतरा बी धरमी माणहु नु खुन ह्यु, तीहयु खुन तमारा माथे पडहे। धरमी हाबील नु खुन गेथु लीन बीरीक्या ना बेटा जकर्याह ना खुन लग, जीने तमु भगवान ना मंदीर अने वेदी नी वच मे मार नाखला हता।

36 मे तमने हाचलीन केम, आहयु आखु आहयी पीडी ना माथे पडहे अने आमनेत डंड भुगतवा पडहे।

मातृ 13:34-35

37 ए यरुसलेम! ए यरुसलेम! तु भगवान वगे गेथा केण्या माणहु ने मार नाखे अने जे माणहु ने भगवान तारीनुतां मोकले तीमने बी दगडाटीन मार नाखे। जेम कुकड़ी आहफी ना पीच्या ने आहफी ना पाखडा तळे भेळा कर लेय, तेमेत मे देरेत कावा तारी अवल्यात ने मारा पाखडा तळे भेळा करवा हींडतो हतो, पण तमु मारो नकारो कर देदा।

38 देखो, भगवान तमारा यरुसलेम ना मंदीर ने सोड देहे, अने तीहयो ठारलो ह्य जहे।

39 मे तने केम, हमणे गेथा तमु मने जतयार लग नी देखो, जतयार लग तमु आहयु नी केय, “जुगाळो से तीहयो, जे मालीक भगवान ना नाम सी आवे।”

24

मातृ 13:1-2; मातृ 21:5-6

1 ईसु मंदीर सी नीकळीन जवा बाज र्यो हतो ता तीना चेला मंदीर नी बणावट ने देखाडवा करीन तीनी हाते आया।

2 पण ईसु तीमने केदो, तमु आने हुदा उबा ह्य रेला देख र्या? पण मे तमने हाचलीन केम, आजे हारीक आहया मंदीर ना दगडा पोर दगडा बी नी रेय। आहयु आखु ओदार नाखहे।

मातृ 13:3-13; मातृ 21:7-19

3 जतयार ईसु जेतुन बडा पोर पुगीन बह ज्यो, ता चेला एक धेडे ईसु हाते आवीन केदा, आमने देखाड, आहयु आखु कतयार ह्यहे? अने तारी आव्वा नी अने कळजुग खतुतम ह्यवा नी सेलाणी हु रहे?

4 ईसु तीमने जपाप आप्यो, चेतीन रेवो। कोय तमने धोको नी दी देय।

5 काहाके घणा माणहु मारु नाम लीन आवहे अने केहे, “मेत मसी से, अने तीहया घणा ढेरका माणहु ने भटकाड देहे।”

6 तमु लडाय अने झगडा नो हुकवाडो ह्मळहु। आहयी वात ह्मळीन तमु घबरायजो नी, काहाके ईसम ते ह्यहेन-ह्यहे। पण तीहयी टेमे खतुतम नी ह्ये।

7 आखी जाती ना माणहु आंवा-सांवा झगडो करवा करीन हुहडीन जहे। एक राज्य ना माणहु बीजा राज्य ना माणहु भणी झुमायवा जहे। जां तां काळ पडहे। अने जां तां भुकम्प ह्यहे।

8 आहयु आखु आव्वा वाळी गरा नी सुरुवात से।

9 *मारा नाम नी करते आखी जाती ना माणहु तमारी सी हीगी करहे, अने तीहयी टेमे माणहु तमने वेला पडाव्वा करीन धरावहे अने तीहया तमने मार नाखहे ।

10 तीहयी टेमे घणा ढेरका माणहु मार पोर गेथो भरहो सोड देहे । अने तीहया एक-बीजा ने धरावहे, अने एक-बीजा सी हीगी करहे ।

11 अने ढेरत झुटा भगवान वगे गेथा केण्या माणहु आय लागहे । अने घणा ढेरका माणहु ने भगवान ना भरहा गेथा सेटा कर देहे ।

12 पाप करन्या वदवा सी घणा ढेरका माणहु नो मोंग टाडो पड जहे ।

13 *बाखीन जे आखरी लग दम धरहे, तीनेत छुटकारो जडहे ।

14 आहयी कळी ना आखी जाती ना माणहु ने खुस-खबर नी गवा राखवा करीन तीमनी मे भगवान ना राज नी आहयी खुस-खबर नु परच्यार हयहे, अने अळतेण कळजुग खत्तम हयवा नी टेम आय लागहे

(***** 13:14-23; ***** 21:20-24)

15 एतरे जत्तार तमु खत्तम करवा वाळी चीज ने मंदीर ना चोखला जागा मे उबी हय रेली देखो, जीना बारा मे भगवान वगे गेथो केण्यो दानीयल केदलो हतो; भणवा वाळो ह्मजी लेवा जोवे के आनु मतलब हु से?

16 ता, तीहयी टेमे जे माणहु युहदया मे हय, तीहया बडा पोर नाह जवा जोवे;

17 *अने जे घोर नी छत पोर हय, तीहयो आह्फा ना घोर नु ह्मान लेवा हेटो नी उतरवा जोवे;

18 जे खेतर मे हय, तीहयो आह्फा ना लुगडा लेवा करीन पासो नी आव्वा जोवे ।

19 तीहया दाडा मे जे बयर भारेपोगे हहे अने सोरु ने धाय धवाइती हहे, तीनी जुगु गरा ना दाडा केवायहे!

20 वीनती करया करो के हीयाळा ना दाडा मे, नीता अराम ना दाडे नाहवा नी पडे;

21 *काहाके तीहयी टेमे घण-जबर गरा आवहे, भगवान कळ घड्यो तत्तार गेथी हजु लग एतरी मोटी गरा नी आवी हय, एतरी मोटी गरा आवहे । अने अळी एवी गरा कदी नी आवे ।*

22 कदीम मालीक तीहया दाडा ने कम नी करतो, ता एक बी जीव नी बचता; बाखीन टाळला माणहु नी करते जीमने तीहयो टाळलो से, तीहया गरा ना दाडा ने तीहयो कम कर देदलो से ।

23 तीहयी टेमे कदीम कोय तमने केय, “देखो! मसी आजे से ता तमु भरहो नी करजो ।”

24 काहाके झुटा मसी अने भगवान नु नाम लीन झुट मेकणया माणहु देखाव पडहे, अने एवी भारी सेलाणी अने सेल-भात्या कामु देखाइहे, हय सके ता तीहया टाळला माणहु ने बी भगवान ना भरहा गेथा सेटा करवा नी कोसीत करहे ।

25 देखो, आहयी आखी वात मे तमने पेले गेथोत की र्यो ।

26 *कदीम तीहया तमने केय, देखो, हेलो उजाडी बडा मे से, ता तमु तां नी जजो; नीता, तीहया केय, “तीहयो आजे हारीक कोपरा मे से, ता भरहो नी करजो ।”

27 काहाके जीसम वीजळी उगवणी गेथी नीकळीन बुडवणी लग वीजळे, तेमेत मनख्या नो सोरो बी उजन्तो आवहे!

28 *जां बी धोड रेहे, तांत घुवड्या बी भेळा हय जहे ।

(***** 13:24-27; ***** 21:25-28)

29 *तीहया दाडा मे जत्तार वेला पडहे अने अळतेण दाहडु काळु पड जहे, चांद वीजाळु नी आपे, हूरगे गेथा तारा हेटा पड जहे, अने हूरग नी ताखत हीलाय देहे ।

30 *तीहयी टेमे हरगे गेथा मनख्या ना सोरा नी आव्वा नी सेलाणी देखाव पडहे। धरती पोर रेण्या आखी जातीन माणहु फुकु-फुकु रडहे, अने मनख्या ना सोरा ने मोटी ताखत भेळ, अने बडाय भेळ हरग ना वादळा पोर आवतलो देखहे।

31 तीहयो फेपारया वाजा भेळे आह्फा ना हरगदुत ने मोकलहे अने तीहया आखी धरती पोर गेथा तीना टाळला माणहु ने भेळा करहे।

⚠⚠⚠⚠ ⚠⚠ ⚠⚠⚠⚠ ⚠⚠ ⚠⚠⚠⚠
(⚠⚠⚠⚠ 13:28-31; ⚠⚠⚠⚠ 21:29-33)

32 गुलर ना झाड ना दाखला नी लारे कंय हीको। जत्यार तीना डाळ्या मे कुमळळा डीरा फुटवा बाज जाय अने नवला पान्टा नीकळवा बाज जाय, ता तमु जाण लेवो के उनाळो आव्वा बाज र्यो।

33 आह्यीत रीते जत्यार तमु मारी केदली आखी वात ह्यतली देखो, ता जाण लेवो के तीहयो हाते से, अने झापलात पोर से।

34 मे तमने हाचलीन केम के आह्यी पीडी ना माणहु ने खतूम ह्यवान पेलेत मारी केदली वात पुरी ह्यहे।

35 हरग अने धरती टळ जाय, पण मारी वात कदी नी टळे।

⚠⚠⚠⚠ ⚠⚠⚠⚠
(⚠⚠⚠⚠ 13:32-37; ⚠⚠⚠⚠ 17:26-30,34,36)

36 मनख्या ना सोरा नो आव्वा नो दाडो अने टेम ना बारा मे कोयने मालम नी ह्य, नीता हरगदुत ने अने नीता सोरा ने आहयो दाडो अने टेम नीस्तो भगवान बाह एतरोत जाणे।

37 जीसम नुहा ना दाडा मे ह्यलु हतु, तेमेत मनख्या नो सोरो आवहे, तीहया दाडे बी ह्यहे।

38 जे दाडे तक नुहो मोटला ढुंड्या मे नी भरायो, तांह तक माणहु खाता-पीता, अने वेवा करता हता।

39 अने उचकाहलोत पाणी आयो, अने तीहयो आखा ने डुवाडीन मार नाख्यो, तांह तक आनु कोयने कंय मालम नी पड्यु तेमेत मनख्यान सोरा नु आवणु बी रेहे।

40 तीहयी टेमे वे अदमी खेतर मे हहे, ता एक ने चुट लेहे, अने बीजो री जहे।

41 वे बयरा घट्ये दळता हहे, एक जणी ने चुट लेहे, अने बीजी ने रेवा देहे।

42 एतरे जागीन चेतीन रेवो, काहाके तमने नी मालम के तमारो मालीक काना दाडे आवहे।

43 *आह्यु वारु रीते हूमजी लेवो, कदीम घोर ना मालीक ने मालम रेय के चोटटो राते कानी टेमे आवहे, ता तीहयो जागलो रेय अने आह्फा ना घोर मे चोरी नी ह्यवा देय।

44 एतरे तमु बी तीयार रेवो, काहाके जे घडी ना बारा मे तमु सोचो बी नी, तीहयी घडी मनख्या नो सोरो आय लागहे।

⚠⚠⚠⚠⚠⚠ ⚠⚠ ⚠⚠⚠⚠ ⚠⚠⚠⚠ ⚠⚠ ⚠⚠⚠⚠
(⚠⚠⚠⚠ 12:41-48)

45 “एवो कोय ईमानदार अने अक्कल वाळो, चाकर्यो से, जीने तीनो मालीक आह्फा ना घोर ना पावर्या नो मुखी बणावे। अने केय के तु मारा पावर्या ने टेमे-टेमे खावा-पीवा नी चीज आप्या करजे?”

46 जुगाळो से तीहयो पावर्यो, जीनो मालीक आवे, तत्यार तीहयो तीने होपलु काम करतलो देखे।

47 मे तमने हाचलीन केम, तीहयो मालीक तीने, आह्फा ना आखा माल-धन पोर मुखी बणावीन टेरावहे।

48 पण कदीम तीहयो बेमान पावर्यो तीना मन मे आहयो वीच्यार करे के मारा मालीक नी आव्वा मे वार से।

49 करीन तीहयो बीजा हाती पावर्या ने टोकवा, अने बीजा ह्रांग्या हाते खाय-पीय।

50 ता तीहया पावर्या नो मालीक एवा दाडे आवहे, जतयार तीहयो तीनी वाट नी जोय र्यो ह्य। अने एवी टेम मे आवहे, जे तीने मालम नी ह्य।

51 अने मालीक तीने घण भारी डंड आपहे, अने ढोंगडा करन्या हाते भेसकी देहे, अने तीहया तां हारीक फुकु-फुकु रडहे अने दातु ककडावता रहे।”

25

ⓂⓂⓂ ⓂⓂⓂⓂⓂⓂ ⓂⓂⓂ ⓂⓂ ⓂⓂⓂⓂⓂ

1 *तीहयी टेमे हरग नु राज तीहयी दह कुवारी सोरीन तेवु रेहे, जे आह्फा ना दीवा लीन लाडा ने भेटवा करीन जी।

2 तीमनी मेनी पांच वण-अकल्याण हती अने पांच हमजदार हती।

3 तीहयी पांच वण-अकल्याण सोरी दीवा ते लेदी पण दीवा जुगु तेल नी लेदी।

4 पण बीजी पांच हमजदार सोरी दीवा हाते मग्गा मे तेल बी ली लेदी।

5 लाडा ने आव्वा मे वार ह्य जी, ता आखी कुवारी सोरी उगायवा बाज जी अने हुय जी।

6 अने अळतेण आरदी राते कचाट हमळायी, “देखो लाडो आव्वा बाज र्यो। तीने भेटवा करीन चालो।”

7 ता तीहयी आखी कुवारी सोरी उठीन आह्फी ना दीवा हच करवा बाज जी।

8 वण-अकल्याण, हमजदार कुवारी सोरी ने केदी, “तमारा तेल मे गेथु थोडुक तेल आमने बी आप देवो, काहाके अमारा दीवा ओलायवा बाज र्या।”

9 पण हमजदार कुवारी सोरी केदी, “कदीम, अमारी अने तमारी जुगु आह्यु तेल पुरी नी पडे। भलु आनीत मे से, के तमु वेचवा वाळानतां जायन तमारी जुगु तेल वेचातु ली लेवो।”

10 अने तीहया कुवार्या सोर्या तेल लेवा जवात बाज र्या हता अने नवलो लाडो आय लाग्यो। तीहयीत टेमे जे तीयार हती, तीहयी तीनी हाते वेवा वाळा घोर मे जत री, अने झापला दी देदा।

11 *आनी बाद तीहया बीजा कुवार्या सोर्या बी आवीन केदा, “मालीक! ए मालीक! अमारी जुगु बी झापलु उगाड दे।”

12 ता नवलो लाडो जपाप आप्यो, “मे तमने हाचलीन केम, मे तमने नी जाणु।”

13 एतरे चेतन रेवो, काहाके तमने मनख्या ना सोरा नी आव्वा नी टेम अने दाडो मालम नी ह्य।*

ⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂ

(ⓂⓂⓂ 19:11-17)

14 *हरग राज तीहया माणेह हरकु से, जे पारका देस मे जवा नी टेमे आह्फा ना पावर्या ने बोलायो अने तीमने आह्फा नु धन ह्योप देदो।

15 अने तीहयो एक पावर्या ने पांच हजार होना ना सीक्का, बीजा ने बे हजार होना ना सीक्का अने तीसरा ने एक हजार होना ना सीक्का आप्यो। मतलब आखा ने तीमनी ताखत देखीन आप देदो, अळतेण तीहयो पारका देस मे जत र्यो।

16 जीने पांच हजार रुप्या आपला हता, तीहयो तत्यारुत जायन तीहया पय्हा नु लेणु-देणु कर्यो अने अळी पांच हजार रुप्या कमाय लेदो।

17 एमेत जीने बे हजार होना ना सीक्का आपला हता, तीहयो बी अळी बे हजार होना ना सीक्का कमाय लेदो।

18 पण जीने एक हजार होना ना सीक्का आपला हता, तीहयो ज्यो, अने कादु मे खाडो खोदीन आह्फा ना मालीक ना होना ना सीक्का हताड देदो।

19 ढेरत दाडा वीत ज्या अने अळतेण तीहया पावर्या नो मालीक पासो आवीन तीमनी पांह हीसाब लेवा बाज ज्यो।

20 जीने पांच हजार होना ना सीक्का आप्या हता, तीहयो अळी पांच हजार कमायन लावीन केदो, “मालीक! तु मने पांच हजार होना ना सीक्का आपलो। देख, मे अळी पांच हजार होना ना सीक्का कमाय लायो।”

21 तीनो मालीक तीने केदो, “घणु वारु, भला अने भरहा लायक पावर्या! तु थोडुक मे भरहा लायक र्यो, मे तने ढेरकी चीज पोर हक आपही। तारा मालीक नी खुसी मे साजल्यो वण।”

22 अने जीने वे हजार होना ना सीक्का आपला हता। तीहयो केदो, “ए मालीक तु मने वे हजार होना ना सीक्का आपलो। देख, मे अळी वे हजार कमाय लायो।”

23 तीनो मालीक तीने केदो, “घणु वारु, भला अने भरहा लायक पावर्या! तु थोडुक मे भरहा लायक रेलो से, मे तने ढेरकी चीज पोर हक आपही। तारा मालीक नी खुसी मे साजल्यो वण।”

24 तत्तयार तीहयो आयो, जीने एक हजार रुप्या आपला हता। तीहयो केदो, “मालीक! मने मालम से के तु घणो वातडो से। तु जां नी वेर्यो, तां वाडे, अने जां नी छाट्यो, तां तु हेमटे।

25 एतरे मे बीह ज्यो, अने जायन तारा रुप्या ने कादा मे डाटीन हताड देदो, अने देख, आहया तारा होना ना सीक्का से, अने आहया पास ली ले।”

26 तीनो मालीक तीने केदो, “ए वेरी अने ओगज्या पावर्या! तने मालम हतु के ‘मे जां नी वेर्यो, तां वाडु, अने जां नी छाट्यो, तां मे हेमटु।”

27 ता तने मारु धन होवकार्यान तां ली जायन आप देवा हतु, ता मे पासो आवीन वीयाज भेळ मांग लेतो।

28 एतरे आहया एक हजार होना ना सीक्का आनी पांह गेथा मांग लेवो, अने जीनी पांह दह हजार होना ना सीक्का से, तीने आप देवो;

29 काहाके जीनी पांह कंय से, तीनेत अळी आपहे, अने तीनी पांह ढेरत हय जहे; पण जीनी पांह कंय बी नी हय, तीनी पांह गेथु जे बी से तीहयो बी ली लेहे।

30 अने आहया रिकामा पावर्या ने बारथु ना अंदारला मे नाख देवो। तां हारीक रडवा अने दातु ककड़ाववा नु रहे।

RECAP RECAP RECAP RECAP

31 अजतयार मनख्या नो सोरो आहफा बडाय भेळ आवहे, अने आखा हरगदुत तीनी हाते आवहे ता तीहयो आहफा नी बडाय नी राजगदी पोर बहलो रहे।

32 अने आखा देस ना माणहु तीनी अगळ भेळा करहे। जीसम गुवाळ्यो गाडरा ने बोकडा मे गेथो अलग करे, तेमेत तीहयो आखा माणहु ने एक-बीजा गेथो अलग करहे।

33 तीहयो गाडरा ने आहफा नी जमणी धेडे अने बोकडा ने डाखरी धेडे उवा करहे।

34 ता राजो आहफा ना जमणी धेडे वाळा माणहु ने केहे, “ए मारा बाह ना जुगाळा माणहु! आवो, अने तीहया राज ना हकदारया बणो, जे सुरु गेथु तमारी करते तीयार करलु से;

35 काहाके मे भुकलो हतो, अने तमु मने खवाड्या; मे तरहेलो हतो, अने तमु मने पाणी पीवाडला; मे अंजाणो हतो, अने तमु मने तमारा घोर राख्या;

36 मे नांगरलो हतो, अने तमु मने लुगडा पेरया मे मांदलो हतो, अने तमु मारा खबर्या आया; मे जेल मे हतो, अने तमु मने मळवा आया।”

37 आहयी वात हूमळीन तीहया धरमी माणहु मालीक ने केहे, “ए मालीक! आमु कतयार तने भुकलो देखला, अने खवाडला? कतयार तरहेलो देखला, अने पाणी पीवाडला?

38 आमु कतयार तने अंजाणो देखला अने अमारीन्तां राख्या? अने कतयार नांगरलो देखला अने लुगडा पेरवला?

39 कतयार तने मांदलो अने जेल मे देखला अने मळवा आवला?”

40 आहयु ह्मळीन राजो आहयो जपाप आपहे, “मे तमने हाचलीन केम, तमु मारा आहया भायु मे काना नान्ला भाय जुगु बी, जे कंय कर्या, तीहयु मारी जुगु करला से।”

41 “ता तीहयो आहफा ना डाखरी धेडे वाळा माणहु ने केहे, ‘ए खोडला! मारीनतां गेथा सेटा ह्य जावो। तीहयी जलमकी आकटी मे जावो, जे भुतडा जुगु ने तीना द्दतु जुगु तीयार करलो से;”

42 काहाके मे भुकलो हतो, अने तमु मने खाणु नी खवाड्या; मे तरहेलो हतो, अने तमु मने पाणी नी पीवाड्या।

43 मे अंजाणो हतो, अने तमु मने तमारीनतां नी राख्या; मे नांगरलो हतो, अने तमु अने लुगडा नी पेराया, मे मांदलो हतो, अने तमु मारा खबर्या नी आया, मे जेल मे हतो अने तमु मने मळवा नी आया।”

44 तत्तयार तीहया बी तीने पुसहे, ‘मालीक! आमु कत्तयार तने भुकलो, तरहेलो, अंजाणो, नांगरलो, मांदलो अने जेल मे कुंडायलो देखला अने तारी चाकरी नी कर्या?’”

45 ता तीहयो तीमने जपाप आपहे, “मे तमने हाचलीन केम, जे कंय तमु मारा आहया नान्ला गेथा बी नान्ला मेना एक जुगु बी नी कर्या, तीहयु मारी जुगु बी नी कर्या मुजुक से।

46 अने ईसम करीन आहया वेरी ने जलमको डंड जडहे, पण धरमी ने अमरकाय जीवाय जडहे।”

26

???? ???? ????? ?? ???

1 अने ईसु आखी वात कीदीन आहफा ना चेला ने केदो,

2 “तमु जाणो के वे दाडान बाद फसह नो तीवार से। ता मनख्या ना सोरा ने कुरुस पोर चडावीन मारवा करीन माणहु धराय देहे।”*

3 तीहयी टेमे डायला पुंजारा अने डायला पुडारी केफा नाम ना डायला पुंजारा नी हवेली मे भेळा हया।

4 अने तीहया आसम करीन वीच्यार कर्या के आमु केम करीन ईसु ने धरायन मराय नाखीया।

5 पण तीहया केता के “तीवार ना दाडे आसम नी करवा जोवे, कंखर आसम नी ह्य जाय के आखा माणहु दंगो फसात करे।”

???? ???? ????? ?? ?????

(???? 14:3-9; ????? 12:1-18)

6 जत्तयार ईसु बेतन्या मे सीमोन कुडावा ना घोर मे हतो,

7 *ता एक बयर मोगला दगडा नी हीही मे घण मोगलु ईत्तर लीन आयी। अने ईसु खाणु खावा बह र्यो हतो, ता ईसु ना मुंडा पोर रेड देदी।

8 आहयु देखीन ईसु ना चेला रीहवायन केदा, “आहयु ईत्तर ने उदडेत काहा बगाड देदी?”

9 आहयु ईत्तर घणु मोगु वेचातु, अने जे रुप्या आवता तीहया रुप्या ने गरीब मे वाट देती ता वारु रेत्तु।”

10 ईसु आहयु जाणीन, चेला ने केदो, “तमु आहयी बयर ने काहा दम र्या? आहयी मारी वाटु भलु काम करली से।

11 गरीब ते जलम तमारी हाते रेहे, पण मे जलम तमारी हाते नी री सकु।

12 आहयी मारा डील पोर जे ईत्तर रेडली से तीहयी मने गाडवा करीन तीयार करली से।

13 मे तमने हाचलीन केम, आखी कळी मे जां-जां मारी खुस-खबर ने परच्यार करहे, तां आहयी बयर नी फोम मे, आना काम ने बी नामलहे।”

???? ???????????? ???? ?? ???? ???? ???

(???? 14:10-11; ???? 22:3-6)

14 अळतेण ईसु ना बारे चेला मेनो एक जणो, जीनु नाम यहूदा ईस्कीयोती हतु, तीहयो डायला पुंजारान तां ज्यो,

15 अने तीहयो केदो, “कदीम मे ईसु ने तमारा हात मे धराय देम, ता तमु मने हु आपहु? तीहया तीने चांदी ना तीस रुपया गणीन आप देदा।”

16 तीहयी टेमे गेथो यहुदा ईस्करयोती ईसु ने धराव्वा नो वारु मोखो ह्रीदतो र्यो।

~~~~~

~~~~~ 14:12-21; ~~~~~ 22:7-13,21-23; ~~~~~ 13:21-30)

17 पण खमीर वगर ना रोद्ला ना तीवार ना पेलना दाड़े, ईसु ना चेला ईसु ने आवीन केदा, “तु फसह तीवार नु खाणु कां हारो खावा हींड र्यो? तां हरा आमु जीया, तने तारी जुगु फसह ना तीवार नु खाणु तीयार करया?”

18 अने ईसु केदो, “हेर मे तीहया अदमीन्तां जावो, अने तीने केवो, ‘मास्तर आहयु की र्यो के मारी टेमे हाते आय जेली से, मे मारा चेला हाते तारा घोर फसह तीवार नु खाणु खाही।’”

19 अने ईसु ना चेला जेम ईसु केदो, तेम कर्या, अने फसह ना तीवार नु खाणु तीयार कर्या।

20 अने हांती टेमे ईसु बारे चेला हाते खाणु खावा बह्यो।

21 अने खाणु खावा नी टेमे ईसु तीमने केदो, “मे तमने हाचलीन केम, तमारी मेनो एक जणो मने धोको दीन धराय देहे।”

22 अने तीहया चेला घणा होहवाय ज्या। अने तीमनी मेना एक-एक जणो ईसु ने पुसवा बाज ज्या, “ए मालीक! हु तीहयो मे से?”

23 तत्तयार ईसु केदो, “जे मारी हाते एक थाळी मे खाणु खाय तीहयो मने धोका सी धरावहे।

24 मनखया ना सोरा ने ते जवानुत से जेम तीना बारा मे लीखलु से; पण तीहया माणेह जुगु घणी दुख नी वात से, जे मनखया ना सोरा ने धरायो! तीहयो माणेह पयदा नी ह्यतो ता वारु रेतु।”

25 ता तीने धराव्वा वाळो यहुदा ईसु ने पुच्छ्यो, “ए मास्तर! तीहयो मे ते नी ह्य हु? मे से?” ईसु तीने केदो, “होव, हाचलीन तु की देदलो से।”

~~~~~

~~~~~ 14:22-26; ~~~~~ 22:14-20; 1 ~~~~~ 11:23-25)

26 जत्तयार तीहया खाणु, खावा बाज र्या हाता, ता ईसु हात मे रोद्लो धर्यो, अने रोद्ला जुगु तु घणो वारु से कीन रोद्लो भांगीन आहफा ना चेला ने आप्तो जायन केदो, “लेवो, आहया रोद्ला ने खाय लेवो, आहयो रोद्लो मारु डील से।”

27 अळतेण ईसु पीयालो हात मे धरीन घणो वारु से कीन चेला ने आहयु केतो जायन आप्यो, “तमु आखा आनी मे गेथु पीवो।

28 काहाके आहयो पीयालो मारा वायदा नु लोय से, जे आखा माणहु ना पाप नी माफी नी लेदे वयवा वाळु से।

29 मे तमने केम, हमणे गेथो जत्तयार लग मारा वाह ना राज मे तमारी हाते नवला अंगुर नो रोह नी पी लेम, तांह तक मे आहयु अंगुर नु नवलु रोह कदी नी पीम।”

30 अळतेण तीहया फसह तीवार नु भजन गावीन जेतुन ना बडा पोर जत र्या।

~~~~~

~~~~~ 14:27-31; ~~~~~ 22:31-34; ~~~~~ 13:36-38)

31 तीहयी टेमे ईसु तीमने केदो, “आज रातेत तमारो आखा नो भरहो मार पोर नी रेय। काहाके खरली सास्तर मे आहयु लीखलु से: मे गुवाळ्या ने मार नाखही, अने गाडरा नो टोळो रीवण्या-तीवण्या ह्य जहे,

32 *पण मे पासो जीवतो ह्यून अळतेण तमारी गेथो पेले गलील जीला मे जत रेही।”

33 एतरा मे पतरस ईसु ने केदो, “भले, आखा तार पोर गेथा भरहो सोड देय, पण मे कदी नी सोडु।”

34 ईसु पतरस ने केदो, “मे तने हाचलीन केम, आहयीत राते, कुकड़ो वाहवान पेले, तु मने तीन काव नीकारो करही।”

35 पतरस अळी ईसु ने केदो, “कदीम तारी हाते मने भले मरवा बी पडे, ते बी मे तारो नीकारो नी करु।” अने आखा चेला हेमेत केदा।

~~॥॥॥ ॥॥॥॥ ॥॥ ॥॥॥॥ ॥॥॥~~
(~~॥॥॥॥ 14:32-42; ॥॥॥॥ 22:39-46~~)

36 जत्त्यार ईसु चेला हाते गतसमनी नाम नी वाडी मे आयो, ता तीहयो आहफा ना चेला ने केदो, “जत्त्यार लग मे हेले जायन वीन्ती करीन पासो नी आवु, तत्त्यार लग तमु आज्ञेत बहजो।”

37 अळतेण ईसु पतरस ने अने जब्दी ना बे सोरा ने हाते ली ज्यो, अने तीहयो होहवायन अने घवरायवा बाज ज्यो।

38 अळतेण ईसु तीमने केदो, “मारो मन घण-जवर दुखी से, अने मारो जीव नीकळवा हींडे; तमु आज्ञे रेवो, अने मारी हाते चेतीन रीन जागला रेवो।”

39 ईसु थोडोक अगो जायन अळतेण तीहयो धरती पोर हुंगो वळीन वीन्ती कर्यो, “ए मारा बाह! कदीम तारी मरजी ह्य, ता आहयो दुख नो पीयालो टाळ दे। ते बी मारी नी पण तारीत मरजी पुरी ह्ये।”

40 अळतेण तीहयो आहफा ना चेलान तां ज्यो, अने तीमने हुवत्ला देख्यो। अने पतरस ने केदो, “तमने मारी हाते एक घटो बी नी जगायु हु?”

41 जागला रेवो अने वीन्ती करता रेवो, आनीन करते के तमु पारख मे नी पडो: आत्मा ते तीयार से, पण डील कमजोर से।”

42 ईसु एक कावा अळी, जायन, आहयो वीन्ती कर्यो, “ए मारा बाह! कदीम आहयो पीयालो मारा पीया वगर नी टळे, ता तारीत मरजी पुरी ह्ये।”

43 अळतेण ईसु अळी पासो आयो, ता तीहयो अळी आहफा ना चेला ने हुवत्ला देख्यो, काहाके तीहया नीदरायला हता।

44 तीहयो तीमने सोडीन अळी वीन्ती करवा ज्यो, अने वीन्ती ना तीहयात बोलु कीन तीसरी कावा वीन्ती कर्यो।

45 अळतेण ईसु आहफा ना चेलानतां आवीन तीमने केदो, “तमु हजु लग हुवीन अरामेत करवा बाज र्या हु? देखो! हाव तीहयो टेम आय जेली से, जत्त्यार मनखाया नो सोरो पापी माणहु ना हात मे होप देहे।

46 उठो! आपणु जीया, देखो, मने धोको दीन धराव्वा वाळो हातेत आव्वा बाज र्यो।”

~~॥॥॥ ॥॥॥॥॥॥॥ ॥॥ ॥॥॥ ॥॥ ॥॥॥॥ ॥॥॥~~
(~~॥॥॥॥ 14:43-50; ॥॥॥॥ 22:47-53; ॥॥॥॥॥॥ 18:3-12~~)

47 ईसु आहयु केवात बाज र्यो हतो के बारे चेला मेनो एक जणो, जीनु नाम यहुदा ईस्करीयोती हतु, तीहयो आय लाग्यो। तीनी हाते ढेरत माणहु तलवार्या अने डींगा लीन आय लाग्या। जीमने डायला पुंजारा अने डायला पुडार्या मोकल्ला हता।

48 ईसु ने धोको दीन धराव्वा वाळो यहुदा तीमने आहयु कीन सेलाणी आपलो हतो, “मे जीने कुको देही, तीहयोत ईसु से। तीने धर लेजो।”

49 अळतेण तीहयो यहुदा ईसुनतां आवीन केदो, “ए मास्तर! वारलो से के?” अने तीहयो ईसु ने कुको देदो।

50 ईसु तीने केदो, “दोस्तीदार! जे कामे तु आवलो से, तीहयु काम कर ले।” ता तीहया माणहु अगा आया, अने ईसु ने चपटीन धर लेदा।

51 अने एतरात मे ईसु ना हाती मेनो एक जणो आहफा नी तलवार मीयान मे गेथी नीकाळीन डायला पुंजारा ना पावर्यो नो झाटको दीन कान्टो तोड नाख्यो।

52 तत्त्यार ईसु तीने केदो, “तलवार मीयान मे पासी घाल ले, काहाके जे तलवार्ये करीन बीजा माणहु ने झटकावे तीहया तलवार्ये सी मर जहे।

53 तमने आहयी वात हमज नी आवती हु, के मे मारा बाह सी वीन्ती करही ता, तीहयो हरगदुत ना बारे टोळा गेथा बी जादा टोळा मोकली देहे?

54 पण कदीम मे आसम वीन्ती करीन हरगदुत बोलाय लेही ता खरली सास्तर मे लीखली वात केम पुरी ह्यहे?”

55 *तीहयीत टेमे ईसु माणहु ने केदो, “तमु मने डाकु हमजीन, तलवारया अने डींगा लीन मने धरवा आय र्या हु? मे ते दाडीनेत मंदीर मे बहीन हीकापण आप्या करतलो, तीहयी टेमे तमु मने काहा नी धरया?”

56 आहयु आखु आनीन करते हयु र्यु के भगवान वगे गेथा केण्या माणहु नी लारे जे बी केदलु हतु तीहयु आखु पुरु हय जाय ।” अळतेण आखा चेला ईसु ने रेवा दीन नाह पड्या ।

[मत्ती 14:53-65; मत्ती 22:54-55,63,71; मत्ती 18:13-14,19-24]

[मत्ती 14:53-65; मत्ती 22:54-55,63,71; मत्ती 18:13-14,19-24]

57 अने ईसु ने धराववा वाळा, तीने धरीन डायला पुंजारा केफान तां, जां हूरा डायला पुजारी अने चोखली सास्तर हीकाडन्या भेळा हय र्या हता ।

58 अने पतरस बी थोडोक सेटो रीन ईसुन पसळ-पसळ आयो अने डायला पुंजारा ना घोर ना आंगणा मे जयो, अने ईसु हाते हयतलु तीहयु देखवा करीन रखवाळ्या पावर्या हाते वह जयो ।

59 डायला पुंजारा अने मोटली पंचु ना माणहु मेळीन ईसु ना वीरोद मे वाक काडीन मारवा करीन झुटा गवा ह्रोद र्या हता ।

60 पण तीमने ईसु नो वाक नी नीकळ्यो । भले झुटा गवा अगा आवीन झुटी गवा देदा । आखरी मे बे जणा अगा आया

61 *अने केदा, “आहयो अदमी केदलो, मे भगवान ना मंदीर ने ओदार देही, अने तीन दाडा मे तीने अळी उबो कर देही ।”

62 अळतेण डायलो पुंजारो उबो हयन ईसु ने केदो, “आहया माणहु तारा वीरोद मे आहयी गवाय दी र्या, तीमना वीरोद मे कंय नी केणु हय हु?”

63 पण ईसु होगो हय र्यो । अळतेण डायलो पुंजारो ईसु ने केदो, “जीवतला भगवान नी तने आण घालु कदीम तु भगवान नो सोरो मसी हय, ता आमने कीदे ।”

64 ईसु केदो, “होव, तु केदो तेमेत से । मे तमने आहयु बी केम, हाव गेथा तमु नीस्ता मनख्या ना सोरा ने आखा मे जोरभर्या भगवान ना जमणी धेडे वह रेलो अने हरग ना वादळा पोर आवतलो देखहु ।”

65 एतरु हमळीन डायलो पुंजारो आहफा ना लुगडा फाडीन केदो, “आहयो भगवान नो वाक काडलो से । ता आमने गवा नु काम नी हय? हमणेत तमु आहया ईसु ने भगवान नो जवराण वाक काडतलो हमळला से ।

66 तमु आखा नो हु वीच्यार से?” तीहया केदा, “आहयो मोत नो डंड आपे एवो से ।”

67 अळतेण तीहया ईसु ना मोडा पोर थुप्या अने तीने ढीक देदा, अने थोडाक माणहु तीने थपडाट्या,

68 अने आहयु केदा “ए मसी! कदीम तु भगवान वगे गेथी वात केण्यो माणेह हय, ता आमने कीदे के तने कोय देदु?”

[मत्ती 14:53-65; मत्ती 22:54-55,63,71; मत्ती 18:13-14,19-24]

[मत्ती 14:53-65; मत्ती 22:54-55,63,71; मत्ती 18:13-14,19-24]

69 अने पतरस तीहयी टेमे बारथो आंगणा मे बह र्यो हतो । अने एक पावर्याण सोरी हाते आवीन तीने केदी, “तु बी गलील वाळा ईसु हाते हतो ।”

70 पण पतरस आखा अगळ ईसु नो नीकारो करतो जायन केदो, “तु हु केवा वाज री मे नी जाणतो ।”

71 अळतेण पतरस झापला नी पयडी भणी ज्यो, पण एक अळी बीजी पावर्याण तीने देखी अने तां हारीक उबा हय रेला माणहु ने केदी, “आहयो अदमी बी ईसु नासरी हाते हतो।”

72 एक काव अळी पतरस नीकारो कर्यो अने आण घालीन केदो, “मे हीय्या अदमी ने जाणु लग नी।”

73 अने थोडीक वार मे तां उबा हय रेला माणहु पतरस ने तां जायन केदा, “हाचलीन, तु बी तीमनी मेनो एक जणो से; काहाके तारी बोली चोखीझण उजन्तो कर देय के तु तांत वाळो से।”

74 आहयी वात हमळीन पतरस भलु भुंडु कीन हाम खायन केवा बाज ज्यो, “मे हीय्या अदमी ने जाणु लग नी।” अने तेतरी घडी कुकडो वाह देदो।

75 अने तत्तयार पतरस ने ईसु जे केदलो तीह्यु फोम आयु, “कुकडो वाहवान पेले तु मारो तीन कावा नीकारो करही।” अने तीहयो वारथो नीकळीन पुकु-पुकु रडवा बाज ज्यो।

27

☞☞☞☞☞ ☞☞ ☞☞☞ ☞☞

(☞☞☞☞☞ 15:1; ☞☞☞☞☞ 23:1-2; ☞☞☞☞☞☞☞ 18:28-32)

1 ह्वारे वेगात डायला पुंजारा अने माणहु ना डायला पुडारी आखा मेळीन ईसु ने मार नाखवा नी योजना बणाया।

2 अने अळतेण तीहया ईसु ने बांदीन ली ज्या अने डायला अदीकारी पीलातुस ना हात मे होप देदा।

☞☞☞☞☞ ☞☞ ☞☞☞

(☞☞☞☞☞☞☞ ☞☞ ☞☞☞ 1:18-19)

3 जत्तयार ईसु ने धराव्वा वाळो यहुदा आहयु देख्यो के तीहया ईसु ने गुनाळ्ळो टेरावीन डंड आप देदा, ता यहुदा ने घणो दुख लाग्यो, अने तीहयो डायला पुंजारांतां अने पुडार्यान्तां चांदी ना तीस रुप्या पासा आपवा ज्यो,

4 अने तीहयो केदो, “मे वण-गुनाळ्ळा माणेह ने मार नाखवा करीन धरावीन पाप करलो से।” पण तीहया माणहु केदा, “आमु हु करया! हीय्यी वात तुत देख ले।”

5 आहयु हमळीन यहुदा चांदी ना सीक्का मंदीर मे नाख देदो अने जायन गळा मे दोडु बांदीन टंगायन मर ज्यो।

6 डायला पुंजारा चांदी ना रुप्या चुटीन केदा, “आहया रुप्या ने खजाना मे मेकवा वारु नी हय, आहया ते लोय ना दाम से।”

7 एतरे तीहया वीचयार काडया अने अळतेण तीहया रुप्या नो, माणहु ने गाडवा करीन कुमायडा नु खेतर वेचातु ली लेदा।

8 एतरे तीहयो खेतर आज लग लोय नो खेतर केवाये।

9 आहयी रीते यीरम्या, भगवान वगे गेथो वात केण्या नो आहयो बोल पुरो हयो: “तीहया चांदी ना तीस रुप्या लीन ज्या, आहया रुप्या ईसरायल ना माणहु आपवा करीन बोली करला हता।

10 अने जेम मालीक मने हुकम आपलो हतो तीनात अनसारे तीहया रुप्या आपीन कुमायडा नु खेतर वेचातु ली लेदा।”

☞☞☞☞☞☞☞ ☞☞ ☞☞☞

(☞☞☞☞☞ 15:2-5; ☞☞☞☞☞ 23:3-5; ☞☞☞☞☞☞☞ 18:33-38)

11 ईसु हाव रोमी अदीकारी पीलातुस अगळ उबो हय र्यो हतो। रोमी अदीकारी तीने पुळ्यो, “तु यहुदी नो राजा से हु?” ईसु केदो, “होव, जेम तु केदो तेमेत से।”

12 जत्तयार डायला पुंजारा अने डायला पुडारी तीना पोर गुनो लगाडता हता, ता ईसु तीमने कंय नी केदो।

13 तत्पार पीलातुस ईसु ने पुछ्यो, “तने नी हमळायतु हु के आहया तार पोर केतरा गुना लगाड र्या?”

14 ते बी ईसु जपाप मे एक बोल बी नी केदो। आनीन करते रोमी अदीकारी घण-जबर वहराय ज्यो।

📖📖📖📖📖📖📖📖📖📖📖📖

(📖📖📖📖 15:6-15; 📖📖📖📖 23:13-25; 📖📖📖📖📖 18:39-19:16)

15 फसह ना तीवार ना दाडे अदीकारी नी आहयी रीती हती के तीहयो आहया तीवार पोर काना बी एक केदडा ने माणहु नी मरजी नी अनसारे जेल मे गेथा छोड्या करतो हतो।

16 तीहयी टेमे तां हारो एक बरब्बा नाम नो एक डामीस केदडो जेल मे हतो।

17 एतरे पीलातुस भेळा हय रेला माणहु ने केदो, “तमने हु जोवे? मे तमारी जुगु कोयने सोड देम? बरब्बा ने के मसी केवायवा वाळा ईसु ने सोडु?”

18 पीलातुस ने मालम हतु, के तीहया ईसु मसी ने कुहराये धरावला से।

19 पीलातुस जत्पार नीयाव नी गादी पोर बह र्यो हतो ता तीनी घोरवाळी तीने आहयी खबर की मोकली, “हीय्या धरमी माणेह ने कंय बी डंड नी आप्जे, काहाके हीनात कारण सी मने आज राते हपना मे घणी वेला झेलवा पडली से।”

20 पण डायला पुंजारा अने डायला पुडारी माणहु ने मनवी लेदा के तमु पीलातुस ने केवो के तु बरब्बा ने सोड दे अने ईसु ने मराय नाख।

21 अदीकारी पीलातुस अळी तीमने पुछ्यो, “तमने हु जोवे? मे आहया वे जणा मेना ने कोयने सोड देम?” तीहया केदा, “बरब्बा ने सोड दे।”

22 एतरे पीलातुस तीमने केदो, “ता मे ईसु नु हु करु, जे मसी केवाये?” आखा की पड्या, “ईने कुरुस पोर चडावो।”

23 पण पीलातुस पुछ्यो, “काहा? हीय्यो कानो गुनो करलो से?” बाखीन तीहया अळी बी ज्योरे आडीन केदा, “ईने कुरुस पोर चडावो।”

24 पीलातुस आहयु देख्यो के आहया मारी वात नी हमळता अने उलटो दंगो हय र्यो, ता तीहयो पाणी मांगीन माणहु अगळ हात धोयो अने केदो, “मे आहया धरमी माणेह ना लोय नो गुनाळ्ळो नी हय। आहयी वात ने तमुत जाणो।”

25 अने आखा माणहु जपाप आप्या, “आनु लोय वयाडवा नो गुनो अमारी पोर, अने अमारी अवल्यात पोर पडवा दे!”

26 अळतेण पीलातुस तीमनी जुगु बरब्बा ने सोड देदा, अने ईसु ने चपका दीन कुरुस पोर चडावो करीन सीपायडा ना हात मे होप देदो।

📖📖📖📖📖📖📖📖📖📖📖📖

(📖📖📖📖 15:16-20; 📖📖📖📖 19:2-3)

27 अळतेण रोमी अदीकारी पीलातुस ना सीपायडा ईसु ने हवेली ना आंगणा मे ली जायन तीनीनतां आखा सीपायडा ना टोळा भेळा कर लेदा।

28 तीहया तीना लुगडा काडीन तीने रातलु नाबलु डगलु पेरया,

29 अने काटा वाळा झाटवा नु मुळ्यु गुधीन तीना मुंडा पोर मेलया, अने तीना जमणा हात मे वाहण नी होटी धराय देदा। अने तीहया तीनी अगळ मांडा टेकीन आहयु केता जायन तीनी हाही उडाडता जीन केदा, “ए युहदी ना राजा वारलो से के!”

30 अने तीहया तीना मोडा पोर थुप्या अने तीना हात मे वाळी वाहण नी होटी तीना मुंडा पोर देता ज्या।

31 अळतेण तीहया तीनी हाही कर चुक्या ता तीहया तीनु नाबलु डगलु नीकाळ देदा अने तीने तीनात लुगडा पेरया अने तीने कुरुस पोर चडाववा करीन ली ज्या।

📖 📖 📖 📖 📖 📖 📖 📖 📖 📖

(📖 📖 15:21-32; 📖 📖 23:26-43; 📖 📖 📖 19:17-27)

32 જત્યાર તીહયા હ્રેર મે ગેથા નીકઢીન જવા બાજ ર્યા હતા, તા તીમને કુરેની ગામ મે રેળ્યો સીમોન નામ નો એક માણેહ ભેટ્યો । અને તીહયા તીને ઈસુ નુ કુરુસ જોર કરીન ઁચલાડ્યા ।

33 તીહયા ગુલગુતા નામ ના જાગે પુગ્યા, જીનુ મતલબ સે, “માણહુ ના ઁપડી નો જાગો ।”

34 તાં તીહયા માણહુ ઈસુ ને કઢવલુ મેસકાયલુ અંગુર નો રોહ પીવા આપ્યા । તીહયો તીહયા રોહ ને ઁાઁતી તે લેદો, પળ પીવા સી મના કર દેદો ।

35 તત્યાર તીહયા ઈસુ ને કુરુસ પોર ઁડાયા, અને ઁીટ્ટ્યા નાઁની તીના લુગડા વાટ લેદા ।

36 અઢતેળ તીહયા તાં બહીન ઈસુ નો પહરો દેવા બાજ જ્યા ।

37 અને તીહયા ઈસુ ના મુંડા ગેથી ઉપર કુરુસ પોર ગુનો લીઁની એક ઁીટ્ટી ઠોક દેદા, કે આહયુ ઁુહદયા નો રાજા મસી સે ।

38 તીહયા ઈસુ હાતે બે ઁોટ્ટા ને બી કુરુસ પોર ઁડાયા, એક ને તીના જમળી ઁેડે અને એક ને તીના ઁાઁરી ઁેડે ઁડાયા ।

39 અને તાં માયન આવવા અને જવા વાઢા માણહુ મુંડુ હીલાવીન તીની હાહી ઁડાડતા હતા અને તીનો વાક ઁાડ્યા ।

40 “અને ઈસમ કેતા હતા, “એ મંદીર ને હુદારવા વાઢા અને તીન ઁાડા મે તીને પાસો બળાવવા વાઢા । કદી તુ મગવાન નો બેટો હય તા, આહફા ને બઁાડ, અને કુરુસ પોર ગેથો ઁતરીન આવ ।”

41 આહયી રીતે, ઁાયલા પુંજારા બી ઁોઁલી સાસ્ટર હીઁાડન્યા અને ઁાયલા પુઁારી હાતે, ઈસમ કેતા જાયન તીની હાહી ઁડાડતા હતા,

42 “હીય્યો બીજા ને બઁાડ્યો, પળ આહફા ને ની બઁાડ સક્યો । આહયો તે ઈસરાયલી માણહુ નો રાજા સે । હાવ કુરુસ પોર ગેથો ઁતરીન આવ, તા આમુ આની પોર મરહો કરહુ ।

43 આહયો મગવાન પોર મરહો કરે । કદીમ મગવાન હીને ઁટ્ટકારો આપવા હીંડતો હય, તા હીને સોડાય લે । ઁાહાકે આહયો કેદલો હતો, ‘મે મગવાન નો સોરો સે ।’ ”

44 આઁ-ઁેડે કુરુસ પોર ઁડાવલા ઁાકુ બી આહયી રીતે વાક ઁાઁની હાહી ઁડાડતા હતા ।

📖 📖 📖 📖

(📖 📖 15:33-41; 📖 📖 23:44-49; 📖 📖 📖 19:28-30)

45 માથે ઁાડે સી માંજળીક ઁાડે લગ આઁવા દેસ મે અંદારુ સવાયલુ ર્યુ ।

46 માંજળીક ઁાડે ઈસુ જ્યોરેત આઁન કેદો, “એલી! એલી! લમા સવકતની?” આનુ મતલબ “એ મારા મગવાન, એ મારા મગવાન, તુ મને ઁાહા સોડ દેદો?”

47 જે તાં ઁવા રેવા વાઢા માણહુ મે સી ઁોઁક આહયુ હમઢીન કેવા બાજ જ્યા, આહયો તે એલીયા ને આડવા બાજ ર્યો ।

48 અને તીમની મે ગેથો એક મમાર દવડ્યો, અને પોતુ ને લીન અંગુર ના કઢવલા રોહ મે ઁુવાડ્યો અને વાહળ ના ઠોકરા પોર મેલીન તીને ઁુહાડ્યો ।

49 ઁોઁક માણહુ કેદા, રેવા દે! દેઁજે હીને એલીયો બઁાડવા આવે કે ની આવે ।

50 અને અઢતેળ ઈસુ જ્યોરેત આઁયો અને જીવ સોડ દેદો ।

51 તીહયી ઁેમે મંદીર નો પડ્દો ઉપર ગેથો હેટો લગ, ફાટીન બે ઁેપાડા હય જ્યો, ઁરતી હીલ જી અને ઁાફર્યા ફાટ જ્યા

52 અને તીહયી ઁેમે મઁાટ્યા લગ ઁગડી જ્યા, અને મગવાન ના મરલા ઁોઁલા માણહુ ના ઁોડુ પાસા જીવતા હય જ્યા ।

53 અને તીહયા મઁાટ્યા મે ગેથા નકઢી આયા અને ઈસુ ને જીવતો હયવાન અઢતેળ ઁરુસલેમ ના ઁોઁલા હ્રેર મે જાયન ઢેરેત માણહુ ને દેઁવાવ પડ્યા ।

54 सुबेदार अने तीनी हाते ईसु नो पेहरो देण्या सीपायडा धरती हीलीन धदडनु अने जे कंय ह्यु तीह्यु आखु देखीन घण-जबर बीही जया, अने की पड्या, हाचलीन! आहयो भगवान नो सोरो हतो।

55 *तां ढेरत बयरा बी उबा ह्य र्या हता। तीहया ईसु नी सेवा-चाकरी करवा करीन गलील जीला मे गेथा तीमनी हाते-हाते आवला हता।

56 तीमनी मे मरीयम मगदलीनी, याकुब अने युसुफ नी आय्ह मरीयम, अने जब्दी ना सोरा नी आय्ह हती।

☞☞☞ ☞☞ ☞☞☞☞ ☞☞☞☞

(☞☞☞☞ 15:42-47; ☞☞☞☞ 23:50-56; ☞☞☞☞☞☞☞ 19:38-42)

57 हांती टेमे अरीमीतीया हेर नो एक मालदार अदमी आयो। तीनु नाम युसुफ हतु, अने तीह्यु बी ईसु नो चेलो बण जेलो हतो।

58 तीहयो पीलातुस नी तां जाय्न ईसु नो धोड मांग्यो, अने पीलातुस हुकम आप्यो के धोड युसुफ ने आप देवो।

59 युसुफ ईसु नो धोड ली ज्यो, अने तीना धोड ने एक धोळला लुगडा मे लपट्यो।

60 अने आह्फा जुगु चाफर्या मे खोदाडीन बणावला मडाट्या मे तीहया धोड ने मेक देदो, अने तीहयो चाफर्या ना मडाट्या ना झापला पोर मोटलो दगडो ढबळावीन जत र्यो।

61 मरीयम मगदलीनी अने बीजी मरीयम तां मडाट्या अगळ बही री हती।

☞☞☞ ☞☞ ☞☞☞☞☞☞☞☞ ☞☞☞ ☞☞☞☞☞☞☞☞

62 अराम ना दाडा नी तीयारी ना बीजा दाड डायला पुंजारा अने फरीसी पंथवाळा भेळा ह्यन पीलातुस नी तां जया।

63 *अने केदा, “ए मालीक! आमने फोम से के तीहयो धोको देवा वाळो जत्यार जीवतलो हतो, ता केदलो हतो के भे तीसरे दाडे अळी पासो जीवतो ह्य जही।”

64 एतरे तीन दाडा लग मडाट्या नी रखवाळी करवा नो हुकम आप। कदीम ईसम नी ह्य जाय, के तीना चेला हीने चोरी करीन लीतती रेय, अने माणहु सी केय के ईसु मरला मे गेथो पासो जीवतो ह्य ज्यो। आहयो पासलो धोको ते पेलना धोका गेथो बी जादा रददी ह्यहे।”

65 पीलातुस केदो, “पहरो देण्या सीपायडा ने ली जावो, अने जीसम तमने हूमज मे आवे तेमेत मडाट्या नी रखवाळी करजो।”

66 तीहया ज्या अने मडाट्या ना झापला पोर लागला दगडा पोर सील लगाड देदा। अने मडाट्या नी रखवाळी करवा बाज ज्या।

28

☞☞☞ ☞☞ ☞☞☞☞ ☞☞☞☞

(☞☞☞☞ 16:1-10; ☞☞☞☞ 24:1-12; ☞☞☞☞☞☞☞ 20:1-10)

1 अराम ना दाडान बाद हप्ता ना दाडे परगड फाटतेत मरीयम मगदलीनी अने बीजी मरीयम मडाट्या ने देखवा आयी।

2 अने देखो, धरती हीली, काहाके मालीक नो एक दुत हरगे गेथो उतर्यो अने हाते आवीन तीहयो दगडा ने ढबळाय देदो, अने तीनी पोर बह ज्यो।

3 तीनो रुप वीजळीन तेम अने तीना लुगडा बरप ने तेम धोळा हता।

4 तीना वीक सी झापले पेहरो देण्या काप उट्या, अने मरला हरका ह्य जया।

5 हरगदुत बयराम ने केदो, “ना बीहो, मे जाणु के तमु ईसु ने जे कुरुस पोर चडावला तीने ह्योदवा बाज री

6 तीहयो आजे नी ह्य, पण आह्फा बोलु नी अनसारे जीवतो ह्यलो से। आवो, आहयो जागो देखो, जां ईसु मालीक ने मेकला हतो,

7 अने ममार जायन तीमना चेलाम ने केवो के तीहयो मरला मे गेथो पासो जीवतो हय जेलो से, अने तीहयो तमारी गेथो पेले गलील मे जत रयो, तां तीने देखहु! देखो, मे तमने देखाइ देदो।”

8 अने तीहया बीक अने मोटी खुसी हाते मडाट्या मे सी ममार पासी आवीन तीमना चेलाम ने खबर आपवा दवडी पडी।

9 तत्त्यार ईसु तीमने भेट्यो। अने केदो, “सुखी रेवो” तीहया हाते आवीन अने तीना पोग धरीन तीने वांद्या।

10 तत्त्यार ईसु तीमने केदो, “ना बीहो; मारा भायु सी जायन केवो के गलील मे जत रेय तां मने देखहु।”

????? ?????? ??? ???? ?

11 तीहयो जवात बाज री हती के पेहरो देण्या मे गेथा धोडाक माणहु हेर मे आवीन आखी वात डायला पुजारा ने हमळाया।

12 तत्त्यार तीहया डायला पुडारी नी हाते भेळा हयन वीच्यारीन अने सीपायडा ने ढेरका चांदी ना सीक्का आप्या,

13 अने केदा, “आहयु केजो के राते जत्त्यार आमु हुव्वा बाज रेला हता, तत्त्यार ईसु ना चेला आवीन तीना धोड ने चोरी कर ली ज्या।

14 अने आहयी वात मुखी-डायला ना कान्टा लग पुग जहे, ता आमु तीने हमजाइ लेहु अने तने फीकर करवा सी बचाइ लेहु।”

15 तीहया रुप्या लीन जेम हीकाइला हता, तेमेत कर्या। आहयी वात आज लग युहद्या मे चाल री।

???? ?? ?????? ?????? ??? ????? ?????

(????? 16:14-18; ????? 24:36-49; ?????? 20:19-23; ?????? ?? ??? 1:6-

8)

16 *ग्यारे चेला गलील मे तीहया बडा पोर ज्या, जीने ईसु तीमने देखाइलो हतो।

17 जत्त्यार तीहया ईसु ने देख्या ता तीनी भक्ती कर्या। पण कोय-कोय ना मन मे सण्का हयी।

18 ईसु तीमनी हाते आवीन केदो, “हरग अने धरती नो आखो हक मने आपलो से।

19 *आनीन करीन तमु जावो, आखा राज्य ना माणहु ने चेला बणावो; अने तीमने वाह, अने सोरा, अने चोखली आत्मा नी नाम सी बपतीस्मा आपो,

20 अने तीमने आखी वातु जे मे तमने हुकम आपलो से, मानवा हीकाडो: अने देखो, मे कळी ना आकरी लग सदा तमारी हाते से।”